



প্রহ্লাদলী।



স্বর্গীয় কবি বিহারি লাল চক্রবর্তী বিরচিত।



শ্রীঅবিনাশ চন্দ্র চক্রবর্তী কর্তৃক সম্পাদিত।



কলিকাতা।

২৭ নং কলেজ ষ্ট্রীট, বি, বি, ধর এণ্ড কোম্পানি দ্বারা মুদ্রিত।




বৈশাখ, ১৩০৭ সাল।



প্রকাশক,
শ্রীঅবিনাশ চন্দ্র চক্রবর্তী,
৫ নং অক্ষয় দত্তের লেন, নিমতলা ষাট ষ্ট্রীট,
কলিকাতা।





চরিত্রবান্ পুরুষের লেখা বুঝিতে হইলে স্বয়ং চরিত্রবান্ হওয়া আবশ্যিক। অস্বদেশে চরিত্রবান্ পুরুষ অতীব বিরল; একেবারে নাই এ কথা বলা যায় না। পরন্তু, এ কথা বলিতে গেলে অনেকেরই বিরাগ-ভাজন হইতে হয়। বাঙ্গালায় কি কবিতা, কি দর্শনশাস্ত্র, কি ইতিহাস, কি গণিতশাস্ত্র সকল বিষয়েরই উন্নতির সূত্রপাত হইয়াছে মাত্র; বরং অন্যান্য বিষয় অপেক্ষা কবিতার অধিকতর উন্নতি হইয়াছে বলিলে নিতান্ত ভুল বলা হয় না। বিগত পঞ্চাশ বৎসর পূর্বের কবিতার সহিত এখনকার কবিতার তুলনা করিয়া দেখিলে এই কথাই স্পষ্ট উপলব্ধি হইবে।

চরিত্র কেহ কাহাকে দিতে পারে না। যে দেশে যে পরিমাণে লোকে চরিত্রের উৎকর্ষ সাধন বিষয়ে তৎপর, সেই দেশে সেই পরিমাণে লোকে সর্ববিষয়ে উন্নতি লাভ করিয়া থাকে। চরিত্রের উৎকর্ষ সাধন বহু সময় সাপেক্ষ। বাঙ্গালায় সেই সাধনার আরম্ভ হইয়াছে মাত্র। বহুদিবস নিদ্রিতাবস্থায় থাকিয়া আমাদের এমন অভ্যাস হইয়া গিয়াছে যে, সেই নিদ্রার কেহ ব্যাঘাত জন্মাইলে আমরা বড়ই বিরক্ত হই। কারণ জাগ্রত অবস্থা আমাদের নিকট অচেনা বলিয়া মনে হয়, সুতরাং তাদৃশ অবস্থা আমাদের ভালই লাগে না। যে যে সুন্দর হৃদয়শালী

মহাআগণ বঙ্গদেশকে সেই চিরপ্রসুপ্ত অবস্থা হইতে জাগাইবার প্রয়াস পাইয়াছেন, বঙ্গদেশকে নূতন সঞ্জীবনী মন্ত্র দান করিয়া এই সুন্দর সুমনোহর কাব্য গ্রন্থগুলির প্রণেতা স্বর্গীয় কবি বিহারি লাল চক্রবর্তী মহাশয় তাঁহাদিগের মধ্যে একজন। এই ধার বশবর্তী হইয়া আমরা এই গ্রন্থাবলী প্রকাশ করিলাম, নচেৎ আবশ্যিকতা ছিল না। তাই বলিতেছিলাম, বঙ্গদেশে চরিত্র পুরুষের সংখ্যা যে পরিমাণে বৃদ্ধিত হইবে, সেই পরিমাণে এই পুস্তকগুলির আদর করিবার লোকসংখ্যা উত্তরোত্তর বৃদ্ধি পাইবে।

শ্রীযুক্ত বাবু জ্যোতিরীন্দ্র নাথ ঠাকুর মহাশয় ইংরাজি ১৮৮১ স এই গ্রন্থাবলীর প্রণেতা স্বর্গীয় কবি বিহারি লাল চক্রবর্তী মহাশয় একখানি আলেখ্য স্বহস্তে অঙ্কিত করেন ও এতদিন যাবৎ সযত্নে উহার রক্ষিত করিয়াছিলেন। সেই আলেখ্য হইতে প্রস্তুত করিয়া আমরা সহস্রদয় পাঠকসমাজে কবির এই চিত্র উপহার দিতে সক্ষম হইলাম। নচেৎ কবির অন্য কোন চিত্র ছিল না। আমরা সেই জ্যোতিরীন্দ্র বাবুকে আন্তরিক ধন্যবাদ প্রদান করিতেছি।

সম্পাদক।

২০৭



সূচীপত্র ।

	পৃষ্ঠা ।
সারদাগঙ্গল	১
মায়াদেবী	৬৭
শরৎকাল	৮৭
ধূমকেতু	১১৭
দেবরাণী	১২৯
বাউল বিংশতি	১৩৯
সাধের আসন	১৬৭
কবিতা ও সঙ্গীত	২৭৩

কবির একখানি পত্র ।

৫ নং অক্ষয় দত্তের লেন,
নিমতলা ঘাট ষ্ট্রীট,
কলিকাতা, ৪ঠা কার্তিক ১২৮৮

মুহূদয়

শ্রীযুক্ত বাবু অনাথবন্ধু রায়

মহাশয় করকমলেষু ।

ব্রাতঃ !

মৈত্রীবিরহ, প্রীতিবিরহ, সরস্বতীবিরহ যুগপৎ ত্রিবিধ বিরহে উন্মত্তব
হইয়া আমি সারদামঞ্জল সঙ্গীত রচনা করি ।

সর্ব্বাদৌ প্রথম সর্গের প্রথম কবিতা হইতে চতুর্থ কবিতা পর্য্যন্ত রচনা করি
বাগেশী রাগিণীতে পুনঃপুনঃ গান করিতে লাগিলাম ; সময় শুক্লপঙ্কের দ্বিপ্রহ
রজনী, স্থান উচ্চ ছাদের উপর । গাহিতে গাহিতে সহসা বাম্বীকি মূনির পূর্ব্ববৎ
কাল মনে উদয় হইল, তৎপরে বাম্বীকির কাল, তৎপরে কালিদাসের । এ
ত্রিকালের ত্রিবিধ সরস্বতীমূর্ত্তি রচনানন্তর আমার চির আনন্দময়ী বিবাদিনী
সারদা কখন স্পষ্ট কখন অস্পষ্ট কখন বা তিরোহিত ভাবে বিরাজ করিতে
লাগিলেন । বলা বাহুল্য যে এই বিবাদময়ী মূর্ত্তির সহিত বিরহিতমৈত্রীপ্রীতি
জ্ঞান করুণামূর্ত্তি মিশ্রিত হইয়া একাকার হইয়া গিয়াছে ।

এখন বোধ করি বুঝিতে পারিলেন যে, আমি কোন উদ্দেশ্যেই সারদামঞ্জ
লিখি নাই ।

মৈত্রী ও প্রীতিবিরহ যথার্থ সরল সহজভাবে বুঝাইতে হইলে আমার সম
জীবন বৃত্তান্ত লেখা আবশ্যক করে, এবং সরস্বতীর সহিত প্রেম, বিরহ ও মিল
বুঝাইতে হইলে অনেকগুলি অসর্ব্ববাদীসম্মত কথা কহিতে হয়, কি কি
বলুন, আমাকে কুরুটে ভাবিবেন না । একান্ত শুশ্রূষা বুঝিলে সারদা-প্রেমে
অসর্ব্ববাদীসম্মত কথা পত্রান্তরে লিখিব, কেবল জীবন বৃত্তান্ত এখন লিখিতে
পারিব না ।

অনুবৃত্ত

শ্রীবিহারি চক্রবর্তী ।

साराङ्गफल

~~~~~  
“सङ्गमविरहविकल्पे वरमिह विरही न सङ्गमस्तस्याः ।  
सङ्गं सैव तथैका विभुवनमपि तन्मयं विरहे ॥”  
~~~~~

১২৭৭ সালে 'সারদামঙ্গলের' রচনা আরম্ভ হইয়া অসম্পূর্ণ অবস্থায় পড়িয়া থাকে, ১২৮১ সালে "আর্য্যদর্শন" পত্রে তদবস্থাতেই প্রকাশিত হয়। ১২৮৬ সালে ইহার প্রথম সংস্করণ প্রকাশিত হইয়াছিল ; এক্ষণে দ্বিতীয় সংস্করণ সম্পূর্ণ হইল।

উপহার-



গীতি ।

[রাগিনী ভৈরবী,—তাল আড়াঠেকা ।]

নয়ন-অমৃতরাশি প্রেয়সী আমার !

জীবন-জুড়ান ধন, হৃদি ফুলহার !

মধুর মুরতি তব

ভরিয়ে রয়েছে তব,

সম্মুখে সে মুখ-শশী জাগে অনিবার !

কি জানি কি ঘুমঘোরে,

কি চোকে দেখেছি তোরে,

এ জনমে ভুলিতে রে পারিব না আর !

তবুও ভুলিতে হবে,

কি লয়ে পরাণ হবে,

কাদিয়ে চাঁদের পানে চাই বারেবার !

কুসুম-কানন মন

কেন রে বিজন বন,

এমন পূর্ণিমা-নিশি যেন অন্ধকার !

হে চন্দ্রমা, কার ছুখে

কাদিছ বিষণ্ণ মুখে !

অয়ি দিগঙ্গনে কেন কর হাহাকার !

হয় তো হলনা দেখা,

এ লেখাই শেষ লেখা,

অস্তিম কুসুমাঞ্জলি স্নেহ-উপহার,—

ধর ধর স্নেহ-উপহার !

সাবিত্রীমঙ্গল ।

প্রথম সর্গ ।

গীতি ।

[রাগিনী ললিত,—তাল আড়াঠেকা ।]

ওই কে অমরবাল্য দাঁড়িয়ে উদয়াচলে,
সুমন্ত প্রকৃতি পানে চেয়ে আছে কুতূহলে !
চরণ কমলে লেখা
আধ আধ রবি-রেখা,
নক্সাঙ্গে গোলাপ-আভা, সীমন্তে শুকতারাজলে ।
যোগে যেন পায় ক্ষুণ্ণ
নদয়া করুণামূর্তি,
বিতরেন হাসি হাসি শান্তিমুখা ভূমণ্ডলে ।
হয় হয় প্রায় ভোর,
ভাঙে ভাঙে সুমঘোর,
সুসম্প্রকপিণী উনি, উষারাগী সবে বলে ।

সারদামঙ্গল ।

বিরল তিমির জাল,
 স্তম্ভ স্তম্ভ লালেলাল,
 মগন ভারকারাজি গগনের নীল জলে ।
 তরুণ-কিরণাননা
 কাগে সব দিগঙ্গনা,
 কাগেন পৃথিবী দেবী স্ময়ঙ্গল কোলাহলে ।
 এস না উষার সনে
 বীণাপাণি চন্দ্রাননে,
 রাঙা চরণ দুখানি রাখ হৃদয় কমলে ।

১

কে তুমি ত্রিদিবদেবী বিরাজ হৃদি কমলে !
 নধর নগনা লতা মগনা কমলদলে ।
 মুখখানি চল চল,
 আলুথালু কুন্তল,
 সনাল কমল দুটি হাসে বাম করতলে ।

২

কপোলে সুধাংশু ভাস,
 অধরে অরুণ হাস,
 নয়ন করুণাসিন্ধু প্রভাতের তারা জলে ।

সারদামঙ্গল ।

৫

৩

মাথা খুয়ে পয়োধরে
কোলে বীণা খেলা করে,
স্বর্গীয় অমিয় স্বরে জানিনে কি কথা বলে ।

৪

ভাবভরে মাতোয়ারা,
যেন পাগলিনী পারা,
আহ্লাদে আপনা-হারা মুগ্ধা মোহিনী,
নিশাপ্তের শুকতারা,
চাঁদের সুধার ধারা,
মানস-মরালী মন আনন্দ-রুপিণী !
তুমি সাধনের ধন,
জানসাধকের মন,
এখন আমার আর কোন খেদ নাই ম'লে !

৫

নাহি চন্দ্র সূর্য্য তারা,
অনল-হিল্লোল-ধারা,
বিচিত্র-বিচ্যত-দাম-হ্যতি ঝলমল ;
তিমিরে নিমগ্ন তব,
নীরব নিস্তরু সব,
কেবল মরুতরাশি করে কোলাহল ।

হিমাদ্রি শিখর পরে
 আচম্বিতে আলো করে
 অপরূপ জ্যোতি ওই পুণ্য তপোবনে !
 বিকচ নয়নে চেয়ে
 হাসিছে দুধের মেয়ে,—
 তামসী-তরুণ-উষা কুমারীরতন ।
 কিরণে ভুবন ভরা,
 হাসিয়ে জাগিল ধরা,
 হাসিয়ে জাগিল শূন্যে দিগঙ্গনাগণে ।
 হাসিল অম্বরতলে
 পারিজাত দলে দলে,
 হাসিল মানস সরে কমল কানন ।

হরিণী মেলিল আঁখি,
 নিকুঞ্জে কুজিল পাখী,
 বহিল সৌরভময় শীতল সমীর,
 ভাস্কিল মোহের ভুল,
 জাগিল মানব কুল,
 হেরিয়ে তরুণ-উষা আনন্দে অধীর ।

৮

অম্বরে অরুণোদয়,
তলে ছলে ছলে বয়
তমসা তটিনী-রাণী কুলু কুলু স্বনে ;
নিরখি লোচনলোভা
পুলিন-বিপিন-শোভা
ভ্রমেন বান্মীকি মুনি ভাবভোলা মনে ।

৯

শাখি-শাখে রসমুখে
ক্রৌঞ্চ ক্রৌঞ্চী মুখে মুখে
কতই সোহাগ করে বসি দুজনায়,
হানিল শবরে বাণ,
নাশিল ক্রৌঞ্চের প্রাণ,
রুধিরে আপ্পূত পাখা ধরনী লুটায় ।

১০

ক্রৌঞ্চী প্রিয় সহচরে
ঘেরে ঘেরে শোক করে,
অরণ্য পূরিল তার কাতর ক্রন্দনে ।
চক্ষে করি দরশন
জড়িমা-জড়িত মন,
করুণ-হৃদয় মুনি বিহ্বলের প্রায় ;

সারদামঙ্গল ।

সহসা ললাটভাগে
জ্যোতির্ময়ী কন্যা জাগে,
জাগিল বিজলী যেন নীল নব ঘনে ।

১১

কিরণে কিরণময়
বিচিত্র আলোকোদয়,
ত্রিয়মাণ রবি-ছবি, ভুবন উজলে ।
চন্দ্র নয়, সূর্য্য নয়,
সমুজ্জ্বল শান্তিময়,
ঋষির ললাটে আজি না জানি কি জলে !

১২

কিরণ-মণ্ডলে বসি
জ্যোতির্ময়ী সুরূপসী
যোগীর ধ্যানের ধন ললাটিকা মেয়ে
নামিলেন ধীর ধীর,
দাড়ালেন হয়ে স্থির
মুগ্ধ নেত্রে বান্ধীকির মুখ পানে চেয়ে ।

১৩

করে ইন্দ্রধনু-বালা,
গলায় তারার মালা,
সীমন্তে নক্ষত্র জলে, ঝলমলে কানন ;

সারদামঙ্গল ।

৯

কর্ণে কিরণের ফুল,
দোহুল্ টাঁচর চুল
উড়িয়ে ছড়িয়ে পড়ে ঢাকিয়ে আনন ।

১৪

হাসিহাসি-শশি-মুখী,
কতই কতই সুখী !
মনের মধুর জ্যোতি উছলে নয়নে ।
কভু হেসে চল চল,
কভু রোষে জল জল,
বিলোচন ছল ছল করে প্রতিফলে ।

১৫

করুণ ক্রন্দন রোল
উত উত উতোরোল,
চমকি বিহ্বলা বালা চাহিলেন ফিরে ;
হেরিলেন রক্তমাথা
মৃত ক্রৌঞ্চ ভগ্ন-পাথা,
কাঁদিয়ে কাঁদিয়ে ক্রৌঞ্চী ওড়ে ঘিরে ঘিরে ।

১৬

একবার সে ক্রৌঞ্চীকে
আর বার বান্ধীকিরে
নেহারেন ফিরে ফিরে, যেন উন্মাদিনী ;

সারদামঙ্গল ।

কাতরা করুণা-ভরে,
গান্ সকরুণ স্বরে,
ধীরে ধীরে বাজে করে বীণা বিষাদিনী ।

১৭

সে শোক-সংগীত-কথা
শুনে কাঁদে তরু লতা,
তমসা আকুল হয়ে কাঁদে উভরায় ।
নিরখি নন্দিনী-ছবি
গদ গদ আদি কবি
অন্তরে করুণা-সিকু উথলিয়া ধায় ।

১৮

রোমান্তিক কলেবর,
টলমল থরথর,
প্রফুল্ল কপোল বহি বহে অশ্রুজল ।
হে যোগেন্দ্র ! যোগাসনে
ঢুলু ঢুলু ছনয়নে
বিভোর বিহ্বল মনে কাঁহারে ধেরাও ।
কমলা ঠমকে হাসি
ছড়ান্ রতনরাশি,
অপাঙ্গে ক্রভঙ্গে আহা ফিরে নাহি চাও !

ভাবে ভোলা খোলা প্রাণ,
ইন্দ্ৰাসনে তুচ্ছ জ্ঞান,
হাসিয়ে পাগল বলে পাগল সকল ।

১৯

এমন করুণা মেয়ে
আছে ঈঁর মুখ চেয়ে,
ছলিতে এসেছ তাঁরে কেন গো চপলা !
হেরে কণ্ঠা করুণায়
শোক তাপ দূরে যায়,
কি কাজ—কি কাজ তাঁর তোমায় কমলা !

২০

এস মা করুণারাগী,
ও বিপু-বদন-খানি
হেরি হেরি আঁখি ভরি হেরি গো আবার ;
শুনে সে উদার কথা
জুড়াক্ মনের ব্যথা,
এস আদরিণী বাণী সমুখে আমার !
যাও লক্ষ্মী অলকায়,
যাও লক্ষ্মী অমরায়,
এস না এ যোগী-জন-তপোবন-স্থলে !

২১

ব্রহ্মার মানস সরে
 ফুটে চলচল করে
 নীল জলে মনোহর সুবর্ণ-নলিনী,
 পাদপদ্ম রাখি তায়
 হাসি হাসি ভাসি যায়
 ষোড়শী রূপসী বামা পূর্ণিমা-বামিনী ।

২২

কোটি শশী উপহাসি
 উথলে লাবণ্য রাশি,
 তরল দর্পণে যেন দিগন্ত আবরে ;
 আচম্বিতে অপরূপ
 রূপসীর প্রতিকূপ
 হাসি হাসি ভাসি ভাসি উদয় অম্বরে ।

২৩

ফটিকের নিকেতন,
 দশ দিকে দরপণ,
 বিমল সলিল যেন করে তক্ তক্ ;
 সুন্দরী দাঁড়িয়ে তার
 হাসিয়ে যে দিকে চায়
 সেই দিকে হাসে তার কুহকিনী ছায়া,

নয়নের সঙ্গে সঙ্গে
ঘুরিয়া বেড়ায় রঙ্গে,
অবাক দেখিলে, হয় অমনি অবাক ; চক্ষে পড়েনা পলক ।
তেমনি মানস সরে
লাবণ্য-দর্পণ-ঘরে
দাঁড়ায়ে লাবণ্যময়ী দেখিছেন মায়া ।—

২৪

যেন তাঁরে হেরি হেরি,
শূন্যে শূন্যে ঘেরি ঘেরি,
রূপসী তাঁদের মালা ঘুরিয়া বেড়ায় ;
চরণ কমল তলে
নীলনভ নীলজলে
কাঞ্চন-কমলরাজি ফুটে শোভা পায় ।

২৫

চাহিয়ে তাঁদের পানে
আনন্দ ধরে না প্রাণে,
আনত আননে হাসি জলতলে চান ;
তেমনি রূপসী-মালা
চারি দিকে করে খেলা,
অধরে মূঢ়ল হাসি আনত বয়ান ।

২৬

রূপের ছটায় তুলি
 শ্বেত শতদল তুলি
 আদরে পরাতে যান সীমন্তে সবার,
 তাঁরাও তাঁহারি মত
 পদ্ব তুলি যুগপত
 পরাতে আসেন সবে সীমন্তে তাঁহার ।

২৭

অমনি স্বপন প্রায়
 বিভ্রম ভাঙিয়া যার,
 চমকি আপন পানে চাহেন রূপসী ;
 চমকে গগনে তারা,
 ভূধরে নির্ঝর ধারা,
 চমকে চরণ তলে মানস-সরসী ।

২৮

কুবলয়-বনে বসি
 নিকুঞ্জ-শারদশশী
 ইতস্তত শত শত সুরসীমন্তিনী
 সঙ্গে সঙ্গে ভাসি যার
 অনিমেঘে দেখে তাঁর,
 যোগাসনে যেন সব বিহ্বলা যোগিনী ।

২৯

কিবে এক পরিমল
বহে বহে অবিরল !
শান্তিময়ী দিগঙ্গনা দেখেন উল্লাসে ।
শূন্যে বাজে বীণা বাঁশী,
সৌদামিনী ধায় হাসি,
সংগীত অমৃত-রাশি উথলে বাতাসে ।
তীরে ঘেরে, ঘোড় করে
অমর কিন্নর নরে
সম স্বরে স্তব করে, ভাসে অশ্রুজলে—
অমর কিন্নর নরে ভাসে অশ্রুজলে ॥

৩০

তোমাতে হৃদয়ে রাখি
সদানন্দ মনে থাকি,
শ্মশান অমরাবতী ছ-ই ভাল লাগে ;
গিরিমালা, কুঞ্জবন,
গৃহ, নাট-নিকেতন,
বখন যেখানে বাই, বাও আগে আগে ।
জাগরণে জাগ হেসে,
ঘুমালে ঘুমাও শেষে,
স্বপনে মন্দার-মালা পরাইয়ে দাও গলে ॥

৩১

যত মনে অভিলাষ,
 তত তুমি ভালবাস,
 তত মন প্রাণ ভোরে আমি ভালবাসি ;
 ভক্তি ভাবে এক তানে
 মজেছি তোমার ধ্যানে ;
 কমলার ধনমানে নহি অভিলাষী ।

থাক হৃদে জেগে থাক,
 রূপে মন ভোরে রাখ,
 তপোবনে ধ্যানে থাকি এ নগর-কোলাহলে ।

৩২

তুমিই মনের তপ্তি,
 তুমি নয়নের দীপ্তি,
 তোমা-হারা হ'লে আমি প্রাণ-হারা হই ;
 করুণা-কটাক্ষে তব
 পাই প্রাণ অভিনব
 অভিনব শান্তিরসে মগ্ন হয়ে রই ।

যে ক দিন আছে প্রাণ,
 করিব তোমায় ধ্যান,
 আনন্দে ত্যোজিব তনু ও রাঙা চরণতলে ॥

৩৩

অদর্শন হ'লে তুমি,
তোজি লোকালয় ভূমি,
অভাগা বেড়াবে কেঁদে নিবিড় গহনে ;
হেরে মোরে তরু লতা
বিষাদে কবে না কথা,
বিষন্ন কুসুম কুল বন-ফুল-বনে ।

‘হা দেবী, হা দেবী,’ বলি
গুঞ্জরি কাঁদবে অলি ;
নীরবে হরিণীবালা ভাসিবে নয়নজলে ॥

৩৪

নির্ঝর ঝর্ঝর রবে
পবন পূরিয়ে যবে
আঘোষিবে সুরপুরে কাননের করুণ ক্রন্দন হাহাকার,
তখন টলিবে হার আসন তোমার,—
হায় রে তখন মনে পড়িবে তোমার !
হেরিবে কাননে আসি
অভাগার ভস্মরাশি,
অথবা হাড়ের মালা, বাতাসে ছড়ায় ;
করুণা জাগিবে মনে,
ধারা ববে ছুঁয়নে,
নীরবে দাঁড়ায়ে রবে, প্রতিমার প্রায় ।

৩৫

ভেবে সে শোকের মুখ
 বিদরে আমার বুক,
 মরিতে পারিনে তাই আপনার হাতে ;
 বেঁধে মারে, কত সয় !
 জীবন যন্ত্রণাময়
 ছাৰ্খাৰ্ চূৰ্মাৰ্ বিনি বজ্রাঘাতে ।
 অন্তরাত্মা জর জর,
 জীর্ণাৰ্ণ্য চরাচর,
 কুসুমকানন-মন বিজন শ্মশান ;
 কি করিব, কোথা যাব,
 কোথা গেলে দেখা পাব,
 হৃদি-কমল-বাসিনী কোথারে আমার !
 কোথা সে প্রাণের আলো,
 পূর্ণিমা-চন্দ্রিমাজাল,
 কোথা সেই সুধামাথা সহাস বয়ান !
 কোথা গেলে সঞ্জীবনী !
 মণি-হারা মহা খনি
 অহো সেই হৃদিরাজ্য কি ঘোর আধার !
 তুমি তো পাষণ নও
 দেখে কোন্ প্রাণে হও,
 অয়ি সুপ্রসন্ন হও কাতর পাগলে !

দ্বিতীয় সর্গ ।

গীতি ।

[রাগিনী কালাংড়া,—তাল ষৎ ।]

হারায়েছি—হারায়েছি রে, সাধের স্বপনের ললনা !

মানস-মরালী আমার কোথা গেল বলনা !

কমল কাননে বালা,

করে কত ফুলখেলা,

আহা, তার মালা গাথা হ'ল না !

প্রিয় ফুলতরুগণ,

সুধাকর, সমীরণ,

বল বল ফিরে কি আর পাবনা !

কেন এল চেতনা !

১

আহা সে পুরুষবর

না জানি কেমন তর

দাঁড়িয়ে রজতগিরি অটল সুধীর !

উদার ললাট ঘটা,

লোচনে বিজলী ছটা,

নিটোল বুকের পাটা, নধর শরীর ।

২

সৌম্য মূর্তি স্ফূর্তি-ভরা,
 পিঙ্গল বকুল পরা,
 নীরদ-ভরঙ্গ-লীলা জটা মনোহর ;
 শুভ্র অন্ন উপবীত
 উরস্থলে বিলম্বিত,
 যোগপাটা ইন্দ্রধনু রাজিছে সুন্দর ।

৩

কুমুমিতা লতা ভালে,
 শ্মশুরেখা শোভে গালে,
 করেতে অপূৰ্ব এক কুমুম রতন ;
 চাহিয়ে ভুবন পানে
 কি যেন উদর প্রাণে,
 অধরে ধরেনা হাসি—শশীর কিরণ ।

৪

কি এক বিভ্রম ঘটা,
 কি এক বদন ছটা,
 কি এক উছলে অঙ্গে লাবণ্য-লহনী !
 মন্দাকিনী আসি কা
 থমকে দাঁড়িয়ে আছে,
 থমকে দাঁড়িয়ে দেখে অমর অমরী ।

৫

নধর মন্দার রাজি
নবীন পল্লেবে সাজি
দূরে দূরে ধীরে ধীরে ঘেরিয়ে দাঁড়ায় ।
গরজি গভীর স্বরে
জলধর শির'পরে
করি করি জয়ধ্বনি চলে ছলে ছলে ।
তড়িত ললিত বালা,
করে লুকাচুরি খেলা,
সহসা সমুখে দেখে চমকে পালায় ।
অপসরী বাঁশরী করে
দাঁড়ায়ে শিখরী পরে
আনন্দে বিজয় গান গায় প্রাণ খুলে ।

৬

দিগঙ্গনা কুতূহলে
সমীর-হিল্লোল ছলে
বরষে মন্দার-ধারা আবারি গগন ।
আমোদে আমোদময়,
অমৃত উথলে বয়,
ত্রিদেশ-আলয় আজি আনন্দে মগন ।
জ্যোতির্স্বয় সপ্ত ঋষি
প্রভায় উজলি দিশি,
সম্মুখে কুম্ভমাঞ্জলি অর্পিছেন পদতলে ॥

৭

সে মহাপুরুষ-মেলা,
 সে নন্দনবন-খেলা,
 সে চিরবসন্ত-বিকশিত ফুলহার,
 কিছুই হেথায় নাই ;
 মনে মনে ভাবি তাই,
 কি দেখে আসিতে মন সরিবে তোমার !

৮

কেমনে বা তোমা বিনে
 দীর্ঘ দীর্ঘ রাত্র দিনে
 সুদীর্ঘ জীবন-জ্বালা সব অকাতরে,
 কার আর মুখ চেয়ে
 অবিশ্রাম যাব বেয়ে
 ভাসায়ে তনুর তরী অকূল সাগরে !

৯

কেন গো ধরণী রাণী
 বিরস বদনখানি,
 কেন গো বিষয় তুমি উদার আকাশ,
 কেন প্রিয় তরু লতা
 ডেকে নাহি কর কথা,
 কেন রে হৃদয় কেন শ্মশান উদাস !

১০

কোন সুখ নাই মনে,
সব গেছে তার সনে ;
খোলো হে অমরগণ স্বরগের দ্বার !
বল কোন্ পদ্ববনে
লুকায়েছ সংগোপনে,
দেখিব কোথায় আছে সারদা আমার !

১১

অয়ি, একি, কেন কেন,
বিষয় হইলে হেন !
আনত আনন শশী, আনত নয়ন,
অধরে মন্তরে আসি
কপোলে মিলায় হাসি,
থর থর ওষ্ঠাধর, স্ফোরেনা বচন ।

১২

তেমন অরুণ-রেখা
কেন কুহেলিকা-ঢাকা,
প্রভাত-প্রতিমা আজি কেন গো মলিন !
বল বল চন্দ্রাননে,
কে ব্যথা দিয়েছে মনে,
কে এমন—কে এমন হৃদয়-বিহীন !

১৩

বুকিলাম অনুমানে,
 করুণা-কটাক্ষ দানে
 চাবেনা আমার পানে, কবেনাও কথা ;
 কেন যে কবেনা হয়
 হৃদয় জানিতে চায়,
 সরমে কি বাধে বাণী, সরমে বা বাজে ব্যথা

১৪

যদি মন্যব্যথা নয়,
 কেন অশ্রুধারা বয় !
 দেববালা ছলাকলা জানেনা কখন ;
 সরল মধুর প্রাণ,
 সতত মুখেতে গান,
 আপন বীণার তানে আপনি মগন ।

১৫

অয়ি, হা, সরলা সতী
 সত্যরূপা সরস্বতী !
 চির-অনুরক্ত ভক্ত হয়ে কুতাঞ্জলি
 পদ-পদ্মাসন কাছে
 নীরবে দাঁড়িয়ে আছে,
 কি করিবে, কোথা যাবে, দাও অনুমতি !

সারদামঙ্গল ।

২৫

স্বরগ-কুম্ব-মালা,
নরক-জ্বলন-জ্বালা,
ধরিবে প্রফুল্ল মুখে মস্তকে সকলি ।
তব আজ্ঞা সুমঙ্গল,
যাই যাব রসাতল,
চাইনে এ বরমালা, এ অমরাবতী !

১৬

নরকে নারকী-দলে
মিশিগে মনের বলে,
পরান কাতর হ'লে ডাকিব তোমায় ;
যেন দেবী সেইক্ষণে
অভাগারে পড়ে মনে,
ঠেলনা চরণে, দেখো, ভুলনা আমায় !

১৭

অহহ ! কিসের তরে
অভাগা নরকে জরে,
মরু—মরু—মরুময় জীবন-লহরী ;
এ বিরস মরুভূমে
সকলি আচ্ছন্ন ধূমে,
কোথাও একটিও আর নাহি ফোটে ফুল ;

সারদামঙ্গল ।

কভু মরীচিকা মাজে
 বিচিত্র কুসুম রাজে,
 উঃ ! কি বিষম বাজে যেই ভাঙে ভুল !
 এত যে যন্ত্রণা জালা,
 অবমান অবহেলা,
 তবু কেন প্রাণ টানে ! কি করি, কি করি !

১৮

তেমন আকৃতি, আহা,
 ভাবিয়ে ভাবিয়ে যাহা
 আনন্দে উন্মত্ত মন, পাগল পরাণ,
 সে কি গো এমন হবে,
 মোর দুখে সুখে রবে,
 কাঁদিয়ে ধরিলে কর ফিরাবে বয়ান !

১৯

ভাবিতে পারিনে আর !
 অন্ধকার—অন্ধকার—
 কাটিকার ঘূর্ণী ঘোরে মাথার ভিতর ;
 তরঙ্গিয়া রক্তরাশি
 নাকে মুখে চোকে আসি
 বেগে যেন ভেঙে ফেলে ; ধর ধর ধর ;—

২০

ধর, আত্মা, ধৈর্য্য ধর,
ছিছি একি কর কর,
মর যদি, মরা চাই মানুষের মত ;
থাকি বা প্রিয়ার বুকে,
যাই বা মরণ-মুখে,
এ আমি, আমিই রব ; দেখুক্ জগত ।

২১

মহান্ মনেরি তরে
জ্বালা জ্বলে চরাচরে,
পুড়ে মরে ক্ষুদ্রেরাই পতঙ্গের প্রায় ;

জলুক্ বতই জ্বলে,
পর জ্বালা-মালা গলে,
নীলকণ্ঠ-কণ্ঠে জ্বলে হলাহল-দ্যুতি ;

হিমাদ্রিই বক্ষ'পরে
সহে বজ্র অকাতরে,
জঙ্গল জলিয়া যায় লতায় পাতায় ;

অস্তাচলে চলে রবি,
কেমন প্রশান্ত ছবি !
তখনো কেমন আহা উদার বিভূতি !

২২

হা ধিক্ অধীর হেন !
দেখেও দেখনা কেন
দুখে দুখী অশ্রুমুখী প্রাণপ্রতিমায় !
প্রণয় পবিত্র ধনে
সন্দেহ করোনা মনে,
নাগরদোলায় দোলা শিশুরি মানায়

সারদা সরলা বালী,
সবেনা সন্দেহ জ্বালা,
ব্যথা পাবে সুকোমল হৃদয় কমলে ॥

তৃতীয় সর্গ ।

গীতি ।

[রাগিণী বিভাস,—তাল আড়াঠেকা ।]

বিরাজ সারদে কেন এ ম্লান কমলবনে !
আজো কিরে অভাগিনী ভালবাস মনে মনে !

মলিন নলিন বেশ,

মলিন চিকণ কেশ,

মলিন মধুর-মূর্তি, হাসি নাই চন্দ্রাননে !

মলিন কমল-মালা,

মলিন মৃগাল-বালা,

আর সে অমৃত-জ্যোতি জ্বলনাক বিলোচনে !

চির আদরিণী বীণা,

কেন, যেন দীনহীনা

ঘুমায়ে পায়ের কাছে পড়ে আছে অচেতনে !

জীবন-কিরণ-রেখা,

অস্তাচলে দিল দেখা,

এ যদি-কমল দেবী ফুটিবেনা আর !

যাও বীণা লয়ে করে,

ব্রহ্মার মানস সরে,

রাজহংস কেলি করে সূবর্ণ-নলিনী মনে ।

১

আজি এ বিষয় বেশে
 কেন দেখা দিলে এসে,
 কাঁদিলে কাঁদালে দেবী জন্মের মতন !
 পূর্ণিমা-প্রমোদ-আলো,
 নয়নে লেগেছে ভাল ;
 মাবোতে উথলে নদী, ছুপারে ছুজন—
 চক্রবাক চক্রবাকী ছুপারে ছুজন !

২

নয়নে নয়নে মেলা,
 মানসে মানসে খেলা,
 অধরে প্রেমের হাসি বিষাদে মলিন ;
 হৃদয়-বীণার মাজে
 ললিত রাগিণী বাজে,
 মনের মধুর গান মনেই বিলীন !

৩

সেই ভাসি, সেই ভুমি,
 সেই এ স্বরগ-ভুমি,
 সেই সব কল্পতরু, সেই কুঞ্জবন ;
 সেই প্রেম সেই মেঘ,
 সেই প্রাণ, সেই দেহ ;
 কেন মন্দাকিনী-তীরে ছুপারে ছুজন !

৪

আকুল ব্যাকুল প্রাণ,
মিলিবারে ধাবমান ;
কেন এসে অভিমান সমুখে উদয় !—
কান্তি-শান্তি-ময় তনু,
অপরূপ ইন্দ্রধনু,
তেজে যেন জ্বলে মন, অটল-হৃদয়,

৫

কাতর পরাণ পরে
চেয়ে আছে স্নেহভরে,
নয়ন-কিরণ যেন পীযুষ-লহরী ;
এমন পদার্থে হেলি
যাবনা যাবনা ঠেলি,
উভয়-সঙ্কটে আজ মরি যদি, মরি ।

৬

কেনগো পরের করে
সুখের নির্ভর করে,
আপনা আপনি সুখী নহে কেন নর !
সদাশিব সদানন্দ,
সতী বিনে নিরানন্দ,
শ্মশানে ভ্রমেন্ ভোলা খেপা দিগম্বর ।

৭

হৃদয়-প্রতিমা লয়ে
 থাকি থাকি সুখী হয়ে,
 অধিক সুখের আশা নিরাশা শ্মশান ;
 ভক্তিভাবে সদা স্মরি,
 মনে মনে পূজা করি,
 জীবন-কুসুমাজলি পদে করি দান ।

৮

বাসনা বিচিত্র ব্যোমে
 খেলা করে রবি সোমে
 পরিয়ে নক্ষত্র তারা হীরকের হার,
 প্রগাঢ় তিমির রাশি
 ভুবন ভরেছে আসি
 অন্তরে জ্বলিছে আলো, নয়নে আঁধার ।

৯

বিচিত্র এ মন্তুদশা,
 ভাবভরে যোগে বসা,
 হৃদয়ে উদার ছোঁতি কি বিচিত্র জ্বলে !
 কি বিচিত্র সুরতাল
 ভরপুর করে প্রাণ,
 কে তুমি গাহিছ গান আকাশ মণ্ডলে !

১০

জ্যোতির প্রবাহ মাজে
বিশ্ববিমোহিনী রাজে !
কে তুমি লাবণ্য-লতা মূর্তি মধুরিমা,
মৃদু মৃদু হাসি হাসি
বিলাও অমৃত রাশি,
আলোয়্ করেছ আলো প্রেমের প্রতিমা !

১১

ফুটে ফুটে অবিরল
হাসে সব শতদল,
অবিরল গুঞ্জরিয়ে লমর বেড়ায় ;
সমীর সুরভিময়
স্বখে ধীরে ধীরে বয়,
লুটায়ৈ চরণ তলে স্ততিগান গায় ।

১২

আচম্বিতে এ কি খেলা !
নিবিড় নীরদমালা !
হা হা রে, লাবণ্য-বালা লুকা'ল, লুকা'ল !
এমন ঘুমের ঘোরে
জাগালে কে জোর কোরে,
সাধের স্বপন আহা ফুরা'ল, ফুরা'ল !

১৩

বসন্তের বনবালা
 ঘুমের রূপের ডালা
 মায়ার মোহিনী মেয়ে স্বপন সুন্দরী !
 মনের মুকুর তলে
 পশিয়ে ছায়ার ছলে
 কর কত লীলাখেলা ; কতই লহরী !

১৪

কোথা থেকে এস তারা,
 মাথিয়ে সুধার ধারা,
 জুড়াতে কাতর প্রাণ নিশান্ত সময়ে !
 (লয়ে পশু পক্ষী প্রাণী
 ঘুমায় ধরণী রাণী,)
 কোথায় চলিয়ে যাও অরুণ উদয়ে !

১৫

ফের এ কি আল এল !
 কই কই, কোথা গেল,
 কেন এল, দেখা দিল, লুকাল আবার !
 কে আমারে অবিশ্বাস
 খেপায় খেপায় মত,
 জীবন-কুসুম-লতা কোথারে আমার !

১৬

কোথা সে প্রাণের পাখী,
বাতাসে ভাসিয়ে থাকি
আর কেন গান কোরে ডাকেনা আমার !
বল দেবী মন্দাকিনী !
ভেসে ভেসে একাকিনী
সোণামুখী তরীখানি গিয়েছে কোথায় !

১৭

এই না, তোমারি তীরে
দেখা আমি পেনু ফিরে,
তুলে কেন না রাখিনু বুকের ভিতরে !
হা ধিক্ রে অভিমান,
গেল গেল গেল প্রাণ,
করাল কালিমা ওই গ্রাসে চরাচরে !

১৮

হারায়ে নয়ন-তারা
হয়েছি জগত-হারা,
ক্ষণে ক্ষণে আপনারে হারাই হারাই ;
ওহে ভাই দাও বোলে
কোন্ দিকে যাব চোলে,
ওকি ওঠে ছোলে ছোলে, কোথায় পালাই !

১৯

ওকি ও, দারুণ শব্দ,
 আকাশ পাতাল স্তব্ধ ;
 দারুণ আগুন সূত্ৰ ধূধূ ধায় ;
 তুমুল তরঙ্গ ঘোর,
 কি ঘোর ঝড়ের জোর,
 পাজর ঝাঁঝের মোর দাঁড়াই কোথায় !

২০

তবে কি সকলি ভুল !
 নাই কি প্রেমের মূল !
 বিচিত্র গগন-ফুল কল্পনা লতার ?
 মন কেন রসে ভাসে
 প্রাণ কেন ভালবাসে
 আদরে পরিতে গলে সেই কুলহার ?

২১

শত শত নর নারা
 দাঁড়ায়েছে সারি সারি,
 নয়ন খুঁজিছে কেন সেই মুখখানি ?
 হেরে হারা-নিধি পা
 না হেরিলে প্রাণ যায় ;
 এমন সরল সত্য কি আছে না জানি !

২২

ফুটিলে প্রেমের ফুল
ঘুমে মন ঢুল্ ঢুল্,
আপন সৌরভে প্রাণ আপনি পাগল ;
সেই স্বর্গ-সুধা পানে
কত যে আনন্দ প্রাণে,
অমায়িক প্রেমিকে তা জানেন কেবল ।

২৩

নন্দন-নিকুঞ্জবনে
বসি শ্বেত শিলাসনে
খোলা প্রাণে রতিকাম বিহরে কেমন !
আননে উদার হাসি,
নয়নে অমৃত রাশি ;
অপকূপ আলো এক উজলে ভুবন ।

২৪

পারিজাত মালা করে,
চাহি চাহি স্নেহভরে
আদরে পরসপরে গলার পরায় ;
মেজাজ্ গিয়েছে খুলে,
বসেছে ছনিয়া ভুলে,
সুধার সাগর যেন সমুখে গড়ায় ।

২৫

কি এক ভাবেতে ভোর,
 কি যেন নেশার ঘোর,
 টলিয়ে চলিয়ে পড়ে নয়নে নয়ন ;
 গলে গলে বাহুলতা,
 জড়িমা-জড়িত কথা,
 সোহাগে সোহাগে রাগে গলগল মন ।

২৬

করে কর থরথর,
 টলমল কলেবর,
 গুরুগুরু ছুরুছুরু বুকের ভিতর ;
 তরুণ অরুণ ঘটা
 আননে আরক্ত ছটা,
 অধর কমল-দল কাঁপে থরথর ।

২৭

প্রণয়-পবিত্র কাম,
 সুখ-স্বর্গ-মোক্ষ-ধাম !
 আজি কেন হেরি হেন মাতোয়ারা বেশ !
 ফুলধনু ফুলছড়ি
 দূরে যায় গড়াগাড়ি ;
 রতির খুলিয়ে খোঁপা আলুখালু কেশ !

২৮

বিহ্বল পাগল প্রাণে
চেয়ে সতী পতি পানে,
গলিয়ে গড়িয়ে কোথা চলে গেছে মন ;
মুগ্ধ মত্ত নেত্র দুটি,
আধ ইন্দীবর ফুটি,
হুলুহুলু তুলুতুলু করিছে কেমন !

২৯

আলসে উঠিছে হাই,
ঘুম আছে, ঘুম নাই,
কি যেন স্বপন মত চলিয়াছে মনে ;
সুখের সাগরে ভাসি
কিবে প্রাণখোলা হাসি !
কি এক লহরী খেলে নয়নে নয়নে !

৩০

উথুলে উথুলে প্রাণ
উঠিছে ললিত তান,
ঘুমায়ে ঘুমায়ে গান গায় দুই জন ;
সুরে সুরে সম্ রাখি
ডেকে ডেকে ওঠে পাখী,
তালে তালে চ'লে চ'লে চলে সমীরণ ।

৩১

কুঞ্জের আড়াল থেকে
 চন্দ্রমা লুকায়ে দেখে,
 প্রণয়ীর স্মৃতে সদা স্মৃখী স্মৃধাকর ;
 সাজিয়ে মুকুল কুলে
 আহ্লাদেতে হেলে ছলে
 চৌদিকে নিকুঞ্জ-লতা নাচে মনোহর ।
 সে আনন্দে আনন্দিনী,
 উথলিয়ে মন্দাকিনী,
 করি করি কলধ্বনি বহে কুতূহলে ॥

৩২

এ ভুল প্রাণের ভুল,
 মর্মে বিজড়িত মূল,
 জীবনের সঞ্জীবনী অমৃত-বল্লরী ;
 এ এক নেশার ভুল,
 অন্তরাগ্নি নিদ্রাকুল,
 স্বপনে বিচিত্র-রূপা দেবী যোগেশ্বরী ।

৩৩

কভু বরাভয় করে,
 চাঁদে যেন সূধা ক্ষরে
 করেন মধুর স্বরে অভয় পদান ;
 কখন গেরুয়া পরা,
 ভীষণ ত্রিশূল ধরা,

পদভরে কাঁপে ধরা ভূধর অধীর ;
দীপ্ত সূর্য্য হতাশন
ধ্বক্ ধ্বক্ ছনয়ন,
হুঙ্কারে বিদরে ব্যোম, লুকায় মিহির ;
ঘোরঘট্ট অট্ট হাসি
ঝলকে পাবক রাশি ;
প্রলয়-সাগরে যেন উঠেছে তুফান ।

৩৪

কভু আলুথালু কেশে
শ্মশানের প্রান্তে দেশে
জ্যো'ন্মায় আছেন বসি বিষয় বদনে ;
গঙ্গার তরঙ্গ মালা
সমুখে করিছে খেলা,
চাহিয়ে তাদের পানে উদাস নয়নে ।

৩৫

পবন আকুল হয়ে
চিত্তা-ভস্মরজ লয়ে
শোকভরে ধীরে ধীরে শ্রীঅঙ্গে মাথায়,
শ্বেত করবীর বেলা,
চামেলি মালতী মেলা,
ছড়াইরে চারি দিকে কাঁদিয়ে বেড়ায় ।

৩৬

হায় ফের বিষাদিনী !
 কে সাজালে উদাসিনী !
 সম্বর এ মূর্তি দেবী সম্বর সম্বর !
 বটে এ শ্মশান মাজে
 এলোকেশী কালী সাজে
 দানব-রুধির-রঙ্গে নাচে ভয়ঙ্কর ।

৩৭

আবার নয়নে জল !
 ওই সেই হলাহল,
 ওরি তরে জীর্ণজরা জীবন আমার ;
 গরজি গগন ভোরে
 দাঁড়াও ত্রিশূল ধোরে !
 সংহার-মূর্তি অতি মধুর তোমার ।

৩৮

আমার এ বজ্রবুক,
 ত্রিশূলেরো তীক্ষ্ণ মুখ,
 দাঁও দাঁও বসাইয়ে এড়াই ত্রিগা !
 সমুখে আরক্ত মুখ,
 মরণে পরম সুখী,
 এ নহে প্রলয়-ধ্বনি, বাঁশরী-বাজনা ।

৩৯

অনন্ত নিদ্রার কোলে
অনন্ত মোহের ভোলে
অনন্ত শয্যায় গিয়ে করিব শয়ন,
আর আমি কাঁদিব না,
আর আমি কাঁদাব না,
নীরবে মিলিয়ে যাবে সাধের স্বপন !

৪০

তপন-তর্পণ-আল
অসীম যন্ত্রণা-জাল,
প্রশান্ত অনন্ত ছায়া অনন্ত যামিনী ;
সে ছায়ে ঘুমাব সুখে,
বজ্র বাজিবে না বুক,
নিস্তরক ঝটিকা ঝঙ্কা, নীরব মেদিনী ।

৪১

বাঁধ বুক, ত্যজ ভয়,
পুণ্য এ, পাতক নয় ;
খুনে আর পরিত্রাণে অনেক অন্তর ।
ভালবাসা তারি ভাল,
সহে যারে চির কাল ;
বাচুক বাচুক তারা হউক অমর !

৪২

হবে না হবে না আর,
 হয়ে গেছে যা হবার,
 ধোরো না ধোরো না, বৃথা রুধ না আমাবে
 এ পোড়া পিঞ্জর রাখি
 উড়ুক পরাণ পাখী,
 দেখুক দেখুক যদি আর কিছু থাকে !

ছাড় ! আন ! যাও যাও !
 বেগে বুকে বিঁধে দাও !
 ওই সে ত্রিশূল দোলে গগন মণ্ডলে !

চতুর্থ সর্গ ।

গীতি ।

[রাগিণী ভৈরবী,—তাল ঠা-ঠুংরি ।]

কোথাগো প্রকৃতি সতী সে রূপ তোমার !

যে রূপে নয়ন মন ভুলাতে আমার ।

সেই সুরধুনী-কূলে

ফুলময় ফুলে ফুলে,

বেড়াইতে বনবালা পরি ফুলহার ।

নবীন-নীরদ-কোলে

সোণার যে দোলা দোলে,

ক্ষণেক ছলিতে, ক্ষণে পালাতে আবার ।

সুধাংশুমণ্ডলে বসি

খেলিতে লইয়ে শশী,

হাসিয়ে ছড়িয়ে দিতে তারকারতন ;—

হাসি দিগঙ্গনা গণে

ধরি ধরি সে রতনে

খেলিত কন্দুক-খেলা, হাসিত সংসার ।

এ তমাক তলাতলে

কি বিষম ছালা ছলে,

কেবল ছলিয়ে মরি যোচেনা অঁধার ।

চল দেবী লয়ে চল,

যথা জাগে হিমাচল,

উদার সে রূপরাশি দেখি একবার !

১

অসীম নীরদ নয় ;
 ও-ই গিরি হিমালয় !
 উথলে উঠেছে যেন অনন্ত জলধি ;
 ব্যোপে দিগ্ দিগন্তর,
 তরঙ্গিয়া ঘোরতর,
 প্রাবিয়া গগনাস্তন জাগে নিরবধি ।

২

বিশ্ব যেন ফেলে পাছে
 কি এক দাঁড়ায়ে আছে !
 কি এক প্রকাণ্ড কাণ্ড মহান্ ব্যাপার !
 কি এক মহান্ মূর্ত্তি,
 কি এক মহান্ স্ফূর্ত্তি,
 মহান্ উদার সৃষ্টি প্রকৃতি তোমার !

৩

পদে পৃথ্বী, শিরে ব্যোম,
 তুচ্ছ তারা সূর্য্য সোম
 নক্ষত্র, নখাগ্রে যেন গণিবাহু পারে ;
 সমুখে সাগরাঙ্গ...
 ছড়িয়ে রয়েছে ধরা,
 কটাক্ষে কখন যেন দেখিছে তাহারে ।

৪

কত শত অভ্যুদয়,
কতই বিলয় লয়,
চক্ষের উপর যেন ঘটে ক্ষণে ক্ষণে ;
হরহর হরহর
সুর নর থরথর
প্রলয়-পিণাক-রাব বাজেনা শ্রবণে ।

৫

ঝাটিকা ছুরস্ত মেয়ে,
বুকে খেলা করে ধেয়ে
ধরিত্রী গ্রাসিয়া সিদ্ধ লোটে পদতলে ।
জ্বলন্ত-অনল-ছবি
ধ্বক্ ধ্বক্ জলে রবি,
কিরণ-জ্বলন-জ্বালা মালা শোভে গলে ।

৬

কালের করাল হাসি
দলকে দামিনী রাশি,
ককড়্ দন্তে দন্তে ভীষণ ঘর্ষণ ;
ত্রিজগত ত্রাহি ত্রাহি ;
কিছুই ক্রক্ষেপ নাহি ;
কে যোগেন্দ্র ব্যোমকেশ যোগে নিমগন !

৭

ওই মেরু উপহাসি

অনন্ত বরফ রাশি

যুবন্ তপন করে ঝক্ ঝক্ করে !

উপরে বিচিত্র রেখা,

চারু ইন্দ্রধনু লেখা,

অলকা অমরাবতী রয়েছে ভিতরে—

লুকান লুকান যেন রয়েছে ভিতরে ॥

৮

ওই কিবে ধবধব

তুঙ্গ তুঙ্গ শৃঙ্গ সব

উক্কমুখে ধেয়ে গেছে ফুঁড়িয়া অম্বর !

দাঁড়াইয়ে পাদদেশে

ললিত হরিত বেশে

নধর নিকুঞ্জ-রাজি সাজে থরেথর ।

৯

সানু আলিঙ্গিয়ে করে

শৃণ্ণে যেন বাজি করে

বপ্র-কেলি-কুতূহলে মত্ত করিগণ ;

নবীন নীরদমালা

সঙ্গে সঙ্গে করে খেলা

দশন বিজলী-ঝালা বিলসে পান !

১০

ওই গগুশৈল-শিরে
শুল্করাজি চিরে চিরে
বিকশে গৈরিক-ঘটা ছটা রক্তময় !
ভৃগু তরু লতাজাল,
অপরূপ লালেলাল ;
মেঘের আড়ালে যেন অরুণ উদয় ।

১১

কাছে কাছে স্থানে স্থানে
নীচ-মুখে উচ-কাণে
চরিয়া বেড়ায় সব চমর চমরী,
সুচিকণ শুভ্র কায়
মাছি পিছলিয়া যায়,
অনিলে চামর চলে চন্দ্রিমা-লহরী ॥

১২

কিবে ওই মনোহারী
দেবদারু সারি সারি
দেদার চলিয়া গেছে কাতারে কাতার !
দূর দূর আলবালে,
কোলাকুলি ডালে ডালে,
পাতার মন্দির গাঁথা মাথায় সবার ।

১৩

তলে তৃণ লতা পাতা
 সবুজ বিছানা পাতা ;
 ছোট ছোট কুঞ্জবন হেথায় হোথায় ।
 কেমন পাকম ধরি,
 কেকারব করি করি,
 ময়ূর ময়ূরী সব নাচিয়া বেড়ায় !

১৪

মধ্যমে ফোয়ারা ছোটে,
 যেন ধূমকেতু ওঠে,
 করফর তুপড়ি ফোটে, কেটে পড়ে ফুল ;
 কত রকমের পাখী
 কলরবে ডাকি ডাকি
 সঙ্গে সঙ্গে ওঠে পড়ে, আহ্লাদে আকুল

১৫

জলধারা ঝরঝর,
 সমীরণ সরসর,
 চমকি চরন্ত মৃগ চায় চারি দিকে ;—
 চমকি আকাশ-ময়
 কুটে ওঠে কুবলয়,
 চমকি বিদ্যুৎ মিলায় নিঃশব্দে ।

১৬

একি স্থান অভিনব !
বিচিত্র শিখর সব
চৌদিকে দাঁড়ায়ে আছে ঘেরিয়ে আমায় ;
গায়ে তরু লতা পাতা
খোলো খোলো ফুল গাঁথা,
বরফের—হীরকের টোপর মাথায় ।

১৭

তলভূমি সমুদয়
ফুলে ফুলে ফুলময়,
শিরোপরে লক্ষ্মণান মেঘের বিতান ;
আকাশ পড়েছে ঢাকা,
আর নাহি যায় দেখা
তপনের সূবর্ণের তরল নিশান,

১৮

কেবল বিজলী-মালা
বেড়ায় করিয়ে খেলা ;
কেন গো, বিমানে আজি অমরী অমর !
তোমরা কি সারদারে
দেখেছ, এনেছ তারে
ভূষিতে এ প্রকৃতির প্রাসাদ সুন্দর !

১৯

হা দেবী, কোথায় তুমি !
 শূন্য গিরি-কুলভূমি !
 কোথায়—কোথায়—হায়—সারদা—সারদা !—
 আর কেন হাস্য-মুখে !
 হানো উগ্র বজ্র বৃকে !—
 কি ঘোর তামসী নিশি !—** ** *

২০

আহা স্নিগ্ধ সমীরণ !
 বুঝিলে তুমি বেদন !
 সুঝিল না সুলোচনা সারদা আমার !—
 হা মানিনী ! মামভরে
 গেছ কোন্ লোকান্তরে !—
 বল দেব, বল বল কুশল তাহার !

২১

অয়ি, ফুলময়ী সতী
 গিরি-ভূমি ভাগ্যবতী !
 অভাগার তরে তব হয়নি স্জজন ;
 দেখা যদি পাই তার,
 দেখা হবে পুনর্বার
 হলেম তোমার কাছে বিদ . এখন ॥

২২

ওই ওই ভৃগুভূমে,
আচ্ছন্ন তুহিন ধূমে
রয়েছে আকাশে মিশে অপরূপ স্থান !
আব্ছা আব্ছা দেখা যায়
গুহা গোমুখের প্রায়,
পাতাল ভেদিয়া তায় ধায় যেন ঘান ।

২৩

ফেনিল সলিলরাশি
বেগভরে পড়ে আসি,
চন্দ্রলোক ভেঙে যেন পড়ে পৃথিবীতে ;
সুধাংশু-প্রবাহ পারা
শত শত ধায় ধারা,
ঠিকরে অসংখ্য তারা ছোট্টে চারি ভিতে !—
অসংখ্য শীকর শিলা ছোট্টে চারি ভিতে ।

২৪

শৃঙ্গে শৃঙ্গে ঠেকে ঠেকে,
লক্ষ্মে লক্ষ্মে ঝেঁকে ঝেঁকে,
জেলের জালের মত হয়ে ছত্রাকার,
ঘুরিয়ে ছড়িয়ে পড়ে ;
ফেনার আরশি ওড়ে,
উড়েছে মরাল যেন হাজার হাজার ।

২৫

আবরিয়ে কলেবর
 ঝরিছে সহস্র ঝর,
 ভৃগুভূমি মনোহর সেজেছে কেমন !
 যেন ভৈরবের গায়
 আহ্লাদে উথলে ধায়
 ফণা তুলে চুলবুলে ফণী অগণন ।

২৬

নেমে নেমে ধারাগুলি,
 করি করি কোলাকুলি,
 একবেণী হয়ে হয়ে নদী বয়ে যায় ;
 ঝরঝর কলকল
 ঘোর রাবে ভাঙে জল,
 পশু পক্ষী কোলাহল করিয়ে বেড়ায় ।

২৭

সিংহ দুটি গুয়ে তটে
 আনন আবরি জটে,
 মগন রয়েছে যেন আপনার ধ্যানে ;
 আলসে তুলিছে হাই,
 কা'কেও দৃকপাত নাই,
 গ্রীবাভঙ্গে কদাচিত্‌ জায় নদী পানে ।

২৮

কিবে ভৃগু-পাদমূলে
উথুলে উথুলে ছলে
ট'লে চ'লে চলেছেন দেবী সুরধনী !
কবির, যোগীর ধ্যান,
ভোলা মহেশের প্রাণ,
ভারত-সুরভি-গাভী, পতিত-পাবনী ।
পুণ্যতোয়া গিরিবালা !
জুড়াও প্রাণের জ্বালা !
জুড়ায় ত্রিতাপ-জ্বালা মা তোমার জলে !

পরশু সর্গ ।

গীতি ।

[রাগিনী বেহাগ,—তাল কাওয়ালী ।]

মধুর রতনী,
মধুর ধরনী,
মধুর চন্দ্রমা, মধুর সমীর !
ভাগীরথী-বৃকে
ভাসি ভাসি স্নেহে
চলে ফুলময়ী তরী ধীর ধীর !
আনুধালু কেশ,
আনুধালু বেশ,
ঘুমায় কামিনী রূপসী রুচির !
অপরূপ হাস
আননে বিকাশ,
অধরপল্লব অলপ অধীর !
না জানি কেমন
দেখিছে স্বপন
মধুর—মধুর—মুরতি মদির !

১

বেলা ঠিক দ্বিপ্রহর !
দিনকর খরতর,
নিঝুম নীরব সব—গিরি, তরু, লতা ।
কপোতী সুদূর বনে
যুঘু—যু করুণ স্বপ্ন
কাঁদিয়ে বলিছে যেন শোকের বারতা ।

২

তুষায় ফাটিছে ছাতি,
জল খুঁজে পাতিপাতি
বেড়ায় মহিষ যুথ চারি দিকে ফিরে ।
এলায়ে পড়িছে গা,
লটপট করে পা,
ধুকিয়ে হরিণগুলি চলে ধীরে ধীরে ।

৩

কিবে স্নিগ্ধ-দরশন,
তরু রাজি ঘনঘন,
অতল পাতালপুরী নিবিড় গহন !
যত দূর যায় দেখা
ঢেকে আছে উপত্যকা,
গভীর গভীর স্থির মেঘের মতন ।

৪

কায়াহীন মহা ছায়া
বিশ্ব-বিমোহিনী মায়া
মেঘে শশী ঢাকা রাকা-রজনী রূপিণী,
অসীম কানন-তল
ব্যেপে আছে অবিরল ;
উপরে উজলে ভানু, ভূতলে যামিনী ।

৫

ঘোর ঘোর সমুদয়,
 কি এক রহস্যময়,
 শান্তিময়, তৃপ্তিময়, ভুলায় নয়ন ;
 অনন্ত বরষাকালে
 অনন্ত জলদ জালে
 লুকায়ে রেখেছে যেন জলন্ত তপন ।

৬

পত্র-রক্ত ধরি ধরি
 কিরণের ঝারা ঝরি
 মানিক ছড়িয়ে যেন পড়েছে কাননে,
 চিকণ শাদুল দলে
 দীপ্ দীপ্ কোরে জলে
 তারকা ছড়ান যেন বিমল গগনে ॥

৭

নভ-চুম্বী শৃঙ্গবরে
 ও কি দপ্ দপ্ করে !
 কুঞ্জে কুঞ্জে দবানল হঠল আকুল ;
 তরু থেকে তরুপরে,
 বন হতে বনান্তরে
 ছুটে, যেন ফুটে ওঠে শিল্পের ফুল—
 রাশি রাশি শিমূলের ফুল ।

৮

অর্চিপুঞ্জ লক লক,
ভুক ভুক, ধ্বক ধ্বক,
দাউ দাউ ধুধু ধুধু, ধায় দশ দিকে ;
ঝঙ্কা ঝঙ্কা হঙ্কা ছোটে,
বোঁবোঁ বোঁবোঁ চর্কি লোটে,
মাতাল ছুটেছে যেন মনের বেঠিকে ।

৯

দেখিতে দেখিতে দেখ
কেবল অনল এক,
এক মাত্র মহাশিখা ওঠে নিরবধি ;
আগ্নেয় শিখর পরে
যেন ওঠে বেগভরে
ভীষণ গগন-মুখী আগুনের নদী ।

১০

দিগঙ্গনা গণ যেন
আতঙ্কে আড়ষ্ট হেন,
অটল প্রশান্ত গিরি বিভ্রান্ত উদাস ;
চতুর্দিকে লক্ষ্যে ঝাম্পে,
মত্ত যেন রণদক্ষে
তোলপাড় কোরে ধায় দারুণ বাতাস—
উঃ ! কি আগুন-মাথা দারুণ বাতাস !

১১

ত্রিলোক তারিণী গঙ্গে,
 তরল তরঙ্গ রঙ্গে
 এ বিচিত্র উপত্যকা আলো করি করি
 চলেছ মা মহোল্লাসে !
 তোমারি পুলিনে হাসে,
 সূদূর সে কলিকাতা আনন্দ নগরী ।

১২

আহা, স্নেহ-মাথা নাম,
 আনন্দ—আনন্দ ধাম,
 প্রিয় জন্মভূমি তুমি কোথায় এখন !
 এ বিজন গিরি দেশে
 প্রকৃতি প্রশান্ত বশে
 যতই সাধুনা করে, কেঁদে ওঠে মন ;—
 কেন মা ! আমার তত কেঁদে ওঠে মন !

১৩

হে সারদে দাও দেখা !
 বাঁচিতে পারিনে একা,
 কাতর হয়েছে প্রাণ, কাতর হৃদয় ;
 কি বলেছি অভিমানে
 শুনো না শুনো না কখন,
 বেদনা দিওনা প্রাণে ব্যথার সময় !

১৪

অহ, অহ, ওহো, ওহো,
কি মহান্ সমারোহ !
ঘোর-ঘটা মহাছটা কেমন উদার !
নিসর্গ মহান্ মূর্ত্তি
চতুর্দিকে পায় স্ফূর্ত্তি,
চতুর্দিকে যেন মহা সমুদ্র অপার ।

১৫

অনন্ত তরঙ্গ মালা
করিতে করিতে খেলা
কোথায় চলিয়া গেছে, চলেনা নজর ;
দৃষ্টিপথ-প্রান্তভাগে
মায়ায় নিশিয়া জাগে
উদার পদার্থরাজি সাজি থরেথর ।

১৬

উদার—উদারতর
দাঁড়িয়ে শিখর-পর
এই যে হৃদয়-রাণী ত্রিদিব-সুখমা !
এ নিসর্গ-রঙ্গভূমি,
মনোরমা নটা ভূমি,
শোভার সাগরে এক শোভা নিরুপমা !

১৭

আননে বচন নাই,
 নয়নে পলক নাই,
 কাণ নাই মন নাই আমার কথায় ;
 মুখখানি হাসহাস,
 আলুথালু বেশ বাস,
 আলুথালু কেশপাশ বাতাসে লুটায় ।

১৮

না জানি কি অভিনব
 খুলিয়ে গিয়েছে ভব
 আজি ও বিহ্বল মত্ত প্রফুল্ল নয়নে !
 আদরিণী, পাগলিনী,
 এ নহে শশি-যামিনী ;
 যুমাইরে একাকিনী কি দেখ স্বপনে !

১৯

আহা কি ফুটিল হাসি !
 বড় আমি ভালবাসি
 ওই হাসিমুখখানি প্রেরসী তোমার,
 বিষাদের আবরণে
 বিমুক্ত ও চন্দ্রানন্দে
 দেখিবার আশা আর হিণ না আমার !

দরিদ্র ইন্দ্রত লাভে
কতটুকু সুখ পাবে,
আমার সুখের সিন্ধু অনন্ত উদার ;—
কবির সুখের সিন্ধু অনন্ত উদার !

২০

ও বিধু-বদন-হাসি
গোলাপ-কুম্ভ-রাশি,
ফুটে আছে যে জনার নেশার নয়নে ;
সে যেন কি হয়ে যার,
সে যেন কি নিধি পায়,
বিহ্বল পাগল প্রায়, বেড়ায় কি বোকে বোকে আপনার মনে,
এস বোন, এস ভাই,
হেসেখেলে চ'লে যাই
আনন্দে আনন্দ করি আনন্দ কাননে !
এমন আনন্দ আর নাই ত্রিভুবনে !

২১

এমন আনন্দ আর নাই ত্রিভুবনে !
হে প্রশান্ত গিরি-ভূমি,
জীবন জুড়ালে তুমি
জীবন্ত করিয়ে মম জীবনের ধনে !
এমন আনন্দ আর নাই ত্রিভুবনে !

২২

প্রিয়ে সঞ্জীবনী মতা,
 কত যে পেয়েছি বাথা
 হেরে সে বিষাদময়ী মূর্তি তোমার !
 হেরে কত দুঃস্বপন
 পাগল হয়েছে মন,
 কতই কেঁদেছি আমি কোরে হাহাকার !

২৩

আজি সে সকলি মম
 মায়া'র লহরী সম
 আনন্দ সাগর মাজে খেলিয়া বেড়ায় ।
 দাঁড়াও হৃদয়েশ্বরী,
 নিভুবন আলো করি,
 দু'নয়ন ভরি ভরি দেখিব তোমায় !

২৪

দেখিয়ে মেটে না সাধ,
 কি জানি কি আছে স্বাদ,
 কি জানি কি মাথা আছে ও শুভ আননে !
 কি এক বিমল ভাতি
 প্রভাত করেছে রং ;
 হাসিছে অমরাবতী নয়ন-কিরণে !

২৫

এমন সাধের ধনে
প্রতিবাদী জনে জনে,
দয়া মায়া নাই মনে, কেমন কঠোর !
আদরে গেঁথেছে বালা
হৃদয়-কুমুম-মালা,
কৃপাণে কাটিবে কে রে সেই ফুলডোর !

২৬

পুন কেন অশ্রুজল !
বহ তুমি অবিরল !
চরণ কমল আহা ধুয়াও দেবীর !
মানস-সরসী-কোলে
সোণার নলিনী দোলে,
আনিয়ে পরাও গলে সমীর সুধীর !

বিহঙ্গম ! খুলে প্রাণ
ধর রে পঞ্চম তান !
সারদা-মঙ্গল গান গাও কুতূহলে !

ইতি ।

শান্তি ।

—*—

গীতি ।

[রাগিনী সিন্ধু-ভৈরবী,—তাল ঠুংরি ।]

প্রিয়ে, কি মধুর মনোহর মুরতি তোমার !
সদা যেন হাসিতেছে আলয় আমার !

সদা যেন ঘরে ঘরে
কমলা বিরাজ করে,
ঘরে ঘরে দেববীণা বাজে সারদার !

ধাইয়ে হরষ-ভরে
কল কোলাহল করে,
হাসে খেলে চারিদিকে কুমারী কুমার ?

হয়ে কত জ্বালাতন
করি অন্ন আহরণ,
ঘরে এলে উলে যায় হৃদয়ের ভার !

মরুময় ধরাতল,
তুমি শুভ শতদল,
করিতেছ চলচল সনুখে আমার !

ক্ষুধা তুষা দূরে রাখি,
ভোর হ'য়ে ব'সে থাকি,
নয়ন পরাণ ভোরে দেখি অনিবার !—
তোমায়, দেখি অনিবার ।

তুমি লক্ষ্মী-সরস্বতী,
আমি ব্রহ্মাণ্ডের পতি,
হোগ্গে এ বহুদতী যার পুনি তার !

সম্পূর্ণ ।

মায়াদেবী

স্বাস্থ্যদেবী ।

১

“সাগর তরঙ্গে নাচিয়া বেড়াই,
ছরস্তু ঝটিকা-বালারে খেলাই,
কখন আকাশে কখন পাতালে

নিমেষে চলিয়া যাই ;

ঘোর ঘোরতর দুর্কর্ষ সমরে
কাঁপে রণাঙ্গন বীর-পদ-ভরে,
এক ভ্রুঙ্কারে স্তব্ধ চরাচর,

হরষে দেখিতে পাই ।

২

“ভ্রুঙ্কারে বিদরে অনন্ত আকাশ,
ছুটিয়া পালায় দুর্দান্ত বাতাস,
কোটি কোটি সূর্য্য ভেঙে চূর্ণ্যার

কে কোথা ছড়িয়ে পড়ে ;

বীরশঙ্ক সব হিমালয় হ'তে
ব্যতিবাস্ত হয়ে ছোট্টে শূন্যপথে,
আকুল ব্যাকুল ধায় উভরায়

জীমূত প্রলয় ঝড়ে ।

৩

“ অলকা অমরা কাঁপে থরথরি,
 চন্দ্রলোক ভেঙে পড়ে ঝরঝরি,
 শূন্যে শূন্যে ধরা ঘুরিতে ঘুরিতে
 কোথায় চলিয়া যায় ;
 প্রলয়-পিণাক ঘোর ঘন রব,
 ভয়ে জুড়সড় যক্ষ রক্ষ সব ;
 ধেই ধেই ধেই নাচিয়া বেড়াই,
 দৃকপাত করি কায় ?

৪

“ দিগ্ দিগ্‌মনা আড়ষ্টের প্রায়,
 বিকট দামিনী কটমট চায়,
 ঘোর ঘর্ঘর উদগ্ৰ অশনি
 পদাগ্ৰে পড়িছে লুটে ;
 হো হো ! পৃথীবীতে তিষ্ঠিতে পারে না
 ব্রহ্মাণ্ড জুড়িয়া উগারিছে ফেনা
 লাকায় লাকায় পাগল অগর
 আকাশে চলেছে ছুটে ।

৫

“ঘোর কোলাহল গর্জে নীলজল,
ছলিব অশ্বরে দেহ টলমল,
ছড়াইয়া দিব কাল কেশরাশি
বিজলী বেড়াবে তায় ;
জলন্ত তারকা মালাকা গলায়,
উরজে লুটায় উরসে গড়ায়,
ধায় ধূমকেতু দীঘল অঞ্চল
গোমুখী নিব্বার ভায় ।

৬

“ছুরু ছুরু মেঘ-মৃদঙ্গ বাজাব,
মধুর নিনাদে জগত জাগাব,
জাগিবে মানব দানব দেবতা,
নবীন হরষ-ময় ;
চেয়ে রবে সবে পিপাসী নয়ানে
কুতূহলী হয়ে গগনের পানে,
হেরিবে আনন্দে আননে আমার
তরুণ অরুণোদয় ।

৭

“ প্রতি নিশীথিনী বিরাম সময়ে,
 স্ফুট-চন্দ্র-তারা ব্যোমের হৃদয়ে
 প্রসারিয়া এই সুদীর্ঘ শরীর
 শুয়ে থাকি আমি সুখে ;
 মায়াময় মম অপরূপ জ্যোতি,
 ছায়াপথ বলে বত ভ্রান্তমতি,
 ব্যোম-গঙ্গা বলে কবি পাগলেরা
 শুনি আমি হাসিমুখে ।

৮

“ সাগর-অর্ধরা কুমুম বোগায়,
 প্রচণ্ড পবন চামর ঢুলায়,
 দিগ্বধূবালা সেবাসখী সব
 নীরবে দাঁড়ারে আছে ।
 নয়ন-কিরণে কমলা সঞ্চারে,
 শুভ সরস্বতী অধরে বিহরে,
 মহান্ অম্বর প্রিয় প্রাণপতি
 সস্তমে প্রণয় বাচে ।”

৯

মায়াময় তব জ্যোতি মনোহারী
বটে গো কালের অজ্ঞেয় কুমারী,
মহা মহীয়সী উদার-রূপসী

অম্বর-হৃদয়-রাণী !

অলৌক স্বপন জনন মরণ,
চিরকাল তব নবীন যৌবন ;
তোমারি সন্তোষে হাসে ত্রিভুবন,
রোষেতে নিধন জানি ।

১০

স্থির ধীর নীল অনন্ত অপার
এই যে বিরাট ব্যোম পারাবার,
তুমি আভাময়ী মায়াতরী তার

চলিয়াছ ভাসি ভাসি ;

মৃদুল মৃদুল ঠেকে ঠেকে গায়
কিরণের ফেন উছলিয়া যায়,
দশ দিক দিয়ে দেখিতে তোমায়

● ফুটেছে তারকা-রাশি ।

১১

এ নীল আকাশ তরল আরশি,
 ব্রহ্মের বিমল মানস সরসী,
 ফুটে ফুটে তার ভাবের কুসুম
 তারকা ছড়িয়ে আছে ;
 তুমি স্বপ্নময়ী রাজহংসমালা
 ঘুম-ঘোরে তাঁর কর লীলাখেলা,
 বসি, হাসি হাসি হেরিছে চন্দ্রমা
 ধরার কোলের কাছে ।

১২

অহো ! আদি-দেব-স্বপন-রূপিনী,
 অবোধ মানব কিছুই জানিনি,—
 উদাস—উদাস অনন্ত আকাশ
 চলি চলি কোথা যাও !
 কার সঙ্গে ধৈর্যে চলেছ কি হেতু
 চন্দ্র সূর্য্য তারা ধরা ধূমকেতু !
 বল বল বল ওপারে কি আছে,
 কিছু কি দেখিতে পাও ?

১৩

সেই কি আমার গৃহ চিরন্তন,
এই কিরে স্মৃৎ নাট-নিকেতন !
কেনই কেবল হাসিতে কাঁদিতে
এখানে এসেছি সবে !

চকিতে ফুরা'ল রস-রঙ্গ-খেলা,
একেলা আসিছু, চলিছু একেলা,
কতই সাধের বসন ভূষণ

কেন গো কাড়িয়া লবে !

১৪

কেন, মায়াদেবী ! ছেড়ে দাও দাও,
পথ রোধ করি ঘুরিয়া বেড়াও !

উধাও উধাও ভেদিব আকাশ,

দেখিব আপন দেশ ;

ডুবিব সে মহা তমাকু সাগরে,

দূর—দূর—দূর—অতি দূরান্তরে

অসংখ্য জগত দীপ্ দীপ্ করে

দীপকের পরিবেশ ।

১৫

ধীরে ধীরে ধীরে তিমির গভীরে
 উর্দ্ধ-পদতল নিম্ন-নতশিরে
 অনন্ত আরামে ঘুমায়ে ঘুমায়ে
 তলায়ে তলায়ে যাব !

মাটির শরীর তিমিরে গলিয়া
 পরাণ পুতলী উঠিছে জাগিয়া,
 জাগিয়া উঠিছে আলোকে আলোক,
 কি এক পুলক পাব !

১৬

দূর পদতলে তিমির সংহতি,
 ফোটে নাক আর আকাশের জ্যোতি,
 জগতের কোলাহল হাহাকার
 কালের সাগরে লীন ;
 মধুর মধুর আলোক সঞ্চারি
 প্রফুল্ল-মূরতি প্রাণী মনোহারী
 কিরণ মণ্ডলে বেড়ায় সঞ্চাল,
 কি এক মধুর দিন ! ●

১৭

খেলিয়ে বেড়ায় ননীর পুতুলী
কেমন মধুর খুদে ছেলে গুলি,
কিরণ-কাননে ফুল তুলি তুলি
কত কি করিছে গান !

কত যেন মোরে আপন পাইরে
চারিদিক দিবে আসিছে ধাইয়ে,
হাসি-রাশি-ভরা মুগ্ধ আনন
কাড়িয়ে লইছে প্রাণ ।

১৮

সুখ-স্বপ্ন-ময় অমৃত-সাগর
ঈষত—ঈষত কাঁপে ধরধর,
অপূর্ক সৌরভে আকুল পরাণ,
ফুলের পুলিন-দেশ ;
বেড়ায় সকল যুবক যুবতী,
কিবে অপরূপ রূপের ক্ষুরতি,
সুধাংশু-কলিত ললিত শরীর,
নিবিড় টাঁচর কেশ !

১৯

ধীরে ধীরে হাসি অধরে বিহরে,
 কপোল-কুসুম ফোটে থরে থরে ;
 কিরণে কিরণে জীয়ায় জীবনে
 করুণ নয়নে চায়,
 পৃথিবীর সেই সুমঙ্গল তারা
 ঘুমঘোরে যেন হয়ে পথ-হারা,
 চাহিয়া চাহিয়া উষারে খুঁজিয়া,
 হাসিয়া হাসিয়া ভায় ।

২০

হরষে হরষে গলা ধরি ধরি,
 আদরে আদরে কোলে করি করি,
 হৃষিত বয়ান সজল নয়ান
 এ চাহে উহার পানে ;
 আহা সে আননে কি আছে না জানি
 পবিত্র প্রেমের বিচিত্র কাহিনী,
 পড়িয়ে মেটেনা প্রাণের আশাস,
 মেটেনা মনের সাধ !

কেহ কোরে আছে গাঢ় আলিঙ্গন,
ছাড়িবেনা তারা কাহারে কখন,
কি যেন পেয়েছে হারান রতন !

গাঁথিয়ে রাখিবে প্রাণে ;
কেহ কা'রো গায়ে খুইয়ে চরণ
আলুথালু হয়ে ঘুমায় কেমন !
হাসির দীপিকা জাগিছে আননে,
অপরূপ অবসাদ !

২১

অতি অমায়িক প্রশান্ত-কিরণ
ঘুমন্ত শিশুর হাসির মতন
কি যেন ফুটেছে ত্রিদিব-কুমুম
ওকি ও আলোক ভায় !
ওই নিরমল আলোকের মাজে
কে গো ও পরম পুরুষ বিরাজে,
প্রেমেতে বাঁধিয়া পরাণ পুতলী
ভুলায়ে লইয়া যায় !

২২

পাগল-বিহ্বল,—হরষ ধরে না,

জড়িমা-জড়িত চরণ চলে না,

অঘোর উল্লাসে আলস অবশে

ঢুলিয়ে পড়িছে মন ;

অতি স্নিগ্ধ ওই স্নেহময় কোলে,

—মা'র কোলে শুয়ে শিশু মেয়ে দোলে—

হুলিয়ে হুলিয়ে ঘুমিয়ে পড়িব !

সচেতনে অচেতন ।

২৩

ঘুমায়ে ঘুমায়ে হাসিয়ে হাসিয়ে

চাই মুখপানে নয়ন মেলিয়ে,

কি যে নিধি পাই করেতে আমার

তা স্নুহ শিশুই জানে !

যে দূর-সংগীত শোনে মনে মনে,

ফুটে তা বলিতে পারে না বচনে ;

হাসিয়া কাঁদিয়া কতই ব্যাকুল

চাহিয়া স্বরগ পানে !

২৪

কর, দেব! পুন শিশু কর মোরে,
আদরে মায়ের গলা ধোরে ধোরে,
দেখিব তাঁহার স্নেহের বয়ানে

তোমার মঙ্গল মুখ !

মা'র সোহাগের কথা সুললিত,
শুনিব তোমার সুমঙ্গল গীত !
নাচিব হাসিব কাঁদিব হরষে,
উদার স্বরগ-সুখ !

২৫

আর শিশু আমি নাই রে এখন,
কুরায়ে গিয়েছে স্বরগ-স্বপন,
সুধার সাগরে উঠেছে গরল,
জীবন যন্ত্রণা-ময়,
আর ত্রিভুবন নাই অধিকারে,
একেলা পড়িয়া আছি একধারে ;
তোমারি পৃথিবী, তোমারি আকাশ,
কিছুই আমারি নয় !

২৬

ফের কেন মায়া প্রেমে বাধা দাও,
 কোথাকার আমি, কোথা নিয়ে যাও !
 ফিরে দাও দাও, দাও সে আমার
 জীবন-জুড়ান ধন !

ধাও রে পনন স্বন স্বন স্বনে,
 গড়াও পৃথিবী গভীর গর্জনে,
 হাস রে চন্দ্রমা নীল গগনে,
 গাও গাও ত্রিভুবন !

২৭

কীট-পতঙ্গ-পশু-পক্ষী-প্রাণী,
 ফল-ফুল-ভরা মনোহরা ধরাখানি,
 কোন্ দেব এনে দিয়েছে না জানি
 আমারি সুখেরি তরে !

হরষে সাগর ধেয়েছে মাতিয়া,
 চেউ পরে চেউ পড়িছে ঢলিয়া
 আকাশ পাতাল ভরিয়া পদা
 প্রাণ খুলে গান করে !

মায়াদেবী ।

৮৩

২৮

উন্মুখে আমারে হাসিতে দেখিয়া
কোটি কোটি তারা ফুটিছে হাসিয়া,

ফুটিয়া হাসিছে অনন্ত কুমুম

ধরার উদার বৃকে ;

হিমাদ্রির মহা হৃদয় উছলি

চলিয়াছে গঙ্গা মহা কুতূহলী,

কল কল নাদে ধায় মন সাধে

ফেন-ময়-হাসি-মুখে ।

২৯

কুঞ্জে কুঞ্জে পাখী ওঠে ডাকি ডাকি,

স্তব্ধ হ'য়ে শোনে সারি দিয়ে শাখী,

আহ্লাদে আকুল মেখল-লতিকা

পূরিয়ে উঠেছে প্রাণ ;

গৌরীশঙ্কর শুভ্র শৃঙ্গ পরি

ঘুমায় প্রকৃতি পরমা সুন্দরী,

চাঁদের কিরণ হেরি সে আনন

কি যেন করিছে ধ্যান ।

মায়াদেবী ।

৩০

ধীরে—ধীরে—অতি ধীরে শুনা যায়
 স্বরগে কে যেন বাঁশরী বাজায়,
 ভাসি ভাসি আসি, চলি চলি যায়
 সুদূর মধুর স্বর !

কে যেন আমারে ঘুম পাড়াইয়ে
 হৃদয়ে আপন হৃদয় ঢালিয়ে
 পরাণ কাড়িয়ে পালিয়ে বেড়ায়
 ধর ধর, ধর ধর !

৩১

কেন কাদছিনী ! দাঁড়ায়ে সমুখে
 চাকিয়া রেখেছ অমৃত ময়ুখে !
 ওই আধ আধ চাঁদের আভাস
 পাগল করেছে মোরে !
 ধরি ধরি করি, ধরিতে না পারি,
 চারিদিকে আমি কি যেন নেহারি
 কাঁদিয়া উঠেছে পরাণ তুলী,
 বেঁধোনা বন্ধন-ডোরে !

মায়াদেবী ।

৮৫


৩২

বিশ্ববিমোহিনী দেবী ! চল চল,
থল থল করে স্বচ্ছ নীল জল,
অতি স্নিগ্ধ এই উদার আকাশে
ঘুমাও আরামে মা-গো !
জাগ সরস্বতী অমৃত-বিজলী,
জাগ মা আমার হৃদয় উজলি,
কিরণে কিরণে চেতাও চেতনে,
জাগ মা, জাগ মা, জাগো !*

মায়াদেবীর প্রথম তিনটি শ্লোক শ্রীমান্ অবিনাশ চন্দ্র চক্রবর্তীর রচনা।

মায়াদেবী ।

গীতি ।



[ভৈরো—একতালা, ভজনের সুর ।]

কে রে বালা কিরণ-ময়ী, ব্রহ্ম-রঞ্জে বিহরে !
দিব্ প্রকাশ, বিমল ভাস, বিমল হাস অধরে !

নাচিতে নাচিতে হৃদয় ধায়,
আকাশ ভেদিয়া কোথায় যায়,
অপরূপ একি নয়নে ভায় !

ভায় প্রাণের ভিতরে !

কেন দরদর নয়নে বারি,
প্রাণ ভোরে আহা হেরিতে নারি !
কেন কেন শূন্যে বাহু পসারি !

কেন তনু শিহরে !


কোথা সে আমার সাধের ভবন,
কোথা প্রাণপ্রিয়া প্রিয় পরিজন,
কোথা চন্দ্র তারা কোথা ত্রিভুবন !

মগন সুধার সাগরে !

অহো ! মহাযোগী দাও প্রাণ খুলি,
দাও বাল্মীকি, শিরে পদধূলি
গুরু-কৃপা-মোদ-ভরে চুলি ছাল

ভ্রমিব স্বপন-নগরে—

চিরজীবন ভ্রমিব স্বপন-নগরে !



শরৎকাল

শরৎকাল ।

প্রভাত সঙ্গীত ।

(ছুধের মেয়ে ।)

আয় রে আনন্দময়ী আয় মেয়ে বুকে আয় !
হাসি হাসি কচিমুখে নূতন ভূম ভায় ।
স্বর্গের কুসুম তুমি ফুটিয়াছ ভবনে,
ত্রিদিবের মন্দাকিনী হাসে তোর নয়নে ।
তুমি সারদার বীণা খেলা কর কমলে,
আধ বিজড়িত বাণী শোনে প্রাণী সকলে ।
ঈশ্বরের রূপা তুমি জগতের জননী,
তাই মা হাসিলে তুই হেসে ওঠে ধরণী ।
তোমায় দেখিতে ওই নব ভানু উঠেছে !
কতই কুসুম পরি' বনদেবী সেজেছে !
পাখীরা আনন্দে গায় তোমারি মঙ্গল গান,
রাঙা চরণ ছুথানি যোগী বোগে করে ধ্যান ।
মৌরভে আকুল হয়ে সুখ সমীরণ বয়,
চারিদিকে দেখি সব কি এক উৎসবময় !
কাহার হৃদয় আছে কে তোমার পূজা করে,
কেন গো করুণাময়ী এসেছ আমার ঘরে !
হারিয়েছি তোর কোল বহু দিন জননী,
তাই কি দেখিতে মাগো আসিয়াছ অবনী ?

আয় রে আনন্দময়ী আয় বরু* বুকে আয় !
 কিবে কাল চুলগুলি কাঁপিছে মৃদল বায় !
 পয়োধর-সুধা ভুলে, আহ্লাদে হৃদাত ভুলে,
 আকুলি ব্যাকুলি বাছা কেন কোলে আসিতে ?
 দাঁত দুটী ফুট্‌ফুটি অমায়িক হাসিতে !
 আয় রে আনন্দময়ী, দাও প্রিয়ে কোলে দাও !
 স্নেহেতে গলিয়া প্রাণ ভেসে যায় ছনয়ান,
 না জানি প্রেয়সী এরে নির্জনে কি নিধি পাও !
 বৃথা পুরুষাভিমান, প্রেমেতে প্রধানা নারী ;
 কতই কতই বেশী স্নেহসুখে অধিকারী !
 স্বভাবে অভাব আছে, পূরাব কেমন কোরে !
 প্রাণে যত ভালবাসা, তত ভালবাসি তোরে ॥

আহ্লাদের সীমা নাই—

চাঁদ মুখে চুমি খাই—

কোথায় রাখিলি মুখ, এয়ে বুক মরুস্থল,
 বহেনা স্নেহের নদী, ফলেনা অমৃত কল ।

উদার—উদারতর

রমণীর পয়োধর

না জানি কাহার তরে সময়ে প্রকাশ পায় !

কিবে কোটি চন্দ্র-প্রভা !

যুবকের মনোলোভা

বালকের ক্ষুধাহরা সুধারসে ভেসে যায় !

* বরু—বরদারাগী—বয়স এক-দুইসর ।

স্বভাবে অভাব আছে, পূরাব কেমন কোরে !
প্রাণে যত ভালবাসা, তত ভালবাসি তোরে ।
বিচিত্র বিধাত ! তব স্নেহের মোহন ডোর,
ফুরাবে না স্বপ্ন কভু ভাঙিবে না ঘুমঘোর !
অতি অপরূপ মায়া, অপরূপ সমুদয়,
বিশ্বের সৌন্দর্য্য রাশি কি এক পিরীতিময় !

মধ্যাহ্ন সঙ্গীত ।

(গৌরসারঙ্গ—একতালা ।)

চরাচর ব্যাপী অনন্ত আকাশে
 প্রথর তপন ভার,
 দিগ্ দিগন্তর উদাস মুরতি
 উদার স্ফূরতি পায় ।

বিমল নীল নিথর শূন্য,
 শূন্য—শূন্য—শূন্য—অগম শূন্য ;
 দূর—অতিদূর ছু পাখা ছড়িয়ে
 শকুন ভাসিয়া যায় ।

শুভ্র শুভ্র অভরাজি
 ধবলা শিখরী সাজি
 চলিয়াছে ধীরে ধীরে না জানি কোথায় !

নীরব মেদিনী, পাদপ নিবুম্,
 নত-মুখ ফুল ফল,
 নত-মুখা লতা নেতিয়ে পড়ছে
 স্তবধ সরসী-জল

শান্ত সঞ্চরণ, শান্ত অরণ্যানী,
মূক বিহঙ্গম, মূঢ় পশু প্রাণী,
'ঘুঘু—ঘুঘু' কাতরা কপোতী
করুণা করিয়া গায় ।

স্তবধ নগর, স্তবধ ভূধর,
স্তব্ধ হ'য়ে আছে উদার সাগর,
ধূধু মরুস্থলী, বিহ্বল হরিণী
চমকি চমকি চায় ।

স্তবধ ভুবন, স্তবধ গগন,
প্রাণের ভিতর করিছে কেমন,
তুষার কাতর, কঠোর মরুত !
একটুও নাহি বায় !

বিরাম দায়িনী কোথা নিশীথিনী
শিগ্ধ-চন্দ্র-তারা-নক্ষত্র-মালিনী
মহা-মহেশ্বর-করুণা-রূপিনী
মোহিনী মায়ার প্রায় !

ল'য়ে এস সেই মেঘের সমীর,
ঝুরু—ঝুরু—ঝুরু, মধুর, অধীর,
শ্বেহ-আলিঙ্গনে জুড়াব জীবন,
জুড়াব তাপিত কায় !

সন্ধ্যা সঙ্গীত ।

(ভাগিরথী তীরে—দক্ষিণে হাবড়ার সেতু এবং উত্তরে নিমতলার খশান ।)

১

ডুবেছে রবির কায়া, দিবা হ'ল অবসান !
 প'ড়েছে প্রশান্ত ছায়া জুড়াতে জগত-প্রাণ ।
 চারিদিক সুশীতল,
 নিবে গেছে কোলাহল,
 কিবে এক পরিমল ভাসিয়া বেড়ায় !
 আলুয়ে প'ড়েছে ভব,
 আলুয়ে প'ড়েছে সব,
 আলুথালু হ'য়ে ধরা তিমিরে করিছে স্নান ।

২

গঙ্গার স্নেহের কোলে
 সমীরণ ঘুমে ঢোলে,
 স্বপনে সাঁজের তারা মেলিছে নয়ান ।
 তীর-ভূমে তরুগণে
 বসিয়াছে যোগাসনে,
 কে তুমি প্রাণের প্রাণে তুলেছ পুণ্যতান !

৩

চুলিয়া পড়িছে মন,
ছৰ্বাদলে যোগাসন,
কি যেন স্বপন দেখি মুদিয়া নয়ন !
নাবিকেরা খুলে প্রাণ
দূরেতে ধ'রেছে গান,
কি স্মৃধা করিছে পান ঘুমন্ত শ্রবণ !

৪

টুপ্‌টুপ্‌ শব্দ জলে,
আসিতেছে পলে পলে,
কি জানি কি কথা বলে বুঝা নাহি যায় ;
ঘুমায়ে ঘুমায়ে ছেলে
কেন বাছা হেসে ফেলে,
শুনিতে সে স্বৰ্গ কথা সদা প্রাণ চায় ।

৫

নিথর সলিল পরি
ধীরে ধীরে চলে তরী,
দুপাথা ছড়ায় পরী ভেসেছে আকাশে ;
মধুর মধুর গতি,
চলিয়াছে গর্ভবতী
সম্পূর্ণ-যৌবনা সতী পতির সকাশে ।

৬

নৌকায় প্রদীপ জলে,
 তারকা ফুটেছে জলে,
 জলতলে ঝল্‌মলে বিশাল মশাল ;
 লুকান তপন-রেখা
 ফের্‌ বুকি যায় দেখা !
 হারাগো প্রণয় কেন এত লাগে ভাল !

৭

ছপার জুড়িয়া সেতু,
 যেন প'ড়ে ধূমকেতু,
 যেন শুয়ে কোন এক দৈত্য ছরাশয়,
 লাল লাল চক্ষু মেলি,
 নিদ্রা মৃত্যু অবহেলি,
 আক্রোশে শ্মশান পানে তাকাইয়া রয় ।

৮

উঠিল কাঁসর রোল,
 শঙ্খ ঘণ্টা উতরোল,
 আরতি-প্রদীপ-মালা দোলে ঘাটে ঘাটে ;
 আদ্র হ'য়ে ভক্তিভরে
 'মা—মা' শব্দ করে,
 আনন্দের কোলাহলে দিক্‌ যেন লাটে ।

৯

আমার আনন্দ নাই,
আমার সে ভক্তি নাই !
সেই ভোলা খোলা প্রাণ হারিয়ে আঁধারে,
করিয়া জ্ঞানীর ভাগ,
পৃষি বৃকে অভিমান,
ঘোর পৌতলিক—সদা পূজি আপনারে !

১০

নগরীর মনোরথ
পূর্ণ করি রাজপথ,
হাসিয়া উঠিল কিবা প্রসারিয়া কায়া !
সুন্দরী আলোক মালা
সারি দিয়ে করে খেলা,
বাতাসে তরুর তলে খেলা করে ছায়া ।

১১

আরতো লাগে না ভাল,
কে তোরা জালালি আ'ল !
কোথায় হারাল বল ঘুমন্ত হৃদয় !
চাহিতে আকাশ পানে
কি যেন বাজিছে প্রাণে,
কাঁদিয়া উঠিছে যেন তারা সমুদয় ।

১২

উদয় না হ'তে হায়
 শশীকলা অস্তে যায়,
 মূর্ধুর প্রাণ যেন ঝিক্ ঝিক্ করে !
 বিষণ্ণ শ্মশান-ভূমি,
 ঘুমায়ে রয়েছ তুমি !
 কার ওই চিতানল ভস্মের ভিতরে !

১৩

প্রতিদিন কোলাহল,
 প্রতিদিন চিতানল,
 প্রতিদিন জগতের উদয় বিলয় !
 এই যে অসংখ্য তারা,
 অজর অমর পারা.
 এরাও কি বিনাশের বশীভূত নয় ?

১৪

অনন্ত কালের সিন্ধু,
 বিশ্ব বৃদ্ধদের বিন্দু,
 এই ভাসে, এই হ'সে, মিলায় আবার ;
 এসোই বা কোথা হ'তে,
 ফিরে যাব কি জগতে,
 কিছুই জানি না ঠিক ঠিকানা পহার !

১৫

বিন্দু বিন্দু পড়ে জল,
চঞ্চল চাতক দল
উড়ে উড়ে অন্ধকারে করে কলগান !
আমি কেন এই খানে
চাহিয়া শ্মশান পানে
কিছুতেই নাহি পারি ফিরাতে নয়ান !

১৬

ও কে গো কাতর স্বরে
আনু-মনে গান করে
একাকিনী বিষাদিনী চেয়ে নদী পানে !
ওরো কি আমারি মত
হৃদি-রাজ্য বজ্রাহত !
ফোটে না কুসুম আর সাধের বাগানে !

শরৎকাল ।

গীতি ।




[কাফি—১৭ ।]

জীবন যন্ত্রণা-ময়,
কিছু—কিছুই নাই সুখোদয় !
করি প্রেমামৃত পান
ঘুমায় পাগল প্রাণ,
কে তারে জাগালে অসময় !

বসন্তে নিকুঞ্জ বনে
কুহরে কোকিল গণে,
বনবালা প্রফুল্ল বয়ান ;
যৌবন-সীমান্তে আসি
ফুরায় সাধের হাসি,
চাঁদিনী যামিনী অবসান !

কোথা সে নন্দন বন,
কোথা সে সুখ-স্বপন,
আরু কেন দেহে প্রাণ রয় !



নিশীথ সঙ্গীত ।

(শারদপূর্ণিমা—যামিনী ষাপন ।)

১

দ্বিতীয় প্রহর নিশি,
কি প্রশান্ত দশ দিশি !
জ্যো'ন্মায় ঘুমায় তরু লতা,
বাতাস হয়েছে স্তব্ধ,
নাই কোন সাড়া শব্দ,
পাপীয়ার মুখে নাই কথা ।

২

ঘুমায় আমার প্রিয়া ছাদের উপরে
জ্যো'ন্মার আলোক আসি ফুটেছে অধরে ।
শাদা শাদা ডোরা ডোরা দীর্ঘ মেঘগুলি
নীরবে ঘুমায়ে আছে খেলা দেলা ভুলি,
একাকী জাগিয়া চাঁদ তাহাদের মাঝে,
বিশ্বের আনন্দ বেন একত্র বিরাজে ।

দূরে দূরে নীল জলে

ছ'একটা তারা জলে,

আনার মুখের পানে দীপ্ দীপ্ চায়,
ওদের মনের কথা বুঝা নাহি যায় ।

৩

একা বসি' নির্জন গগনে
 বল শশী কি ভাবিছ মনে,
 একটুও বাতাস নাই
 তবু যেন প্রাণ পাই
 তোমার এ অমৃত কিরণে ।

৪

ফুলবনে ফুল ফুটে আছে,
 কেহ না সঞ্চরে কাছে কাছে,
 তেমন আমোদ ভরে
 কে আর আদর করে,
 আজি সমীরণ কোথা গেছে !

৫

নীরব প্রকৃতি সমুদয়,
 নীরবে প্রাণের কথা কয়,
 সমীর সুধীর স্বরে
 সেই কথা গান ক'রে,
 আহা, আজি কেন নাচি রে !

৬

মানবেরা ঘুমা'য়ে এখন,
মোহমন্ত্রে হ'য়ে অচেতন,
নিসর্গের ছেলে মেয়ে
কেন গো রয়েছ চেয়ে !
তোমরা কি সাধের স্বপন ?

৭

আমার নয়নে ঘুম নাই,
কেবল তোদের পানে চাই,
এক একবার ফিরে
চেয়ে দেখি প্রেয়সীরে
আদরে গোলাপ তুলে অলকে পরাই ।

৮

শিশুর সুন্দর মুখ
দেখে পাই স্বর্গ-সুখ,
মর্ত্তে সুখ যুবতীর প্রকুল বয়ন,
কিন্তু এই হাসি হাসি
পরিপূর্ণ ভালবাসি
মুখ নাই প্রেয়সীর মুখের সমান ।

৯

সব চেয়ে সুখাকর

তব মুখ মনোহর,

বিহ্বল হইয়া যাই হেরিলে তোমার ;

ভূত ভাবী বর্তমানে

কত কথা জাগে প্রাণে,

জানকী অশোক বনে দেখেছে তোমার !

১০

কেকরী বিষাক্ত শর,

জর জর মর মর

থর থর কলেবর পাগলের প্রায়—

কি চক্ষে হে! দশরথ দেখিল তোমার,

তুমিই বলিতে পার

তুমি—ই বলিতে পার

ভাবিয়া বিহ্বল মন বুঝা নাহি যায় ।

ওই রে জীবন-দীপ নেবো নেবো প্রায়—

ওই রে অন্তিম আশা আধারে মিশায়—

মনের সকল সাধ ফুরায় ফুরায়—

কোথা রাম রাজা হবে বনে কেন যায় !

১১

জন্মিতে দেখেছ তুমি ব্যাস বায়ীকিরে,
কিরণ দিয়েছ সেই পর্ণের কুটীরে ।

তপোবনে ছেলে ছুটি

কচিমুখে হাসি ফুটি

জননীর কোলে বসি' দেখিত তোমার,

কি যে সে কহিত বাণী

জ্ঞানে তাহা ফুল রাণী,

জাগে মহা প্রতিধ্বনি অমর গাথার ;

করি সে অমৃত পান

পৃথিবী পেয়েছে প্রাণ

ভারত-পাতাল আজো অমরার প্রায় !

১২

কবিতার জন্ম হয় তোমার কিরণে,

ফুটে ওঠে বসন্তের ফুল ফুল বনে,

যৌবন তরঙ্গ রঙ্গে

গড়ায় সাগর সঙ্গে,

অস্তিত্বে আনন্দে মগ্ন নন্দন-কাননে ।

১৩

কখনো নামিয়া ভূমে,

আচ্ছন্ন শোকের ধূমে,

শ্মশানে যোগিনী বালা কাঁদে উভরায়,

শিহরি সকল প্রাণ
সেই দিকে ধাবমান
কি যেন আকাশ-বাণী শুনিবারে পায় ।

১৪

এখন ভারতে ভাই,
কবিতার জন্ম নাই,
গোরে বোসে অটু হাসে করে কার ছায়া ?
হা ধিক্! ফেরঙ্গ বেষে
এই বান্ধীকির দেশে
কে তোরা বেড়াস্ সব উন্ধি-মুখী আয়া ?

১৫

নেক্‌ড়ার গোলাপ ফুলে
বেঁধে খোঁপা পরচুলে
ছিটের গাউন পোরে আহ্লাদে আকুল !
পরস্পরে গলা ধরি'
নাচিছেন যেন পরী !
কি আশ্চর্যা বিধাতার বুদ্ধিবার ভুল !

১৬

কেন এ অলৌক ভূষা,
সরস্বতী অকলুষা,
ওই দেখ হাসিছেন বিমল গনন !

হেলিয়া নলিনী রাণী,
কোন্ প্রাণে খুঁজে আনি
গাঁথিয়া দোপাটী মালা দিব শ্রীচরণে ?
ছ-মিনিটে ঝ'রে যাবে ম'রে যাবে ক্ষুদ্র প্রাণী ;
দিওনা মায়ের পায়ে প্রসাদি কুসুম আনি !

১৭

সব চেয়ে সুধাকর
তব মুখ মনোহর,
হেলিয়া অমর নর পশু পক্ষী প্রাণী
সচেতন অচেতন
সকলে প্রফুল্ল মন,
কি অমৃত আছে ওই আননে না জানি !

১৮

প্রিয়ার পবিত্র মুখ
উদার স্বরগ সুখ,
কেবল আমারি তরে বিধির সৃজন ;
কেহ নাই চরাচরে
প্রাণ ভোরে ভোগ করে
কারো নাই এ প্রমত্ত নেশার নয়ন ।

১৯

তুমি শশী সকলের
 মোহমন্ত্র হৃদয়ের,
 নয়নের পারিজাত কুমুম অমর,
 রূপরসে ঢল ঢল
 চারিদিকে অবিরল
 উছলে উছলে চলে সুধাংশু সাগর ।

২০

করি ও অমৃত পান
 প্রাণে হয় বলাধান
 শুক তরু মুঞ্জরে, সঞ্চরে সমীরণ,
 ফুল ফোটে ধরে ধরে
 লতা সব নৃত্য করে,
 উন্মাদে উন্মত্ত প্রায় মানুষের মন ।

২১

চক্রবাক চক্রবাকী
 আনন্দে বিহ্বল আঁধি,
 হরিণী হরষভরে দেখিছে তোমায় ;
 তোমারি অমৃত ভূধে
 ছুটিরাছে উর্দ্ধমুখে
 না জানি কি পাখী ওই শব্দ গান গায় !

২২

জাগিল সকল তারা
প্রেমানন্দে মাতোয়ারা,
মেঘগুলি ঢুলি ঢুলি কোথায় চলিল !
লুকায়ে চপলা মেয়ে
থেকে থেকে দেখে চেয়ে,
কি যেন মনের কথা মনেই রহিল ।

২৩

যোগীর প্রশান্ত মন,
শান্তিময় ত্রিভুবন,
সমস্ত নক্ষত্র এক বিচিত্র স্বপন ;
তোমার সুধাংশু শশী
তঁাহার প্রাণেতে পশি
করেছে কি অপরূপ রূপের সৃজন !

২৪

আনন্দ—আনন্দ তাঁর
হৃদয়ে ধরে না আর
অমূর্ত্ত আনন্দময় মূর্ত্তি মনোহর,
আলিঙ্গন প্রাণে প্রাণে
কি আজ উদয় ধ্যানে !
সমস্ত ব্রহ্মাণ্ড এক আনন্দ সাগর ।

২৫

কবির প্রাণেতে পশি
 আচম্বিতে কে রূপসি
 বীণাকরে খেলা করে হসিত বয়ানে
 অলস অপাঙ্গে চায়
 কবি নিজে মোহ যায়
 জগৎ জাগিয়া ওঠে একমাত্র গানে !

২৬

শোকাক্ত নিরাশ প্রাণে
 চায় তব মুখ পানে
 ও মুখ দর্পণে দ্যাখে সেই মুখ খানি,
 তোমার অমৃত পিয়া
 বেঁচে আছে তার প্রিয়া
 হেরিয়া জুড়ায় তার কাতর পরাণী ।

২৭

প্রাণপতি দেশান্তরে,
 বুক তার কি যে করে
 বলিতে পারে না সতী তোমা পানে চায়,
 সর্বদর্শী রশ্মিজাল
 বলে “সে তোর আছে ভাল”
 একেলা একান্ত মনে জেগায় তোমায় ।

২৮

উদাসিনী চায় যাকে
সে এসে দাঁড়ায়ে থাকে
দৃষ্টিপথ প্রান্তভাগে তোমার কিরণে,
শুনি বাতাসের বাণী
মনে করে ধ'রে আনি ;
খেওনাক পাগলিনী প্রেমের স্বপনে !

২৯

কেন তোর ফুল রণী
বিরস বদন খানি,
হাসি নাই মধুর অধরে,
বিলোচন ছলছল
কপোলে গড়ায় জল
মনে মনে কাঁদ কার্ তরে !

৩০

পুরুষ পাংশুল মতি,
মনে তার অধোগতি,
মুখ তুলে চেয়ে আছে মিছে স্বর্গ পানে ;
সরল হৃদয় লুটি
আহ্লাদে বেড়ায় ছুটি,
আর তুমি দেখা তার্ পাবে কোন খানে !

৩১

ধিক্ রে অধম ধিক্
 ভালবাসা 'প্লেটোনিক্'
 ছদ্মবেশী রসিক মধুর "মিষ্ণু মিষ্ণু,"
 প্রেমের দরাজ্ জান্,
 আকাশে ঢালিয়া প্রাণ
 সজোরে পাণিয়া হাঁকে 'পীহ পীহ পীহ' ।

৩২

দুর্ক্‌হ প্রেমের ভার
 যদি না বহিতে পার
 ঢেলে দাও আকাশে বাতাসে ধরাতলে !
 (মিটায়ে মনের সাধ
 ঢালিয়া দিয়াছ টাঁদ)
 ঢেলে দাও মানবের তপ্ত অশ্রুজলে !

৩৩

উথলে অমৃত রাশি
 মুখেতে ধরে না হাসি
 বিশ্বের প্রেমিক ওহে প্রিয় সুধাকর,
 প্রেয়সীরো থর থর
 হাসি মাথা বিশ্বাস
 সাধের স্বপন-ময়ী মূর্তি ননোহর !

৩৪

আর কিছু নাই সুখ,
ওই চাঁদ, এই মুখ,
যেন আমি জন্মান্তরে ফিরে ছই পাই ;
যাই আমি যেই থানে
যেন আমি খোলা প্রাণে
এক মাত্র পবিত্র প্রেমের গান গাই ।

নিশান্ত সঙ্গীত ।

—*—

১

আহা স্নিগ্ধ সমীরণ !
কোথা ছিলে এতক্ষণ,
এস মোর আদরের চির-সহচর !
আলুথালু হ'য়ে প্রিয়া
আছে সুখে ঘুমাইয়া,
আলুথালু কুন্তলে সুখে খেলা কর !

২

বড় তুমি চুল্বুলে,
 গোলাপের দল খুলে
 ছড়ায়ে কপোলে চুলে হাসিয়া আকুল !
 তোমারি আনন্দোৎসবে
 মত্ত ফুল তরু সবে,
 মুদিত নয়ন পশ্চ করে ছল্‌ছল্ ।

৩

আহা এই মুখ খানি—
 প্রেম মাথা মুখ খানি—
 ত্রিলোক-সৌন্দর্য্য আনি কে দিল আমার !
 কোথায় রাখিব বল,
 ত্রিভুবনে নাই স্থল,
 নয়ন মুদিতে নাহি চায় !

৪

সদাই দেখি রে ভাই,
 তবু যেন দেখি নাই,
 যেন পূর্ব জন্ম কথা জাগে মনে মনে !
 অতি দূর দিগন্তরে
 কে যেন কাতর স্বরে
 কেঁদে কেঁদে ওঠে ক্ষণে ক্ষণে !

৫

উঠ প্রেমসী আমার—
উঠ প্রেমসী আমার—
হৃদয়-ভূষণ কত যতনের হার !
হেরে তব চন্দ্রানন
যেন পাই ত্রিভুবন
অন্তরে উথলে ওঠে আনন্দ অপার !
উঠ প্রেমসী আমার !

৬

প্রতি দিন উঠি তোরে
আগে আমি দেখি তোরে
মন প্রাণ ভরি ভরি সাধে করি দর্শন !
বিমল আননে তোর
জাগিছে মুরতি মোর,
যুমন্ত নয়ন দুটী যেন ধ্যানে নিমগন ।

৭

তোমার পবিত্র কায়া,
প্রাণেতে পড়েছে ছায়া,
মনেতে জন্মেছে মায়া ভালবেসে সুখী হই !
ভালবাসি নারী নরে,
ভালবাসি চরাচরে,
সদাই আনন্দে আমি তাঁদের কিরণে রই ।

৮

উঠ প্রেমসী আমার
 উঠ প্রেমসী আমার
 জীবন-জুড়ানধন হৃদি ফুলহার !
 উঠ প্রেমসী আমার !

৯

মধুর মুরতি তব
 ভরিষে রয়েছে তব,
 সমুখে ও মুখশশী জাগে অনিবার !
 কি জানি কি ঘুম ঘোরে,
 কি চক্ষে দেখেছি তোরে,
 এ জনমে ভুলিতেরে পারিব না আর !
 নয়ন-অমৃতরাশি প্রেমসী আমার !

১০

ওই চাঁদ অস্তে যায় !
 বিহঙ্গ ললিত গায়,
 মঙ্গল আরতি বাজে নিশি অবসান ;
 হিমেল্ হিমেল্ বায়,
 হিমে চুল ভিজে যায়,
 শিশির মুকুতা জ্বলে ভিজেছে বয়ান ;
 উঠ প্রেমসী আমার, মেল ন'দিন নয়ান !

ধুমকেতু

ধূমকেতু ।

(১২ই আশ্বিন, বুধবার, পূর্ণিমা, ১২৮৯ সাল ।)

১

এই যে উঠেছে ধূমকেতু !
কে বলে রে অমঙ্গল-হেতু !
কি মহান্ শুভ পুচ্ছ
গ্রহ তারা করি তুচ্ছ
ওড়ে যেন বিজয়ের কেতু !

২

ওই ! শুকতারার মতন
মুখ-প্রভা প্রশান্ত কেমন !
যদিও আবৃত কায়া
কেমন উদার ছায়া !
মুখেই প্রকাশ পায় মানুষ যেমন !

৩

এক দিকে চন্দ্র অস্ত যায়,
অন্য দিকে অরুণ উদয়,
মধ্যে কেতু দীপ্তিমান্
মহামনা তেজীরান্
স্বগোরবে দাঁড়াইয়া রয় ।

৪

ডুবে যাবে ক্ষণকাল পরে
 তপনের কিরণ সাগরে
 এখনো মুখেতে হাসি
 অন্তরে আনন্দ রাশি,
 মহতের মন নাহি মরে ।

৫

স্নেহেতে চাঁদের পানে চায়
 যেন আলিঙ্গন দিতে যায় ;
 পূর্ষদিক পানে চেয়ে
 যেন মহানিধি পেয়ে
 আনন্দে আপনি চ'লে যায় ।

৬

ধায় তিমী ধরার সাগরে,
 মহাশূন্য অনন্ত অন্বরে
 ধেয়ে ধেয়ে অবিরত
 বল হে দেখিলে কত

মহান্ বড়বানল প্রজ্জ্বলিছে দিগ্ দিগন্তরে !

ধূমকেতু ।

১২১

৭

কত ক্ষুদ্র ক্ষুদ্র চন্দ্রদ্বীপ
স্বভাবের সুধার প্রদীপ,
তেজস্বী মনের কাছে
স্নেহ যেন ফুটে আছে,
হর্ষভরে করে দীপ্ দীপ্ ।

৮

বল কত তোমার মতন
ধায় ধূমকেতু অগনন,
পথের ঠিকানা নাই,
তারি কাছে ছুটে যাই
পাই যারে মনের মতন ।

৯

তুমি এক প্রেমের পাগল,
আপনার ভাবে চল চল,
কে তোমায় ভালবাসে,
কে তোমায় উপহাসে,
ক্রক্ষেপ নাই সে সকল ।

১০

পতঙ্গের পাগল পরাণ,
 অনাসে অনলে তাজে প্রাণ,
 তপনের কাছে তুমি
 তাই কি এসেছ তাই!
 বিধির কি এমনি বিধান ?

১১

আসিয়াছ বহুদিন পরে,
 ধরণীতে দেখিবার তরে,
 আনন্দে ভগিনী তব
 করেন মঙ্গলোৎসব,
 দিকে দিকে পাখী গান করে ।

১২

কুম্বের সৌরভ লইয়া,
 সমীরণ চ'লেছে ধাইয়া,
 চঞ্চল চাতক সব
 করি করি কলরব
 ছুটিয়াছে উন্নত হইয়া

১৩

চলেছে বকের মালা
নৌলাকাশ করি আলা
করিবারে ব্যঞ্জন তোমায়,
নীরদ দিয়েছে দেখা,
আবরিতে রবি রেখা
ওই কিবে আসে পায় পায় !

১৪

ঘেরে আছে দিগঙ্গনাগণ,
কিবে সব প্রফুল্ল আনন,
কেমন হরষ ভরে
তোমারে বরণ করে !
মাজে তুমি কেতু বিমোহন !

১৫

মানুষে জানে না তব মান,
চিরকালই অমঙ্গল জ্ঞান,
এমন সুন্দর রূপ,
করিয়াছে কি বিরূপ !
হৃদি-হীন মিছে বুদ্ধিমান ।

১৬

আজো আছে পশুদের দলে,
 পরস্পরে সভ্য ভব্য বলে,
 নিজের পেটের দায়
 অন্যকে ধরিয়া খায়,
 সবে একা চায় ভূ-মণ্ডলে ।

১৭

রাজা আর রাজ-অনুচর
 বিষম কঠোর স্বার্থপর,
 কেবল নিজের তরে
 নিদারুণ কন্ম্ব করে
 বাধাইয়া দারুণ সমর ।

১৮

পরের দেশেতে ঢুকে,
 পরের ছেলের বুক
 মারে রুখে আগুনের গুলি,
 কেনরে কি দোষ তোর
 করিয়াছে রে পামর ?
 মানুষ, মানুষে যাও তু . ?

১৯

এ পশুত্বে, বীরত্বের নামে
আজো সবে পূজে ধরাধামে !
ভীষণ রক্তের নদী
বহিতেছে নিরবধি,
রাক্ষসেরা মেতেছে সংগ্রামে ।

২০

কতই অর্থের নাশ,
কতই হৃদয় ভ্রাস,
বুদ্ধির বিষম অপচয় !
তবু স্বার্থ সাধিবারে,
মানুষে মানুষ মারে,
পর-হুঃখে অন্ধ ছরাশয় ।

২১

চারিদিকে হাহাকার
শ্রবণে পশেনা তাঁর,
বন্ধ-কালী পাহাড় পাথর,
অতি ধীর বীর ইনি,
বিশ্বজয়ী বিশ্ব জিনি,
প্রজার শোকেতে কেন হবেন কাতর ?

২২

যুগান্তরে লোক সবে
 শূনিয়া অবাক হবে
 মানুষে করিত বধ মানুষের প্রাণ,
 মুখে তারা ভাই ভাই
 মনে মনে শ্রীতি নাই,
 কারো প্রতি কারো নাই আন্তরিক টান ।

২৩

শতকে দুএক জন,
 দেবতার মত মন,
 পুণ্যের প্রভায় রাজে আনন মণ্ডল,
 পরের প্রাণের তরে,
 প্রাণ দেয় অকাতরে,
 পরের মঙ্গলে দেখে আপন মঙ্গল ।

২৪

হৃদ আট জন তার
 কনিষ্ঠ সে দেবতার
 প্রাণের মধুর জ্যোৎস্না ফুটেছে অধরে,
 সদাই আনন্দে রয়,
 সংসারে সংসারী হয়,
 ভুলেও কখন কারো মন্দ নাহি করে ।

২৫

বাকী যে নব্বই জন,
তমগুণে অচেতন,
পূর্ব জন্মে ছিল বন-মানুষ বানর,
স্বভাব রয়েছে তাই,
কেবল লাঙ্গুল নাই,
আহার-বিহার-পটু আসল বর্ষর ।

২৬

কি আর দেখিবে তুমি
মানবের জন্মভূমি !
দেখেছ কতই পৃথ্বী কত পুণ্যালোক,
বিহরে দেবতা সব
মূর্ত্তি মহা অভিনব,
মহান্ পবিত্র প্রাণ, অভয়, অশোক ।

২৭

না জানি এ নীলাকাশে
কতই স্বরগ হাসে,
কতই ফুটিয়া আছে তারকার ফুলবন !
যাও ভাই মনসুখে
বিচর ব্যোমের বৃকে
দেখগে, দেখেনি যাহা মানব নয়ন !

দেবরাণী

দেবরাণী ।

১

স্বপন নগরে বেড়িয়ে বেড়াই
চুলিয়া চুলিয়া আপন মনে,
কখন বিহরি শিখরী শিখরে,
কখন বা ভ্রমি বিজন বনে ।

২

কখন কখন কল্পনা যানে
আরোহণ করি আকাশে ভাসি,
দেখি বোঁ বোঁ কোরে ঘোরে গ্রহ তারা,
ঘোরে দূরে দূরে অনলরাশি ।

৩

ফিরে ফিরে চাই পৃথিবীর পানে,
গিরি নদ নদী মিলায়ে যায় ;
উদার সাগর ক্ষুদ্র ক্ষুদ্রতর,
ডোরা ডোরা ডোরা রেখার প্রায় ।

৪

দেখিতে দেখিতে একি আচম্বিতে
 কোথায় সে সব উবিরে গেল !
 শূন্য-শূন্য-শূন্য—মহাশূন্যময়
 নীল নিথর আকাশ এল ।

৫

আহা আহা একি সমুখে আমার,
 একি এ বিচিত্র আলোকোদয়,
 চন্দ্র সূর্য্য নাই, অপরূপ ঠাই,
 কোটি কোটি যেন চাঁদের কিরণে
 সদাই কিরণময় !

৬

ভাসে নীলাঘরে ফুলে ফুলময়
 প্রসারিত পথ সমুখে একি !
 পদ পরশনে চমকিয়া ফুল
 ফুটিয়ে হাসিল আমারে দেখি ।

৭

ঝুরু ঝুরু ঝুরু গন্ধে ভরপুর
কেমন পাবন সমীর বায় !
কোথা হ'তে ভেসে আসে মৃদুগীত,
না জানি কে হেন মধুর গায় !

৮

না জানি কোথায় বাজে বেণু বীণা,
উদাস—উদাস হৃদয় প্রাণ,
না জানি কিসের সুরভি সৌরভ
তর কোরে দেয় মগজ ভ্রাণ !

৯

বিমল-সলিলা নদী মন্দাকিনী
তুলে তুলে যেন মনেরি রাগে
কুলু কুলু ধ্বনি আধ আধ বাণী,
খেলিছে কেমন মেথলা ভাগে !

১০

দূরে দূরে সব নধর মন্দার
ছধারে দাঁড়িয়ে আছে ;
কত অপরূপ প্রাণী মনোহর
বেড়িয়ে বেড়ায় কাছে ।

১১

রূপে আলো করি ঘুমায় কেমন
 দেবদেবীগণ কুসুম দলে !
 নেত্র-পত্র-পক্ষ কাঁপায় কাঁপায়
 ধীরি ধীরি ধীরি অনিল চলে ।

১২

জ্যোতির্ময় বপু, রোমাঞ্চ কিরণে
 উজলিয়া দশ দিশি,
 মন্দাকিনী তটে যোগে নিমগন
 দীপ্ত দীপ্ত সপ্ত ঋষি ।

১৩

নিম্নীল লোচন, প্রফুল্ল কপোল,
 হাসি রাশি যেন ধরে না মুখে ;
 কোন্ সুধাপানে সদাই বিহ্বল,
 মহাসুখী কোন্ মহান্ সুখে ?

১৪

বহি বহি পড়ে জলে অশ্রুজন,
 কনক কমল ফুটিয়া ভায়,
 লহরী-মালায় ছলিতে ছলিতে
 হাসিতে হাসিতে ভাসিয়ে যায় ।

১৫

ফুলে ফুলময় কমল কানন,
কে তুমি মা হেথা করিছ খেলা !
চল চল তব বিমল মুখানি,
হেরে জুড়াইল প্রাণের জ্বালা ।

১৬

ত্রিলোক-তর্পণ করুণ নয়ন,
হৃদয়ে করুণা-কুসুম-হার,
সুধাংশু-কলিত ললিত শরীর,
সহেনা বসন ভূষণ ভার ।

১৭

শ্রীচরণ ভাতি রাতি সুপ্রভাত
ত্রিদিবের চির অরুণোদয়,
অমরগণের ঘুমন্ত আনন
কিরণে কিরণে ফুটিয়ে রয় ।

১৮

অধরে উদার মৃদু মন্দ হাসি,
ভাসি ভাসি আসে স্নেহের তান,
ছলে ছলে কোলে বাণা বিনোদিনী
আধ আধ কিবে করিছে গান !

১৯

জড়িমা-জড়িত তনু প্রাণ মন,
 মোহন স্বপন সাগরে ভাসি
 আধ ঘুমঘোরে শুনি ধীরে ধীরে
 দূরে বাজে যেন ভোরের বাঁশী ।

২০

মৃদুল মৃদুল স্বরের লহরী
 প্রাণের ভিতরে প্রবহমান,
 বিরাগ-আঘাতে বিগত-জীবন
 উঠিয়ে দাঁড়ায় পাইয়ে প্রাণ ।

২১

উঠিয়ে দাঁড়ায় দিগঙ্গনাগণে
 হেরিতে ভুবন-মোহিনী মেয়ে,
 চমকি দামিনী দানব-বালারা
 এলোচুলে আসে হরষে ধেয়ে ।

২২

চারিদিকে বাজে মঙ্গল বাজনা,
 আমোদে মাতিয়ে অনিল বায়,
 দশ দিকে দশ দোলে ইন্দ্রধনু
 আনন্দে তোমার পানেতে চায় ।

২৩

এই অচেতন দেব দেবীগণ
সহাস আনন স্বপন-ভোলে,
তুমি দেবরাণী সদয়া জননী
ঘুমায় তোমারি অভয় কোলে ।

২৪

তোমার শ্রীপদ পরম সম্পদ,
সদা সপ্ত ঋষি করেন ধ্যান ;
ভূচর খেচর বিশ্ব চরাচর
গাহিছে তোমার মহিমা গান ।

২৫

যেন মা ও পদ পরশি পরশি
হরষে আমার জীবন বয় !
মা তোমার রাঙা চরণ ছুথানি
ধরিলে থাকে না মরণ ভয় ।

২৬

কলিযুগে সব দেবতা নিদ্রিত,
কেবল জাগ্রত তুমি ;
আলো কোরে আছ লাবণ্য কিরণে
পবিত্র স্বরগ ভূমি !

গীতি ।



[রাগিণী কালাংড়া,—তাল ষৎ ।]

এমন অপরূপ রূপ কভু হেরি নাই নয়নে !
কে এ বালা করে খেলা কনক কমল কাননে !

একি অপরূপ ঠাই,
চন্দ্র নাই, সূর্য্য নাই,
কোটি চন্দ্র হাসিতেছে বিমল রূপের কিরণে !

আপনি আকাশ মাজে
চারিদিকে বীণা বাজে,
দূরে দূরে ইন্দ্রধনু ছলিছে নীল গগনে ।

ধর গো আকাশ বালা,
মানস-কুম্ম মালা !
পাসরি যন্ত্রণা ছালা লুটিব রাঙা চরণে !



বাউল বিংশতি

প্রস্তাবনা ।



সকের বাউল কুড়ি জন,
দুই দল, প্রতি দলে দশ জন,
আসরে খুলিয়া প্রাণ
গাহিবে কুড়িটা গান,
পর পর সূক্ষ্মতর,
হৃদয় প্রফুল্লকর ;
খোলা প্রাণে করুন শ্রবণ !





প্রথম দল—

[বাউলের সুর—রাগিণী ভৈরবী,—তাল একতাল।]

[১]

ভবে কেউ দুষ্ট নয়, আমিই দুষ্ট ।
বিরোধ বিষম লেঠা, ভাঙ্গবাসি হাসি খুসি ।

বিধাতা নহেন বাম,
সুখভরা ধরাধাম,
হৃদয় আনন্দ ধামে নিরানন্দ কেন পুষি !

মা'র কোলে ছেলে হাসে,
চাঁদ হাসে নীলাকাশে,
উদয় অচলে কিবে হাসে উষা অকলুষী !

সকলি তো নিজ দোষ,
কার প্রতি করি রোষ,
পরে মিছে দোষী কোরে কেন আপনারে তুষি !

হাস খেল মনসাধে,
কাজ নাই বিসম্বাদে,
হৃদিনের তরে আহা কেন রে ভাই রোষাকুষি !

—

দ্বিতীয় দল—

[বাউলের স্বর—রাগিণী পাহাড়ী,—তাল তেতালা ।]

[২]

ভরের খেলা হাহাকার ।

এর, কোথাও ফাঁসি, কোথাও হাসি, কোথাও ওঠে হাহাকার ।

লক্ষ্মীদেবী হিরণ্ময়ী কিরণে কিরণ,

পেঁচা, বিচিত্র বাহন,

খেলে পদ্ববনে আপন্ মনে, পরিয়ে পদ্বের হার—

সরস্বতী পরিয়ে পদ্বের হার ।

দ্যাখে আপন্ ফোঁটা, গোটা সপ্ত সমুদ্র সমান,

যত খেঁকী-তেজীয়ান্ ;

রাখে, প্রাণ দিয়েও পরের মান. এমন সূজন—

হরি হে, এমন সূজন মেলা ভার !

বিশ্বশাস্ত্র-পাঠকের প্রাণ অনন্ত উদার

প্রেম মেহ পারাবার,

মিট্‌মিটে গ্রন্থ-কীটে মহিমা বোঝে না তার ।

প্রথম দল—

[বাউলের সুর—রাগিণী যোগিয়া,—তাল তেতাল।]

[৩]

হৃদি কঠিনে,

আমিও তো ভাই, কারো কিছু বুঝিনে ।

আহা, সেই রসের সাগর, প্রেমের আকর, ভুলেও তাঁরে ডাকিনে !

খোলা-প্রাণ ভোলা-মন বনের পাখী,

তুচ্ছ সুখের তরে ধোরে তারে পিঞ্জরে রাখি,

তার প্রাণ্টা কত কাতরে বেড়ায়, দেখেও চোকে দেখিনে ।

সরল পশু, সরল শিশু, সরলা নারী,

কতই সবাই ভালবাসে, সবাই আমারি,

আমি সেই, ভালবাসা পেতে পটু, ফিরে দিতে জানিনে ।

নতন রূপের রাশি প্রাণের হাসি হাসে যুবতী,

মনের কুতূহলে কোতুকিনী মধুর মুরতি,

তার, মায়ের মতন আদর কোরে নয়ন ভোরে হেরিনে ।

জ্যোৎস্নায় তরু লতা মনের কথা কতই ক'য়ে যায়,

বাতাসে হেলে হলে বাত তুলে আলিঙ্গন চায় ;

আমি, কাতান্ তুলে কাটতে দাঁড়াই, সাধের সোহাগ মানিনে—

তাদের সাধের সোহাগ মানিনে !

তোমার উদার মেহে

সুখে প্রাণ আছে দেহে,

কৃপা কর হে করুণাময় দয়ামায়া-বিদীনে ।

দ্বিতীয় দল—

[বাউলের সুর—রাগিনী পাহাড়ী,—তাল তেতাল।]

[৪]

প্রেমের মানুষ চেনা যায় ।

তার, হাসি হাসি মুখশশী, খুসি ফোটে চেহারায় ।

সদাশিব, সদানন্দ, সরল অন্তর,

কেহ নাহি আপন পর ;

সে জানে না ছনীয়াদারি, ভালবাসে ছনীয়ায় ।

আপন মনে আপনি মগন,

চুলু চুলু ঢোলে ছ-নয়ন,

সে, কি যেন মধুর বাঁশী সদাই শুনিতে পায় ।

প্রথম দল—

[বাউলের সুর—রাগিণী পাহাড়ী—তাল একতাল।]

[৫]

প্রেম নহে এই মরুভূমির তরুর ফল ।

শুধু সেই সুধাকরে সুধা করে চল চল ।

তৃষাতুর চকোর যে জন,

উর্দ্ধমুখে অনিমেষে দেখে অনুক্ষণ,

তার, দিবানিশি প্রাণ উদাসী, আঁখি দুটি ছল ছল ।

বিষামৃত লতা রমণী,

ফলে ফুলে আলো কোরে আছে ধরণী,

তার, আননে অমিয়া মাখা, নয়নেতে—

রমণীর নয়নেতে হলাহল ।

জুড়াইতে জগত-জীবন

ঝুরু ঝুরু কোথা থেকে আসে সমীরণ,

বিনে সেই জগত্-গুরু কল্পতরু কে আমাদের—

খেপা ভাই, কে আমাদের আছে বল ?

দ্বিতীয় দল—

[বাউলের সুর—রাগিণী —তাল একতালী ।]

[৫]

ফক্কিকার,

ফক্কিকার, ফক্কিকার, ফক্কিকার !

আমি, চোক্ বঁজিয়ে শুধুই দেখি অক্কিকার !

আমি, ডুবে ডুবে কতই খুঁজি সাগরের তলে,

কই, মাণিক্ কই জলে ?

তুমি, আকাশ-ছাঁদা ধোঁরে ছাদা করে দিওনা আমার ।

ঘোর, ওলট পালট হচ্ছে কেবল, রচ্ছে সকলি,

গোল, চাকার মতন মহাচক বৌ বৌ কোরে ঘোরে আপনি,

এব, কোনটা গোড়া, কোনটা আগা ?

বিশ্ব বিচিত্র ব্যাপার !

আছে, বিশ্বজয়ী-শক্তিময়ী নারী এ ধরায়,

তাই নরে নিধি পায় ;

আমার, সেই—ই স্বর্গ, চতুর্দর্গ ; ধারি কেবল প্রেমের দণ্ড

প্রথম দল—

[বাউলের সুর—রাগিণী ভৈরবী অথবা পুরবী—তাল টিমে তেতাল।]

[৭]

বেলা নাই, বেলা নাই রে, হয়েছে যাবার বেলা !

ভাঙা হাতে নবীন ঠাতে আরো কত খেলবি রে—

ও পাগল মন, খেলবি রে রসের খেলা !

চারি দিক্ ধুঁয়ার আকার,

সমুখে বিষম ব্যাপার,

কোথায় পালাব এবার, কে জুড়াবে প্রাণের জ্বালা—

আমার কে জুড়াবে প্রাণের জ্বালা ?

দ্বিতীয় দল—

[নিধু বাবুর সুর—রাগ ভৈরব—তাল একতাল।]

[৮]

সে মুখকমল সদা চল চল, হাসি হাসি,
সুখে দেখি রে ভাই ।

প্রেমের আনন্দ মাঝে মরণের ভয় নাই ।

মধুর মধুর মধুর প্রাণ,
মধুর মধুর মধুর ধ্যান,
অতি মধুর সেই—ই দিন, পূর্ণ পরিতোষ পাই ।

না জানি কোথায় কি ফুল ফোটে,
সৌরভে হৃদয় নাচিয়া ওঠে,
মত্ত হয়ে খোলা প্রাণে প্রেমের মহিমা গাই ।

প্রথম দল—

[বাউলের সুর—রাগিনী ভৈরবী—তাল একতাল।]

[৯]

সবই গেছি ভুলে,

আমি সবই গেছি ভুলে !

জাগ হে প্রাণের প্রাণ দাও মনের ধাঁদা খুলে !

ভিতরে কাতরে প্রাণী,

সুখী ভেবে অভিমানী,

মরণ যে কি বিষাদ, যেন তা জানিনে মূলে ।

আহা সে পবিত্র পদ

পূর্ণানন্দ, নিরাপদ,

পরম সম্পদ আমার তাজি, পূজি নারীকূলে !

করুণ কিরণে কার

বিকশিত প্রেম আমার,

সৌরভে উন্নত হয়ে করে দিলেম বিনিমূলে !

স্নেহ, ভক্তি, ভালবাসা,

মেটেনা—মেটেনা আশা,

পিপাসায় প্রাণ ওষ্ঠাগত বসি সুধা সিদ্ধ-কূলে ।

দ্বিতীয় দল—

[নন্দবিদায় যাত্রার সুর—রাগিণী ভৈরবী—তাল মধ্যমান ।]

[১০]

সে ছুটী নয়ন !

জীবন আমার ।

ত্রিভুবন হাসিতেছে কিরণে তাহার ।

সে সুধাংশু করি পান

জুড়ায়েছে মন প্রাণ,

হেসে খেলে চলে যাব, ভাবনা কি তার !

যে জনো এখানে আসা,

পরিপূর্ণ সে পিপাসা ;

রুধিয়া অন্যের আশা থাকিব না আর—

বেশি, থাকিব না আর ।

প্রথম দল—

[ভজনের সুর—রাগ ভৈরব—তাল কাওয়ালি ।]

[১১]

প্রভাত হয়েছে নিশি, আসি ভাই !
আর, প্রেমের বিরাগ রাগ নাহি চাই ।
হইব না পথ-হারা,
ওই জলে শুকতারা,
দূর—অতি দূর বাঁশরী গুনিতে পাই ।

আহা কি সুগন্ধময়
পবিত্র সমীর বয় !
জাগিয়া প্রাণের পাখী কি ললিত গায় রে ।
কতই সাধের চাঁদ,
রতির মোহন কঁাদ,
সাধের স্বপন, কেন আপনি ফুরায় রে !
আসিছেন উষারাণী,
বিকশিত মুখখানি,
কেমন প্রফুল্ল প্রভা দিকে দিকে ভায় ।
প্রফুল্ল কুসুম বন,
নিমগন তারাগণ,
দিগ্ দিগন্তর কিবা নূতন দেখায় ।

বাউল কবিতা ।

আকাশের নীল জল
অতি পীতল চঙ্গ,
না জানি ভিতরে আঁধার কি শুভ সুন্দর ঠাই !

জাগিছে জগতবাসী
মুখ সব হাসি হাসি,
দশদিক্ হাসিরাশি, এমন সুদিন নাই ।

কল্পনা ললনা বৃকে,
ঘুমায়ে ছিলেম্ সুখে,
দিনমণি দরশনে লাজে মনে ম'রে যাই ।

হে প্রোজ্জল দিনমণি,
মহান্ সত্যের খনি,
উদার আনন্দ মূর্ত্তি,
প্রত্যক্ষ যা দেখি নাথ, সদা যেন দেখি তাই !

দ্বিতীয় দল—

[বাউলের স্বর—রাগিণী ললিত ভৈরবী—তাল তেতাল।]

[১২]

প্রেমের সাগরে ফুলতরনী,

চির বিকশিত নলিনী !

সৌরভেতে স্বর্গ হাসে, আকাশে থেমে দাঁড়ায়—

দেখতে তোমায়, থেমে দাঁড়ায় দামিনী ।

আননে চাঁদের আল,

চাঁচর কুম্বল জাল,

অধরে আনন্দ জ্যোতি, নয়নে মন্দাকিনী—

হাসে নয়নে মন্দাকিনী ।

কে তুমি সুষমা মেয়ে,

আছ মুখ পানে চেয়ে,

আলো কোরে অন্তরাগ্না, আলো কোরে ধরণী !

সমীর আমোদে ভোর,

ডেকে আনে ঘুমঘোর,

মধুর—মধুর গান

আলমে অংশ প্রাণ,

কে গো, বাজায় বীণা,

ঘুমায় প্রাণে,

প্রাণ যে আমার, কি হ'য়ে যায় জানিনি !

জাগিয়া অচেতন,
ঘুমালে জাগে মন,
তুমি, সাধের স্বপনবালা, করুণা কমলিনী ।

ও রাঙা চরণ-তলে,
ধর্ম অর্থ মোক্ষ ফলে,
তুমি, মৃত্যুর অমৃত-লতা পাপ-তাপ-হারিণী ।

তোমারে হৃদয়ে রাখি
সদাই আনন্দে থাকি,
আমার, প্রাণে পূর্ণচন্দ্রোদয় সারা দিবা রজনী ।

প্রথম দল—

[১৩]

এ চাঁদ কোথায় পেলো !

বল এ চাঁদ কোথায় পেলো !

ত্রিভুবন আলো কোরে পদ্মফুলে খেলা করে সোণার ছেলে ।

একি মুখের ভাতি, চোকের জ্যোতি ! চার্দিকেতে চায়,

বিশ্ব চরাচর কি একুতর শীহরিয়া যায় ;

কেবল তোমার কোলেই সকল সোহাগ, হেসে মুখ ফিরায়

আমি নিতে গেলে ।

ওই, আকাশ পারে, কাল্ আধারে কে কালো শশী ?

শবের হৃদি মাঝে কে বিরাজে কালো রূপসী ?

আজ কাল-সিন্ধু বিন্দু বিন্দু কর্কেঁ, দেখবো রতন

অভাগার ভাগ্যে কেন নাহি মেলে ।

এস, বাপ যাহুঁমনি, জুড়াই প্রাণী হৃদয়ে রাখি,

তোর, মুখপানে বিভোর প্রাণে রাতি দিন চাহিয়া থাকি,

দেখ, মনে রেখ, চেয়ে থেকো, কাল নিদ্রায় আঁখি ভেরে এলে ।

দ্বিতীয় দল—

[১৪]

অহহ ! একি ধ্বনি শুনি কানে !

ভেসে আসে প্রাণের কথা, প্রাণের ব্যথা জানেনা তো আস্মা

কেন সব ভুলে কি এক ভাবে বিভোর বিহ্বল মন !

তনু শীহরে, থরথরে, উথলে নয়ন !

উথলি প্রাণের হাসি, প্রাণে ভাসি, প্রাণের বাঁশী বাজে প্রাণে !

একি আলোয় আলো ! কোথায় গেল জটিল কুটিল আঁধার ।

আহা আলোর মাঝে কি বিরাজে রসময়ী মাধুরী আমার !

হ'য়েছে প্রাণের প্রাণ আপ্নি পাগল আপনারি বাঁশীর গানে ।

প্রথম দল—

[১৫]

আর বাঁচিনে !

সে বিনে আর বাঁচিনে !

আমি যে কুলবালা, একি জ্বালা, জ্বলতে হ'ল রাত্রি দিনে

আমার দিবা নিশি প্রাণ উদাসী, কাঁদিয়ে আকুল,

সে জন ডুমুরের ফুল ;

দেখি, তার রূপরাশি, মধুর হাসি,

জানিনে কোথায় থেকে বাজায় বীণে ।

কি যে করে প্রাণে, বাঁশীর গানে,

চারিদিকে চাই ;

দেখি দেখি, দেখিতে না পাই !

সে যে ধরা দিলেও যায় না ধরা, কি করি গো—

আমি যে কি করিব জানিনে !

দ্বিতীয় দল—

[১৬]

কে তুমি নবীন নারী ?

কেন গো এখনো তোর ঘুমের ঘোরে বাঁকা নয়ন ছুটি ভারি ভারি !

আহা কার তরে এমন দশা, চেনা নাহি যায়,

কেন দিবে নিশি হা হতাশী পাগলিনী প্রায় !

সে তোমায় ভালবাসে মেয়ের মতন, মায়ের মতন, প্রাণের মতন,

তুমি তার কতই সাধের সুখের সারী !

বেড়ায় পাশে পাশে কি উল্লাসে দেখেও দেখ না,

অয়ি মানময়ী ! অভিমানে মনের ব্যথা মনে রেখ না !

ডাক প্রাণ ভোরে পাবে তারে, দেবে দেখা, আপনি পড়বে ধরা

তোমার সেই রসের সাগর ত্রিতাপ-হারী ।

প্রথম দল—

[রাগিণী বেহাগ,—তাল একতাল।]

[১৭]

কোথায় !

দাও দরশন !

কাতর হয়েছে প্রাণ, রয়ে না জীবন ।

চির সাধনের ধন !

ধ্যানে কেন অদর্শন !

চেতন চেতনাহীন, মনে নাহি মন ।

নয়ন মুদিয়া থাকি

কে যেন মুছায় আঁখি,

চমকি চাহিয়া দেখি বহে সমীরণ—

সুধু বহে সমীরণ !

থাকি বিশ্ব চরাচরে

ডাকি মহা মহেশ্বরে,

কেহ কি আমার ধ্বনি করে না শ্রবণ,—

কাতর-হৃদয়-ধ্বনি করে না শ্রবণ ?

দ্বিতীয় দল—

["স্বর—ষে যাতনা যতনে, মনে মনে মন জানে ।
পাছে লোকে হাসে শুনে, লাজে প্রকাশ করিনে ।"]

[১৮]

কে, কে জানে, আমারে ভালবাসে মনে মনে !
যখন যেখানে আছি, চেষ্টে আছে মুখ পানে !

কে আমার কাছে কাছে

সদাই আগুনে আছে !

দেখিবারে ডাকি প্রাণ ভোরে,—

তারে দেখিবারে ডাকি প্রাণ ভোরে ;

আকাশে প্রকাশে আসি হাসি হাসি চক্কাননে ।



প্রথম দল—

[১৯]

বস নাথ হৃদাসনে,

তোমার তরে নানা ফুলে কত সাধে সাজায়েছি সুষতনে ।

আজি কিরে এল আমার সেই শুভক্ষণ

কার্ এ সম্মুখে বিভাসিত প্রভাময় প্রফুল্ল আনন

আমার প্রাণের মতন, ধ্যানের মতন, মনের সাধের মতন

কারে দেখি যেন সুস্থপনে !

দেহ-কারাগারে অন্ধকারে ঘোর অত্যাচার,

আহা, কেমন কোরে সহ করে এ জাগ্রত মূর্তি তোমার !

যে যখন ডাকে তোমায়, দেখা তারে দাও, তার মনের মতন

না জানি কতই দয়া তোমার মনে !

কেন রোমাঞ্চিত কলেবর, নয়ন বিহ্বল,

কপোলে গড়াইয়া দর দর বহ অশ্রুজল ।

আজ আমার শুভদিন, শুভক্ষণ, লুটাইব—

মনের সাধে গড়াইব শ্রীচরণে ।

দ্বিতীয় দল—

[২০]

এ কেমন ভালবাসা !

বল কোন্ ভাবেতে, মন ভুলাতে, দেখা দিয়ে ছলতে আসা !

অধরে উদার হাসি সুধারানি হরে অভিমান,

নয়নে বাজে বীণা মধুর তানে আলসে অবশ করে প্রাণ ;

জগতে রূপ ধরে না, চোক্ ফেরে না, মেটে না প্রাণের পিয়াসা ।

এস হে নয়ন জলে চরণ ধুয়াই হৃদয়ে দাঁড়াও,

তুমি তো আমারে বেশ বুঝতে পার, আপনারে বুঝিতে না দাও

আহা কেন বুঝিতে না দাও !

এ কেমন ঢাকাঢাকি লুকোচুরি, প্রাণের পিরীতি তো নয় তামাসা

ভূত ভেবে ভেবে অবোধ শিশু অভিভূত হয়,

তার মনের রকম মূর্তি ধোরে সমুখে ভূত দাঁড়াইয়া রয় ;

দেখে মনের ছবি আকাশ পটে আঁতকে ওঠে—

ভয়েতে আঁতকে ওঠে কি দুর্দশা !

মনের ছবি ছাড়া যদি তুমি স্বয়ং কিছু হও,

আমারে কৃপা ক'রে, আপনারে স্পষ্ট কোরে বুঝাইয়া দাও ;

খোলা ভালবাসা ভালবাসি, ধাঁধার পিরীতি —

সখা হে ধাঁধার পিরীতি সর্বনাশা !

যদি তুমি আমি এক-আত্মা আর কিছুই নাই,
কেনা চরাচরে আপনারে আদরে ভালবাসে ভাই !
কেন অন্য জনে প্রাণ না দিলে পূর্ণ হয় না প্রেমের আশা ?

দ্বন্দে কি পরমানন্দ, কি মহান উদার উল্লাস !
জগতে নরনারী অবতরি আহা কি প্রেম করেছে প্রকাশ !
তাদের নয়নে অমৃতলীলা, মুখের প্রভা চন্দ্রহাসা—
প্রেমিকের নয়নে অমৃতলীলা মুখের প্রভা চন্দ্রহাসা ।

সাধের আসন

সাধের আসন ।

[কোন সম্ভ্রান্ত সীমন্তিনী আমার 'সারদামঙ্গল' পাঠে সন্তুষ্ট হইয়া চারি মাস যাবৎ স্বহস্তে বুনিয়া একখানি উৎকৃষ্ট আসন আমাকে উপহার দেন । এই আসনের নাম—'সাধের আসন' । সাধের আসনে অতি সুন্দর সুন্দর অক্ষর বুনিয়া 'সারদামঙ্গল' হইতে এই শ্লোকार्ক উদ্ধৃত করা হইয়াছে ;—

“ হে যোগেন্দ্র ! যোগাসনে

চুলু চুলু ছনয়নে

বিভোর বিহ্বল মনে কাঁহারে ধেরাও ? ”

প্রদানকালে আসনদাত্রী উদ্ধৃত শ্লোকार्কের উত্তর চাহেন । আমিও উত্তর লিখিব বলিয়া প্রতিশ্রুত হইয়া আসি, এবং বাটীতে আসিয়া তিনটা শ্লোক লিখি । কিছু দিন গত হইলে উত্তর লিখিবার কথা এক প্রকার ভুলিয়া গিয়াছিলাম । সেই আসনদাত্রী দেবী এখন জীবিত নাই ! তাঁহার মৃত্যুর পরে উত্তর সাদ্র হইয়াছে !! এই ক্ষুদ্র খণ্ড-কাব্যের উপস্থিত আসনের নামে নাম রহিল—
'সাধের আসন' ।]

সাধের আসন ।

প্রথম সর্গ ।

—*—

মাধুরী ।

১

ধেয়াই কাঁহারে, দেবি ! নিজে আমি জানিনে ।

কবি-গুরু বান্দীকির ধ্যান-ধনে চিনিনে ।

মধুর মাধুরী-বালা,

কি উদার করে খেলা !—

অতি অপরূপ রূপ !—

কেবল হৃদয়ে দেখি, দেখাইতে পারিনে ।

২

কহে সে রূপের কথা

বসন্তের তরু লতা ;

সমীরণে ডেকে বলে নির্জনে কানন-ফুল ;

শ্রুনে, সুখে হরিণীর আঁখি করে চুল্‌চুল্ ।

৩

হাসি' হাসি' ইন্দ্রধনু নীল গগনে ভায়,
 শারদ নীরদগণে কি কথা বলিতে চায় !
 স্বপনে কি দ্যাখে শিশু নিম্নীলিত নয়নে,
 ঘুমায়ে ঘুমায়ে হাসে জানি না কি কারণে ।

ভোরে শুকতারা রাণী
 কি যেন দেখায় আনি,
 বুকিতে পারি না, শুধু আঁখি ভরি' দেখি তা'য় ।

৪

চলেছে যুবতী সতী
 আলো কোরে বসুমতী,
 স্নানান্তে প্রসন্ন-মুখী, বিগলিত কেশপাশ ;
 প্রাণপতি দরশনে
 আনন্দ ধরে না মনে,
 বিকচ আননে কিবে মৃদুল মধুর হাস !

৫

উদার অনন্ত নীল হে ধাবন্ত অমুরাশি !
 আনন্দে উন্নত হ'রে কোথায় ধেয়েছ ভাই !
 মহান্ তরঙ্গ রঙ্গে কি মহান্ সঙ্গ হাসি !
 বল, কা'রে দেখিয়াছ ? কোথা গেলে দেখা পাই !

৬

অহো ! বিশ্ব-পরকাশী
উদার সৌন্দর্যরাশি
জলে স্থলে আকাশে সদাই বিরাজিত ;
যে দিকে ফিরিয়া চাই
সৌন্দর্যে ডুবিয়া যাই ;
অত্যাশাসকরী, অগ্নি
পরম আনন্দময়ী !—
কে তুমি, মা ! কান্তিরূপে সর্বভূতে বিভাষিত ?

৭

কে তুমি, ভকত জন
জুড়াইতে প্রাণ মন
মনের মতন তা'র মূর্তি-ধারিণী ?
সৌন্দর্য্য-সাগর মাজে
কে গো এ সুন্দরী রাজে,
আকাশের নীল জলে প্রফুল্ল নলিনী !

৮

কে তুমি, প্রাণেতে পশি',
ত্রিদিবের পূর্ণশশী,
কান্তি-সঙ্কলিত-কায়্য অপরূপা ললনা ?
করি' অপরূপ আলো
কি বিচিত্র খেলা খেলো !

না জানি, কি মোহ-মস্ত্রে
এ অসাড় দেহ-যন্ত্রে
আপনি বিছাৎবেগে বেজে ওঠে বাজনা !
তুমি কি প্রাণের প্রাণ ? তুমিই কি চেতনা ?

৯

কে তুমি, প্রাণীর বেশে
খেলা কর দেশে দেশে
যুগলে যুগলে সুখসন্তোগে বিহ্বল ?
কে তুমি মানব-বন্দ,
মূর্ত্তিমান্ প্রেমানন্দ,
নয়নে নয়ন রাখা,
আননে সুধাংশু মাথা ;
চল চল করে কোলে শিশু শতদল ?

১০

কে তুমি জননী, পিতা,
নন্দিনী, রমণী, মিতা,
প্রেম-ভক্তি-স্নেহ-রস-উদার-উচ্ছ্বাস ?
কে তুমি মা জল-স্থল,
মহান্ অনিলানল,
নক্ষত্র-খচিত নীল অনন্ত আকাশ ?
কে তুমি ? কে তুমি এই বিরাট বিকাশ ?

১১

কোটি কোটি সূর্য্য তারা
জ্বলন্ত অনল-পারা,
পূর্ণ-তৃণ-তরু-প্রাণী
মনোহরা ধরাখানি,
ক্ষুদ্রাদপি ক্ষুদ্রতরে
কি মিলন পরস্পরে !

কি যেন মহান্ গীতি বাজিতেছে সমস্বরে !

চাহি' এ সৌন্দর্য্য পানে,

কি যেন উদয় প্রাণে !

কে যেন কতই রূপে একা লীলাখেলা করে !

১২

কেন, এর অন্যদিকে
যেন কিছু নাই ঠিকে,

পাপতাপ, হাহাকার, ঘোর ধুক্কার ?

কত গ্রহ উপগ্রহ

সূর্য্যে পড়ে অহরহ ;

কতই বিষম কাণ্ড ঘটে অনিবার ?

১৩

হয় তো এদিক হ'বে প্রলয়-প্রবণ ;

এদিকে যাইছে যাত্রী হইতে নিধন ।

উদয়ের সঙ্গে সঙ্গে

প্রলয় ধেয়েছে রঙ্গে,

জীবনের সঙ্গে সঙ্গে চলেছে মরণ ।

আপনি সময় হ'লে
 সূর্য্য চলে অস্তাচলে,
 আবার সময়ে হয় উদয় কেমন !

১৪

নিতি নিতি তরু লতা
 নধর নূতন পাতা,
 কেমন প্রফুল্ল আঁহা কুসুম সুন্দর !
 ঝ'রে যায় পরক্ষণ
 ব্যথিয়া নয়ন মন,
 আবার তেমনি ফুল ফোটে থরে থর !

১৫

বিশ্বের প্রকৃতি এই,
 একেবারে লয় নেই ;
 এক যায়, আর আসে
 তরুণ সৌন্দর্য্যে ভাসে ।
 মহাপ্রলয়ের কথা,
 কি বিষম বিষন্নতা !
 বিনয় গেছে, কান্তি আছে,—অসুভবে আসে না ;
 দেহখানি ধ্বংস হ'লে কান্তিতুকু থাকে না ।

১৬

তেমনি, এ বিশ্ব থেকে
কাস্তি খানি দূরে রেখে,
চাও, বিশ্ব পানে চাও—
কিছু কি দেখিতে পাও ?—
কোথা তুমি, কোথা আমি,
কে তোৰ জগৎ-স্বামী ?
সূর্য্য চন্দ্র দিন রাত,
কিছু নহে প্রতিভাত ।

কোথা ? কোথা ? কোথা তুমি বিশ্ব-বিকাশিনী !
এস মা ! ঘোরাক্রকারে তিষ্ঠিতে পারিনি ।
তুমিই বিশ্বের আলো, তুমি বিশ্ব-রূপিনী ।

১৭

এ বিশ্ব মন্দিরে তব
কিবে নিত্য নবোৎসব !
আনন্দে অবোধ ছেলে
বেড়াই হৃদয় ঢেলে ।
কে তুমি মা বিশ্বেশ্বরী !
দাঁড়ায়েছ আলো করি ?
সদাই সম্মুখে দেখি, তবু তোরে চিনি না ।
যখন যা আসে মনে
ডাকি সেই সম্বোধনে ।
মা ছাড়া মায়ের কোন নাম আমি জানি না ।

১৮

হ্যাঁ মা, এ কেমন ধারা,
 ছেলে মেয়ে ভেবে সারা ;
 যেন তারা মাতৃ-হীন,
 খেদ করে রাত্রি দিন ।

তুমিও তাদের দেখি, কোলে কোরে তুলে নাও ।
 স্নেহেতে স্তনের দুধ ক্ষুধা পেলে খেতে দাও ।
 আপন স্বরূপ নাম
 বলিতে কেন গো বাম !
 অরোধ শিশুর ধোঁকা নিজে কেন না ঘুচাও !

১৯

মা'র কোলে ব'সে কাঁদে,
 কে মায়া, সে বাঁধে ধাঁদে ?
 এটা যদি কস্মফল,
 তুমি কেন আছ, বল ?
 বাছারা কাতর প্রাণে
 চায় মা'র মুখপানে ;
 যথার্থ ই সত্য যাহা
 রহস্য রেখনা তাহা ।
 থেক না পরের মা
 দেখ মা, সংসারে কত

চারি দিকে কি যন্ত্রণা !

করে বল কে সাধনা !

সকল বিষয়ে যদি সদা তুমি উদাসীন,
বুঝিলাম আমরা মা যথার্থই মাতৃ-হীন ।

২০

এত বড় কাণ্ডখানা,

বুদ্ধিতে না যায় জানা ।

বাইবেল, কোরাণ, বেদ

মেটেনা মনের খেদ ।

দর্শন শাস্ত্রের গাদা

কেবল বাড়ায় ধাঁদা ।

যদি স্নেহ থাকে বক্ষে,

চাও সন্তানের রক্ষে,

অকৃতি অধমগণে করুণ নয়নে চাও ।

আপন রহস্য মাত ! আপনি খুলিয়া দাও ।

২১

একি একি কেন কেন,

রসাতলে যাই যেন !

চমকি সকল তারা

যেন অনলের ধারা,

চাহিয়া মুখের পরে

কি বিকট ব্যঙ্গ করে !

সাধের আসন ।

কি ঘোর তিমির রাশি,
 ফেলিল ফেলিল গ্রাসি !
 চমকি বিছাৎ ধায়,
 গর্জিয়া ধমকি যায় ।
 কি পাপ করেছি আমি,
 কেন হেন অধোগামী !
 হও অবোধের প্রতি
 প্রসন্ন প্রকৃতি সতী !

রহস্য ভেদিতে তব আর আমি চাব না ।
 না বুঝিয়া থাকা ভাল,
 বুঝিলেই নেবে আলো ।
 সে মহাপ্রলয় পথে ভুলে কভু ধাব না ।

২২

রহস্য বিশ্বের প্রাণ,
 রহস্যই স্ফূর্তিমান,
 রহস্যে বিরাজমান্ ভব ।
 ভাই বন্ধু কেবা কার,
 রহস্যেই আপনার ।
 প্রেম, স্নেহ, স্মৃতি, দারা,
 বায়ু, বহি, সূর্য্য, জ্বালা,
 সকলি রহস্যময় ।

এ ব্রহ্মাণ্ডে রহস্যই সব ।

২৩

রহস্যই মনোলোভা
বিশ্বের সৌন্দর্য্য শোভা ।
স্বথের পূর্ণিমা রাতি,
চাঁদের মধুর ভাতি,
ফুলের প্রফুল্ল হাসি, উষার কিরণ,
সকলি কি যেন এক সাধের স্বপন !

২৪

রহস্য, মাধুরী মালা—
রহস্য, রূপের ডালা—
রহস্য, স্বপন বালা
খেলা করে মাথার ভিতরে ;
চন্দ্রবিন্দু স্বচ্ছ সরোবরে ।
কবিরূপা দেখেছে তাঁরে নেশার নয়নে ।
যোগীরা দেখেছে তাঁরে যোগের সাধনে ।

•
২৫

রহস্য, রহস্যময় ;
রহস্যে মগন রয় ।
খুঁজিয়া না পেয়ে তাকে
সবে 'মায়া' বোলে ডাকে ।
আদরের নাম তাঁর বিশ্ববিমোহিনী !

মানবের কাণ্ড আছে
 সদা মে নোহিনী আছে ।
 যে যেমন, তার ঘরে
 তেমনি মূর্তি ধরে ।
 শূন্যাছি নিন্দা চের,
 কিন্তু মায়া মানবের
 সকলেরি আন্তরিক অতি আদরিণী ।

২৬

ওত প্রোত সমবেত
 কাহার ঐশ্বর্য এত ।
 কে তুমি মা মহামায়া,
 বিরাট বিক্রম কায়া !
 দেখিতে বিহ্বল মন—
 ভাবিতে বিহ্বল মন, কি হুসাময়ী গো !
 লভিতে তোমারে দেবী,
 ও পরম পদ সেবি
 ব্রহ্মা বিষ্ণু মহেশ্বর চির-পরাজয়ী গো !

২৭

নিশাস্তের লাল লাল
 তরুণ কিরণ জ্বল
 ফুটাও তিমির নাশি সে নীল গগনে ।

সাধের আসন ।

১৮৩

আহা সেই রক্ত রবি,
তোমারি পদাঙ্ক-চবি !
জগতে কিরণ দেয় তোমারি কিরণে ।

২৮

উদার—উদার দৃশ্য
এই যে বিচিত্র বিশ্ব,
পরিপূর্ণ-প্রেম-স্নেহ
কাহার বিনোদ গেহ !
কাহার করুণা রসে আর্দ্র দিন ষামিনী !
কিনি এর অধিষ্ঠাত্রী অপরূপ রূপিনী !

২৯

আকাশ পাতাল ভূমি
সকলি, কেবল—ভূমি ।
এক করে বরাভয়,—
বিশ্বের নিয়তোদয় ;
নিয়ত প্রলয় হয় অগ্ন্য করতলে ।
দশ দিকে পায় স্ফূর্তি,
তোমার মহান্ মূর্তি,
অনাদি অনন্ত কাল লোটে পদতলে !

৩০

প্রত্যক্ষে বিরাজমান,
 সর্বভূতে অধিষ্ঠান,
 তুমি বিশ্বময়ী কান্তি, দীপ্তি অনূপমা ;
 কবির যোগীর ধ্যান,
 ভোলা প্রেমিকের প্রাণ,
 মানব মনের তুমি উদার সুষমা ।

“যা দেবী সর্বভূতেষু কান্তিক্রাপণ সংস্থিতা
 নমস্তস্মৈ নমস্তস্মৈ নমস্তস্মৈ নমোনমঃ ॥”

দ্বিতীয় সর্গ ।

গোধূলি ও নিশীথে ।

—*—

গোধূলি ।

১

স্বশাস্ত গোধূলি বেলা !

নদীর পুতুলগুলি ভুলিয়াছে খেলাদেলা ।

চেয়ে দেখে কুতূহলে

সূর্য্য যায় অস্তাচলে,—

কেমন প্রশান্ত মূর্ত্তি, কোথায় চলিয়া গেল !

লাল নীল মেঘে মাথা,

কিরণের শেষ রেখা

আর নাহি যায় দেখা, আঁধার হইয়া এল ।

২

বসিয়ে মায়ের কোলে

আদর করিয়া দোলে,

আকাশের পানে চায় তারা ফোটা দেখিতে,

হয়েছে নূতন আলো চাঁদমুখের হাসিতে !

৩

চিবুক ধরিয়ে মা'র

সুধাইছে বারেবার

কত কথা শতবার, ফুরাইতে পারে না !

দিগন্তের কালো গায়
মেঘ চলে পায় পায়,
চাতক বেড়ায় উড়ে, কোথা যায় জানে না ।

৪

সুশীতল সমীরণ,
কোথা ছিলে এতক্ষণ ?
জুড়াল শরীর মন, জুড়াইল ধরণী,
ফুটিল গোলাপ ফুল, ঘুমাইল নলিনী ।

৫

গঙ্গা বহে কুলু কুলু,
যেন ঘুমে ঢুলু ঢুলু ;
ধীরে ধীরে দোলে তরী, ধীরে ধীরে বেয়ে যায়,
মাঝিরা নিমগ্নমনে কুমুর পুরবী গায় ।

৬

তিমিরে করিয়া স্নান
নিমগ্ন দিনমান ।
সীমন্তে সাঁজের তারা, মন্থপ্রগামিনী
বিরাম আরামময়ী আসিছেন বামিনী ।

নিশীথে ।

১

রাতি করে সাঁই সাঁই,
জনঃপ্রাণী জেগে সাঁই,
বিচিত্র ফুটিয়া আছে তারকার কুলবন !

বসেনি চাঁদের মেলা ;
মেঘেরা করে না খেলা ;
উদাস, আপন মনে চলিয়াছে সমীরণ !

২

প্রাণের ভিতর থেকে কে যেন আমারে ডাকে ;
ভুলিবার নয়, তবু ভুলে যেন গেছি কা'কে ।
মনে পড়ে—ছেলে-বেলা,
মা'র কাছে করি খেলা ;
মা আমার মুখপানে কতই স্নেহেতে চায় ;—
শিয়রে করুণাময়ী কা'র এ মূর্তি ভায় ?

৩

নীরব নিশীথ রাত্রি,
নিদ্রা-মগ্ন ভূতধাত্রী,
নক্ষত্রের ক্ষীণালোকে ছাদে প'ড়ে আছি একা ;—
সহসা শিয়রে আসি কে তুমি মা ! দিলে দেখা ?

৪

অপূর্ব হয়েছে আলো,
অতি স্নিগ্ধ প্রভাজাল,
ভোরের তারার মত সুধা-ধারা মাথা গায় ;
এমন পবিত্র কান্তি,
এমন উদার শান্তি,
দেখিনি কখন আমি কোন দেবপ্রতিমায় !

৫

বিশদ বসন পরা,
 সীমন্তে সিন্দূর জলে,
 অমায়িক মুখখানি, চক্ষুভরা স্নেহজল,
 অলঙ্কে লোহিত পদ,
 বিকসিত কোকনদ ;
 ধীর সমীরে যেন অতি ধীর চল চল ;
 পরশে পবিত্র ধরা,
 কে তুমি মা, ধরাতলে ?

৬

হৃদয়, আজি রে কেন
 আকুল হইলে হেন ।
 কতকাল দেখি নাই মায়ের স্নেহের মুখ,
 অতি কষ্টে আধ-আধ,
 তাও যেন বাধ-বাধ,
 প'ড়েও পড়ে না মনে ;—জীবনের কি অসুখ !
 সে কাল-কালিমা টুটে
 আহা কি উঠিছে ফুটে !
 ফিরিয়া আসিছে যেন হারাণো পুরাণ সুখ ।

৭

চিনেছি না আর কার !
 বিকাইব রাঙা গায় ;
 তুমিই দেবতা মম জাতিত রয়েছ প্রাণে,

বিপদে সম্পদে রাখ,
অলক্ষ্যে আগুলে থাক ;—
যখন যেখানে আছি, চেয়ে আছ মুখপানে ।

৮

নিদ্রায় আকুল হোলে
ঘুমাই তোমারি কোলে,
ক্ষুধায় তৃষ্ণায় করি তোমারই স্তনপান ;
তুমি আছ কাছে কাছে,
তাই প্রাণ বেঁচে আছে ;
সর্বদা সঙ্কট আছে,—সদা কর পরিত্রাণ ।

৯

তুমিই প্রাণেতে পশি'
জাগায়েছ পূর্ণশশী,
কি যেন মধুর বাণী সদাই শুনিতো পাই ।
এত যে কঠিন ধরা,
বজ্জাতি বিষের ভরা ;
মনের আনন্দে আছি, অন্তরে যন্ত্রণা নাই ।

১০

তোমারি কুপায়, মাগো, তোমারি কুপায়
ভরসে জীবন-তরী সূখে চলে যায় ;
শুধু তোমারি কুপায় ।

তব স্নেহ মূল্যধার,
 এ দেহ বিকাশ তার ;
 নিৰ্মল মনের জল তব মহিমায়,
 মাত ! তব মহিমায় ।

১১

বিপদ-সঙ্কুল মর্ত্যে
 মা'র বাছা রায়ে বর্তে,
 চারি বছরের ছেলে
 কেন ফেলে স্বর্গে গেলে ?
 আমি অতি শিশুমতি চিনিতে পারিনি গো !
 প্রত্যক্ষ দেবতা তুমি, তোমারে পূজিনি গো

১২

হা ধিক্ ! এ ছুনিয়ায়
 প্রেতে শুধু পূজা পায়,
 জীবিত থাকিতে প্রায় নাহি ভাঙে ঘুম !
 কি জানি কিসের তরে
 অস্ত্রে পূজে আড়ম্বরে !
 মনঃকণ্ঠে মৃত মা'র শ্রাদ্ধে বাড়ে ধুম্ !

১৩

দাঁড়াও চরণে ধরি,
 প্রাণ ভোরে পূজা করি,
 স্নানীতল অশ্রুজলে ধুয়াইব শ্রীচরণ,

আজ আমার শুভদিন,
ঘটিয়াছে ভাগ্যাধীন,
পুরাব প্রাণের সাধ, জুড়াব তাপিত মন ।

১৪

পুনঃ পুনঃ চঞ্চল ;—

● কোথায় যাইবে বল ?
হিমেল বাতাস কি গো ভাল লাগিছে না গায় ?
ঘরে কি মা যাইবে না,
ছেলে মেয়ে দেখিবে না ?
পাবে না কি বধু তব প্রণাম করিতে পায় ?

১৫

ফেল'না চক্ষের জল,

কোথায় যাইছ, বল ?

এত দিনে দেখা দিলে কেন, মা জননী !
বলিবে কি কোন কথা আগে যা বলনি ?
মানব মনের কাছে
কত কি ঘুমা'য়ে আছে ;—
হায় ! ওই পূর্বদিক হইতেছে অরুণা !
বল গো মা বল বল, কা'র তুমি করুণা ?

তৃতীয় সর্গ ।

প্রভাত ও যোগেন্দ্রবাবা ।

—*—

প্রভাত ।

১

মধুর, মধুর, আহা, কে ললিত গায় রে !
প্রভাত প্রতিমাখানি প্রাণেতে জাগায় রে !

চারি দিকে গায় পাখী,

সে গান ছাইয়া রাগি

স্বরের লহরী কা'র আকাশে বেড়ায় !

উদয় অচলে আসি

শোনে উষা হাসি হাসি,

ঘুম ভেঙে ফুলরাণী চারিদিক পানে চায় ।

২

মধুর মদির স্বর

উঠিতেছে তরতর,

অমিয়া-নিঝর যেন উথলি উথলি ধায় ;

চারিদিকে সংগীতের কি এক মুরতি ভায় !

৩

স্বর-সংকলিত কায়া.

সঙ্গিনী রাগিনী জ'বা,

পুণ্যায়া পুরুষ যেন সশরীরে স্বর্গে যান ;

আকাশ বাতাস ভোরে উদার উঠিছে গান ।

৪

সহর্ষ কেতকী-কুঞ্জ,
প্রফুল্ল চম্পকপূজ,
সোণার কদম্ব সব রসে রোমাঞ্চিত-কায় ;
উল্লাসে মাঠের কোলে
তৃণের তরঙ্গ দোলে,
কাশের চামরগুলি সোহাগে গড়িয়ে যায় ।

৫

গন্ধবায়ু বুরুবুরু,
কাঁপে তরুরেখা ভুরু
আরামে পৃথিবীদেবী এখনো ঘুমায় রে !
চলে মেঘ সারি সারি,
গুঁড়ি গুঁড়ি পড়ে বারি,
কণক-বরণী উষা লুকাল কোথায় রে !

৬

আবরি অরুণ-কায়
দিকে দিকে মেঘমায়া,
বিচিত্র মেঘ-মন্দিরে কার এই রূপরাশি
অনন্ত কুসুম যেন ফুটিছে প্রাণেতে আসি !

৭

বেণু-বীণা-বাদ্যময়

সুখ সমীরণ বয়,

হৃদয় স্বপনময়, নেত্রে কেন ঘুমঘোর,

সে শুভ রজনী বুঝি হয়নি এখনো ভোর !

—
যোগেন্দ্রবাবা ।

—*—

১

অধরে ধরেনা হাস,

আধার কেশের রাশ,

করুণ কিরণে আর্দ্র বিকসিত বিলোচন ;

প্রফুল্ল কপোলে আসি

উথলে আনন্দ-রাশি,

যোগানন্দনয়ী হইল, যোগীন্দ্রের ধ্যানধন ।

২

পীনোরত পয়োধরে

কোটা চন্দ্র শোভা করে,

বিন্দু বিন্দু ক্ষীর ক্ষরে, মেহে স্নিগ্ধ চরাচর,

আর্দ্রিয়া ত্রিমাঙ্গলমালা

স্বরধুনী করে খেলা,

সুধাকরে

সুধা ক্ষরে,

পিয়া প্রাণে বাঁচে প্রাণী, অমর, দানব, নর ।

৩

তরল-দর্পণ-ভাস,
দশ দিক স্নুপ্রকাশ ;
দশ দিকে কার সব হাসিমাখা প্রতিমা
রাজে যেন ইন্দ্রধনু !
তোমার মতন তনু,
তোমার মতন কেশ,
তোমার মতন বেশ,
তোমারি মতন দেবী ! আনন-মধুরিমা ।
তোমারি এ রূপরাশি
আকাশে বেড়ায় ভাসি ;
তোমার কিরণ জাল
ভুবন করেছে আলো,
গ্রহ তারা শশী রবি,
তোমারি বিস্থিত ছবি ;
আপন লাবণ্যে তুমি বিভাসিত আপনি ।
মোহিত হইয়া দ্যাখে ভক্তিভাবে ধরনী ।

৪

অধরে ধরেনা হাস,
মনে ওঠে কি উল্লাস ?
অখিল ব্রহ্মাণ্ড বুঝি উদয় হয়েছে প্রাণে ?

ক্ষণে ক্ষণে অভিনব

মহান্ মাধুর্য্য তব !

কি যেন মহান্ গীতি বাজিয়াছে ঐক্যতানে ।

৫

অমৃত সাগরে হাসে ঘুমন্ত জ্যোছনা জল,

আহা কি হৃদয়হারী বায়ু বহে অবিরল !

ফুলের বেলার কোলে

সুধীর লহরী দোলে,

অতি দূর দৃষ্টিপথে অতি ধীর চল চল ;

ঈষৎ দোহুল্যমান্ প্রকুল্ল কমল বনে

কে তুমি ত্রিদিবরাণী বিহর আপন মনে ?

৬

কে এঁরা সঙ্গিনী সব ?

লোচনের নবোৎসব,

উদার অমৃত জ্যোতি, সুধাংশু-কলিত কায়া,

বেড়িয়ে বেড়ায় যেন তোমারি প্রাণের ছায়া ।

৭

আকুল কুন্তলজাল,

আননে অপূর্ব আলো,

নয়ন করুণাসিন্ধু, মূর্ত্তিমতী আমায়া ;

বেড়িয়ে বেড়ায় যেন তোমারি প্রাণের ছায়া ।

৮

অমৃত সাগরে ভাসি,
মৃহমন্দ হাসি হাসি
আদরে আদরে তুলি' নীল নলিনী আনি,
মিটায়ৈ মনের সাধ সাজাইছে পা ছুখানি ।

৯

আমিও এনেছি বালা ! .
প্রেমের প্রফুল্ল মালা,
সৌরভে আকুল হ'য়ে পারিনি পরাতে গায় ;
সজল নয়নে শুধু চেয়ে আছি রাঙা পায় ।

চতুর্থ সর্গ ।

নন্দন কানন ।



১

দিগন্ত-সলাট-পটে সাধের নন্দন বন,
আধ আধ ঘুমঘোরে যেন কি দেখি স্বপন ।
ফুটিয়াছে পারিজাত, যেন কত শুকতারা
উঠিয়াছে নীলাকাশে মাখিয়া সুধার ধারা ।

২

অপূর্ব সৌরভ ময়
কি সুখ সমীর বয় !
পুলকিত মনঃপ্রাণ, সাধ যায় দেখিতে,
কতই ফুলের গাছে
কত ফুল ফুটে আছে,
কতই হয়েছে শোভা সে ফুল-মাধুরীতে !

৩

• না জানি কেমন তর
ফুলশয্যা মনোহর,
চিরফুল কন্দলে
চাঁদের হাসির তরঙ্গ
কেমন ঘুমায় স্তম্বে অমর অমরীগণ !

সমীরণ বুর বুর
শ্বেদলব করে দূর,
কেমন সুরভি খাস, হাসি মাথা চন্দ্রানন !

• ৪

কিবে মন-মুগ্ধ-কারী,
কল্পতরু সারি সারি,
দাঁড়েয়েছে অতিথির পূরহিতে কামনা !
মধুর অমৃত ফল,
জ্যো'স্মায় স্নিগ্ধ জল,
যা চাহিবে, অজচ্ছল, নাই কোন ভাবনা ।

৫

কিছুই কামনা নাই,
মনে মনে ভাবি তাই,
কেন বা পশিতে চাই
দেবতার ঘুমাবার আরামের সরমে ?
নির্জনে দাঁড়ারে একা
ঘুমন্তের রূপ দেখা
দেখে, দিগঙ্গনাগণ শিহরিবে সরমে ।

৬

ঘুমন্ত রূপের রাশি
নিজ তল্ল ভালবাসি ।

সাধের আসন ।

দেখি ঘুম ভেঙে উঠে,
কি ফুল রয়েছে ফুটে !

কি এক আলোয় গৃহ আলো হয়েছে কেমন !

আলুথালু হয়ে প্রিয়া
আছে স্মৃতি ঘুমাইয়া ;

মুক্তদ্বার বাতায়ন,

ঝুরুঝুরু সমোরণ ;

চাঁদের মধুর হাসি

আননে পড়েছে আসি,

বিগলিত কুন্তল

কি মধুর চঞ্চল !

মধুর মূর্তি দেবী কি মধুর অচেতন !

নিমীলিত নেত্র দুটী যেন ধ্যানে নিমগন ।

৭

কপোলে কমল শোভা,

কমলার মনোলোভা ;

ভালে নিষ্ক জ্যোতিষ্মতী ;

বিরাজেন্ সরস্বতী ;

নিশ্বাসে ফুলের বাস :

অধরে জড়িত হাস

দেখি—দেখি—যত দেখি দেখিবার বাড়ে সাধ ;

সাধের আসন ।

২০১

মনঃপ্রাণ মেহে ভোর ;
নয়নে প্রেমের লোর ;
ঘুমন্ত নীরব রূপে না জানি কি আছে স্বাদ !

৮

আহা, এই মুখখানি,—
স্নেহমাখা মুখখানি,—
প্রেমভরা মুখখানি
ত্রিলোক-সৌন্দর্য আনি, কে দিল আমার !
কোথায় রাখিব বল—
রাখিবার নাই স্থল,
নয়ন মুদিত নাহি চায় ;
হৃদয়ে ধরিতে না কুলায় !
প্রিয়ে, প্রাণ ভোরে দেখিরে তোমায় !

৯

উঠ, প্রেয়সী আমার—
উঠ, প্রেয়সী আমার !
জীবন-জুড়ান ধন, হৃদি ফুলহার !
উঠ, প্রেয়সী আমার ।

১০

কি জানি কি ঘুমঘোরে,
কি চোকে দেখেছি তোরে,
এ জনমে ভুলিতে রে পারিব না আর !
প্রেয়সী আমার !
নয়ন-অমৃতরাশি প্রেয়সী আমার !

১১

তোমার পবিত্র কায়া,
 প্রাণেতে পড়েছে ছায়া,
 মনেতে জন্মেছে মায়া ; ভালবেসে সুখী হই ;
 ভালবাসি নারী নরে,
 ভালবাসি চরাচরে,
 ভালবাসি আপনারে, মনের আনন্দে রই ।
 প্রেয়সী আমার !
 নয়ন-অমৃতরাশি প্রেয়সী আমার !

১২

তোমার মুরতি ধোরে
 কে এসেছে মোর ঘরে ?
 কে তুমি সেজেছ নারী ?
 চিনেও চিনিতে নারি ;
 উদার লাবণ্যে তব
 ভরিয়া রয়েছে ভব ;
 তুমিই বিশ্বের জ্যোতি ;
 হৃদপদ্মে সরস্বতী ;
 প্রেম স্নেহ ভক্তি ভাবে দেখি নিবার !
 প্রেয়সী আমার !
 নয়ন-অমৃতরাশি প্রেয়সী আমার !

১৩

ওই চাঁদ অস্তে যায়,
বিহঙ্গ ললিত গায়,
মঙ্গল আরতি বাজে, নিশি অবসান ;
উঠ, প্রেয়সী আমার !
তোমার আনন খানি
হেরিবারে উষা রাণী
আসিছেন আলো কোরে হাসিছে বয়ান ।
উঠ, প্রেয়সী আমার, মেল, নলিন নয়ান ।

১৪

ত্রিলোক-সৌন্দর্য্য সেই প্রিয়া ! তোর প্রিয়মুখ,
হৃদয়ে রয়েছে জেগে দেব-সুছল্লভ সুখ !
শচীর ঘুমন্ত মুখ দেবরাজ ! দেখনি ?
মহাসুখে মহীয়সী আমাদের অবনী ।

১৫

দে যুগে তোমরা জাগ, সকলেরি জাগরণ ;
এ যুগে নন্দন বনে সবে ঘুমে অচেতন ।
আমাদের মর্ত্য ভূমে
কেহ জাগে, কেহ ঘুমে ;
সূর্য্য যায় অস্তাচলে, রাত্রে হয় চন্দ্রোদয় ।
এ চির-পূর্ণিমা-নিশি তেমন সুন্দর নয় ।

১৬

সেই মুখ, শুভ মুখ,
 সেই সুখ, পূর্ণ সুখ ;
 অমরের অপরূপ স্বপ্ন সুখ নাহি চাই ।
 কে বলে ? “ ধরার কাছে
 কালের চাতর আছে ;
 কালো কালান্তক মূর্ত্তি
 আচম্বিতে পায় ক্ষুণ্ণিত্তি ;
 রোগ শোক সঙ্কে তার,
 চতুর্দিকে ধুকুমার ;
 হিহি হিহি অট্ট হাসে
 ঝলকে বিদ্যায় ভাসে ;
 ঘোরঘট্ট চণ্ড রব,
 আতঙ্কে নিস্তব্ধ সব ;
 প্রভাতে তারার মত
 কে কোথায় অন্তগত ।”
 এ সকল মিথ্যা কথা,
 আকাশ-ফুলের লতা ;
 প্রেমের আনন্দ ধামে মরণের ভয় নাই ।

১৭

নবীন-নীরদ-কায়া
 কিবে শান্তিময়ী ছায়া !
 কে যেন করুণাময়ী মেহে কোল দিতে চায় ;

ক্রীড়া করি রঙ্গভূমে,
বসি বসি চোলে ঘুমে,
অতি শান্ত ক্লান্ত প্রাণী আপনি ঘুমায়ে যায় ।

১৮

শীতান্তে বসন্ত কালে,
কচি পাতা ডালে ডালে
নূতন-নধর-তরু উপবন মনোহর,
নূতন কোকিল-গান
পুলকিত করে প্রাণ,
কি এক নূতন প্রাণে শোনে সুখে নারী নর !

১৯

এ চিরবসন্ত কাল
তেমন লাগেনা ভাল,
এরে যেন ভেঙে চূরে অল্প কিছু করা চাই ।
অনন্ত সুখেরো কথা
শুনে, প্রাণে পাই ব্যথা ;
অন্—অনন্ত নরকেও ততটা যন্ত্রণা নাই ।

২০

পূর্ণ মহা মহেশ্বর,
বাক্য-মন-অগোচর ;

সাধের আসন ।

নাহি প্রাণ, নাহি গাত্র,
 সচ্চিৎ আনন্দ মাত্র ;
 কার্য্য নন্, কর্ত্তা নন্,
 ভোগ নন্, ভোগী নন্,
 যোগীদের ধ্যানধন ;
 হৃদয়ের হাটের সেই পাগুলা রতন ।
 হাসির ভিতরে ওর
 কি জানি কি আছে ঘোর !
 বুঝা নাহি যায়, তবু ভালবাসে মন ।

২১

কেবল পরমানন্দ
 কি যেন বিষম ধ্বজ,
 বিকল্পবিহীন দশা কি জানি কেমন !
 মায়া আবরণ দিয়া
 লোক চক্ষু আবরিয়া
 আপনি অবোধ্য থাকা,
 আপনে আপনা রাখা,
 নিরলিপ্ত পাপ পুণ্যে,
 থাকা শুধু শূন্যে শূন্যে,
 সদাই কেবলি সুখ,
 হা, কি কষ্ট, কি অহং !
 জ্বালাতন—জ্বালাতন—
 ঘোরতর জ্বালাতন ! কি বিষম জ্বালাতন !

২২

জালা জুড়াবার তরে
এলেন নন্দের ঘরে ।
নব কুতূহল ভরে মুখে হাসি ধরে না ।
যশোদা কতই সুখে
নীলমণি করি বুকে
চুমো থান্ টাঁদ মুখে, ছেলে কোলে থাকে না ।
বলে “ দে না যশো মাই !
ক্ষীর সর ননী খাই । ”
কাঁদো কাঁদো আধ বাণী
শুনে কেঁদে হাসে রাণী ;
অঞ্চলে ধরিয়া তাঁর স্থির আর্ বাঁধে না ।

২৩

ব্রজ বালকের যোটে
গোধন লইয়া গোঠে
বাজায় মোহন বেণু
কাননে চরান্ ধেনু ।
সকলেই ভাই ভাই,
আনন্দের সীমা নাই ।
যখন যে ফল পায়
কাড়াকাড়ি কোরে খায় ;

এ দেয় উহার মুখে,
ও পড়ে উহার বুকে ;
কত কান্না, কত হাসি, কত মান অভিমান ।
কোথায় আমার হায় সেই শাদা খোলা প্রাণ !

২৪

শারদ পূর্ণিমা নিশি ;
কি মধুর দশ দিশি !
অনন্ত কুম্ভমে সাজি
হাসে লতা-তরু-রাজি ।
অখণ্ড-মণ্ডল চাঁদ,
প্রেমের মোহন ফাঁদ ।
অরি সেই ব্রজবালা
আসি নটবর কালা
ধীর সমীরে
যমুনা তীরে,
জুড়াতে বিরহ জ্বালা সে পুলিন-বিপিনে
আদরে বাজান বাঁশী
ঢালিয়া অমৃত রাশি ।
মনের, প্রাণের সাধে
বাঁশী বলে 'রাধে রাধে'
কোথায় মানিনী মোর ! তে' বিনে বাঁচিনে ।
দেখা দাও অধীনে ।'

সাধের আসন ।

২০৯

২৫

নানা কথা ওঠে মনে ;

যাব না নন্দন বনে

যাই আমি ফিরে যাই সে কমলকাননে,

দেখিগে যোগেন্দ্রবালা যোগ-ভোলা নয়নে ।



পঞ্চম সর্গ ।

অমরাবতীর প্রবেশপথ ।

—*—

১

দৃষ্টিপথ-প্রান্তভাগে ওই কি অমরাবতী ?
মহান্ বিচিত্র মূর্তি, কি উদার জ্যোতিষ্মতী !
অতি শুভ্র মেঘমাজে
সোণার কিরণে রাজে,
সহস্র ধারায় যেন বহে স্বর্ণ-স্রোতস্বতী ।

২

অগ্নান চাঁদের মালা
ঘেরে ঘেরে করে খেলা,
দূরে দূরে ইন্দ্রধনু কি সুন্দর সেজেছে !
অতি উর্ধ্বে শিরোভাগে
বিচিত্র পদার্থ জাগে ;
মৃদু মৃদু দেখা যায়,
মৃদুল কিরণ গায় ;
ঠিক যেন ছায়াপথ ।
বিজয় পতাকা মত
দীর্ঘাঙ্গ আকাশে চলে না জানি কি উড়েছে !

৩

মৃহল মৃহল তান
ভেসে ভেসে আসে গান,
সুদূর মধুর বাঁশী ভেসে ভেসে আসে, যায় ;
ইন্দ্রাদি অমরগণে
ঘুমায় নন্দনবনে,
পুরমাঝে কারা তবে মনের আনন্দে গায় ?

৪

শ্বেত শতদলময় এই কি প্রবেশপথ ?
হাসিয়া উঠেছে যেন মহাত্মার মনোরথ ।
হু ধারে করিছে খেলা
যুথিকা চামেলি বেলা ।
হু ধারে মন্দির তরু দূরে দূরে দাঁড়ায়ে ।
কি পবিত্র-দরশন
দাঁড়ায়ে কন্যাকাগণ !
আদরে তুলিছে ফুল কচি শাখা নুয়ায়ে ।

৫

এই পথ দিয়া বুঝি সে সুধাংশুময়ীগণে
পূজিতে যোগেন্দ্রবালা গেছেন কমলবনে ?
লইয়া গেছেন কারা
রাখিয়া মধুর ছায়া ?

সাধের আসন ।

তারাই কন্যাকা বেশে
 কল্পতরু-তলদেশে
 করিতেছে ফুলখেলা বিকসিত আননে ?
 সেই মুখ, সেই রূপ,
 কি জীবন্ত প্রতিক্রম !
 কে এঁরা অমরবালা এ অমর ভূবনে ?

৬

উড়িয়ে পদ্যের রেণু
 ওই বুঝি কামধেনু
 আসিছেন ছলে ছলে মহুরগমনে ?
 নন্দিনীর আলোকনে
 হাস্যারব ক্ষণে ক্ষণে,
 আপীনে অমৃত ক্ষরে, দোলে পুচ্ছ সঘনে ।

৭

চিকণ কপিল গায়
 দৃষ্টি পিছলিয়া যায় ।
 কিবে কৃষ্ণ শৃঙ্গ দুটি
 বক্র-অগ্রে আছে উঠি
 মুখানি রূপের ডাক ;
 ভালে শুভ্র রোমমালা,

কি সুন্দর বাঁকা ছাঁদ !
মেঘে যেন ভাঙা চাঁদ ।
ধেয়ে ধেয়ে কাছে গিয়ে যেন হাসি ধরে না ।
নন্দিনী বাঁপায়ে গিয়ে
টুঁ মেরে পয়স পিয়ে,
স্থির হয়ে দাঁড়াইয়ে এক পাও সরে না ।

৮

নন্দিনীর তাম্র গার
চেটে চেটে চুমো খায় ;
মানুষের মত আহা চুমো খেতে জানে না !
চক্ষু যেন পদ্মফুল,
স্নেহরসে ঢুল্‌ঢুল্ ।
কত যেন নিধি পেয়ে
চেয়ে চেয়ে দ্যাখে মেয়ে ।
কেন গো আদর কোরে কোলে নিতে পারে না ?

৯

ওঁরা বুকি সপ্ত ঋষি
প্রভায় উজ্জলি দিশি
অমর নগর হ'তে
আসিছেন পদ্মপথে ?
রোমাঞ্চ-কিরণ-জালে যেন সপ্ত সূর্য্যোদয় ।
স্নিগ্ধ-প্রাণা দিগঙ্গনা চমকিয়া চেয়ে রয় ।

১০

তাম্র শ্মশ্রু, তাম্র জটা
 বিতরে বিজলী-ছটা ।
 আনন্দ উছলে মুখে, লোচনে কি করুণা !
 কি তপ্ত-কাঞ্চন-দেহ !
 সর্বাঙ্গে উদার মেহ ।
 কর-পদ-তল-আভা কি উজ্জল অরুণা !

১১

মহেশের স্তোত্র গানে
 যান ব্যোম গঙ্গা-স্নানে ।
 'হর হর মহেশ্বর !'
 উঠিছে শঙ্কর স্বর ।
 তেজোময় সঙ্গরণে
 পূত করি ত্রিভুবনে
 সূর্য্য যেন তীক্ষ্ণ প্রভা সঙ্করিয়া চলিল ।
 চির-পূর্ণিমার নিশি পুন হেসে উঠিল ।

১২

কারা ওই কণ্ঠাঙ্গণে,
 বাহুলতা তুলি তুলি

তরুদের কাছে কাছে
আদরে কুমুম যাচে ?
করপুট-ভরা-ফুল, কারো করে হাসে মালা ।
কি যেন কামনা লাভে
গদ গদ ভক্তিভাবে
করি কলকোলাহল না জানি কি করে খেলা !

১৩

নূতন সুর স্বরে,
কি যেন গান করে,
কি যেন ভোরে সব হরষে গায় পাখী !
মধুর তানে তান ;
কাড়িয়া লয় প্রাণ ।
হেরিতে ধায় মন, কেন বা ধোরে রাখি !

১৪

কে তোরা স্বর্গের মেয়ে,
জ্যোৎস্না-সলিলে নেয়ে,
শিখর-বসন পরি আলু করি কাল চুল,
নক্ষত্রের শিব গড়ি,
তান লয়ে মস্ত পড়ি,
অঞ্জলি পূরিয়া দিস্ প্রফুল্ল মন্দার ফুল ?

১৫

তোমাদের পানে চেয়ে
 হৃদয় ভরিয়া স্নেহে,
 চলিতে চলে না পা, কি করে আসে না।
 কই গো তোদের স্নেহ ?
 • জিজ্ঞাসা কর না কেহ !
 করেছে দারুণ বিধি
 হেথাও কি সেই বিধি !
 যে যাহারে স্নেহ করে, সে তাহারে চাহে না ?

১৬

গাও আরো তুলে তান
 ত্রিপুর-বিজয় গান !
 পূজ পূজ ভক্তিভরে
 ভক্তাধীন মহেশ্বরে !
 তোদের করুন তিনি
 শুভ বাঞ্ছা প্রকল্পিনী !
 যাই, বাছা, ফিরে যাই সে কমল কাননে ;
 দেখিগে যোগেন্দ্রবালা যোগ-ভোলা নয়নে !

ষষ্ঠ সর্গ ।

কে তুমি ?

—*—

১

কে ওই, আসিছে পথে !

পারিজাত পুষ্পরথে ;

আগে আগে নভস্বান্

গায় আগমনি গান ;

চলিয়া আসেন যত

হেসে ওঠে পদ্যপথ ;

কে, কিরণময়ী বালা

ত্রিদিব করেছে আলা ;

কি কুতূহলিনী আহা চাহি চারি দিক্ পানে !

উদয় অচল হতে

আপনার গৃহপথে

আসে বুঝি উষারাগী ?

কি মধুর মুখখানি !

এমন সুন্দর মেয়ে দেখি নাই নয়ানে ।

অথবা অমরাবতী

কোন পতিব্রতা সতী

অপূর্ব প্রভাব ধরি,
 আসিছেন আলো করি,
 “মর্ত্যের নিশ্চল দিবা জীবনীলা অবসানে ?”

২

তাই বুঝি পুরমাঝে
 সুমঙ্গল শঙ্খ বাজে
 কন্যাগণ, বুঝি তাই
 আনন্দের সীমা নাই
 আদরে আদরে আসি করে শুভ আবাহন ?
 আহ্লাদে আপনা ভুলে
 হেলে ছলে চূলে চূলে
 বরষি মন্দার-ধারা পূজা করে ভরুগণ ?

৩

চাহিয়া উঁহার পানে
 কি যেন বাজিল প্রাণে,
 কতই স্মরণ করি স্মৃতিপটে ফোটে না ;
 অকারণ কি কারণ
 কেঁদে কেঁদে ওঠে মন !
 এই যে কি স্বপ্ন দেখে
 চমকিয়া যুম্ থেকে
 উঠিলাম ;
 ভাবিলাম ;
 হার সে স্বপন কেন আর মনে পড়ে না !

৪

এস এস শুভাননা,

সুমঙ্গল-দরশনা !

কাহার সুকণ্ঠা তুমি, কার শুভ ঘরণী ?

কি খেদে মানিনী সতী !

তাজেছ প্রাণের পতি ?

এসেছ অমরপুরে কাঁদাইয়া ধরণী !

৫

কেন পতিব্রতা মেয়ে !

আমারও পানে চেয়ে

করণনয়নে তব ভরিয়া আসিল জল ?

আশা, সমসুখীদুখী,

অকলঙ্ক-শশি-মুখী !

তাজেছ মানবী-কায়া,

তাজনি মানব-মায়া !

তোমাদেরি আশীর্বাদে বেঁচে আছে ভূমণ্ডল ।

৬

আমি ভূমণ্ডলবাসী,

স্বর্গেতে বেড়াতে আসি,

করি নাই ভাল কাজ ;

মনে মনে পাই লাজ ;

এখানে সকলি যেন স্বপনের রচনা ।

ফল ফুল তরু লতা,
 পরস্পরে কহে কথা ;
 অমৃত-সাগর-কূল
 অপরূপ ফুলেফুল ;
 বেড়ায় অমরবালা,
 কি যেন সুধাংগুমালা
 হইরাছে মূর্তিমতী ;
 অঙ্গে কি মধুর জ্যোতি !
 কিবে কালো কেশরাশি, বিকসিত-আননা !

৭

আসা, এই কলেবরে
 সাজে কি এ লোকাস্তরে ?
 তোমায় করুণারাগী ! সুমধুর সেজেছে,
 স্বর্গের শোভার মাঝে কি শোভাই হয়েছে !

৮

আমারই বিড়ম্বনা,
 কি ঘটতে কি ঘটনা ;
 রক্ত মাংস দেহখানা কেহ চেয়ে দেখে না !
 জীবন্ত মানুষ হেথা দেখিতেই চাহে না ।

৯

পদে পদে বাধা পাই,
 তবু স্নেহে ধেরে যাই ;

আপনার ভাবে ভুলে
কহি আমি প্রাণ খুলে
মধুর উজ্জ্বল ভাষা,
পরিপূর্ণ-ভালবাসা ।
বুঝি কি কিস্তুত ঠ্যাঁকে,
মুখ পানে চেয়ে দ্যাখে,
সদয়-হৃদয়ে কেহ ধীর হয়ে শোনে না ;
বুঝিতেও পারে না ;
কোন কথা কহে না ।

১০

স্বর্গেতে অমৃত সিক্ত,
পাই নাই এক বিন্দু ;
সাধবী পতিব্রতা সতী !
সুখেতে মা কর গতি !
তব অশ্রুকণাটুকু অমৃত-অধিক ধন
পেয়ে, এ অদ্ভুত লোকে জুড়াল তৃষিত মন ।

১১

আজি মা অভাবে তব
ধরাধাম নিরুৎসব,
শ্রীহীন মলিন পতি বুঝি প্রাণে বেঁচে নাই ;

বাছারা শোকের ভরে
কি যে হাহাকার করে,
কল্পনা করিয়া আমি ভাবিতেও ভয় পাই ।

১২

থাক্ পৃথিবীর কথা ;
যাও তুমি পতিব্রতা !
সতীরা যে লোকে যায়
পদ্মফুল ফোটে তার ;
সতী-পদ-পবশনে
জ্যোতি ওঠে ত্রিভুবনে ;
অকলঙ্ক রূপরাশি,
অমায়িক মুখে হাসি,
কি এক পদার্থ অহা !
পশুরা জানে না তাহা ।
নির্ধিকার অন্তরে
পূণ্যবানে ভোগ করে,
ভোগ করে অতি সুখে সুরবালা সখীগণ ;
আজি মা তোমায় পেয়ে, কি আনন্দে নিমগন,
কি আনন্দে কাছে আসি করিছেন আবাহন !

১৩

দেখ, চারি দিকে
কত যেন মহোৎসব !

আনন্দে উন্নত প্রায়
অধীর সমীর ধায় ;
তরু সব ফুলেফুল,
কি আনন্দে ঢুলঢুল !
কতই হরষ ভরে
লতা সব নৃত্য করে !
উথলে অমৃত সিদ্ধ ;
অদূরে হাসিছে ইন্দু ;
দিব্য-মূর্তি ছেলেগুলি,
হেসে করে কোলাকুলি,

তোমার রথের পানে মুগ্ধ নয়নে চার ।

কা'দের সাধের ধন ! আয়, তোরা বুকে আয় !

১৪

ওই গুন ওই গুন

আঘোষে তোমার গুণ

পুরমাকে উঠিয়াছে কি মধুর বাজনা !

শব্দের মঙ্গল ধ্বনি, আগমনি গাহনা ।

১৫

ফেলে কোথা চলে যাও,

চাও গো মা ফিরে চাও !

একবার প্রাণ ভোরে হেরি তোর মুখখানি !

ফের এ আনন্দধামে কেন কেঁদে ওঠে প্রাণী ?

১৬

আর—কি করি হেথায় !
 একটুও যে সুখে সুখী,
 একটুও যে দুখে দুখী,
 অমরের অমরায় ওই সে চলিয়া যায় !
 কি করি হেথায় !

১৭

মনে করি ধীরে ধীরে
 পদ্ববনে যাই ফিরে,
 নিঃস্বনে গাঁথিয়া মালা,
 পূজিগে যোগেন্দ্রবাবা ;
 ফিরেও ফিরিতে নারি, কি যেন আটকে পায়
 কি করি হেথায় !

১৮

এলেম যাদের পাশে,
 কই তারা ভালবাসে,
 বুঝে না মনের ব্যথা,
 একটীও কহে না কথা
 তবু এ পাগল প্রাণ কেন রে তাদেরি চায় !
 কি করি হেথায় !

১৯

না জানি কি ফুল দিয়া
গড়া, এ আমার হিয়া,
আপন সৌরভে কেন আপনি পাগল প্রায় ।
কি করি হেথায় !

২০

গাও সুরমঙ্গল গান !
জুড়াও সতীর প্রাণ !
মহান্-পবিত্র-আত্মা কে তোমরা পুণ্যশ্লোক,
অভয় অশোক হয়ে ভোগ কর সুরলোক ?

২১

নন্দন কানন-কোলে
ঘুমায় স্বপন-ভোলে,
ঘুমান্ দেবতা সব !
কলিয়ুগ অভিনব ।
চল অভিনব মনে
সরস্বতী দরশনে ।
জাগ্রত দেবতা তিনি
সদানন্দে সুহাসিনী ।
অমৃত সাগর জল
পদতলে ঢল ঢল ।

সাধের আসন ।

দিগঙ্গনা দিকে দিকে
 চেয়ে আছে অনিমিখে ।
 বাতাসে বাঁশীর স্বরে
 প্রাণ খুলে গান করে ।
 আপনি আকাশ মাঝে
 কি মধুর বাঁণা বাজে !

হৃদয় ভেদিয়া ওঠে স্তোত্রগীতি অনিবার-।
 প্রেমের প্রফুল্ল ফুলে শ্রীচরণ পূজি তাঁর ।

২২

মনের মকুর তলে
 শশী যেন স্বচ্ছ জলে,
 ভুবনমোহিনী মেয়ে
 আপনার পানে চেয়ে
 আপনি বিহ্বলা বালা
 কে তুমি করিছ পেলা ?
 তুচ্ছ করি স্বর্গসুখ,
 উথলি উঠিছে বুক ।
 মধুর আবেগ ভরে
 মধুর অধীর করে ।
 চমকি চৌদিকে চাই,
 তোমা বই কিছু নাই ।

ত্রিভুবন তুমি মাত্র !
দেখিতে শিহরে গাত্র ;
ধরিতে, অধীর মন ;

কি পবিত্র কি মহান্ কি উদার রূপরাশি !
অহো ! কি ত্রিতাপ-হারী জীবন-জুড়ান হাসি !

২৩

অয়ি—অয়ি সরস্বতী !

তব পাদপদ্মে মতি

নিম্মলা অচলা হয়ে থাকে যেন চিরদিন !

সেই বিজয়ার দিনে

বাজায়ে প্রাণের বাণে,

ভরি ভরি ছনয়ন

তোর এই শুভানন

দেখিতে দেখিতে হই কালের সাগরে লীন !

সপ্তম সর্গ ।

মায়া ।

—*—

১

একি, একি, একি মায়া !

সম্মুখে মানবী কায়া

অমরার দ্বার হ'তে

আসিছেন পদ্যপথে,

কালো রূপে আলো করে কার কুলকামিনী ?

বিগলিত কেশপাশে

মতীয়া মল্লিকা হাসে,

নলিন-নয়না সতী মৃদুমন্দগামিনী ।

নাচে মা'র কোল পেয়ে

ভুবনমোহিনী মেয়ে,

নাচে কালিকার কোলে স্বর্ণলতা দামিনী ।

২

ফিকি ফিকি হাসি মুখে,

পয়োধর পিয়ে স্নেহে

চোকেতে কি কথা কর,

নারী বুঝে, নরে নয় ।

সাধের আসন ।

২২৯

মায়ে বিয়ে হাসিখুসি,
মূর্তি কিবা অকলুষী !
দেখিতে দেখিতে, কই, কোথায় মিলিয়ে গেল !
এ মায়া, কাহার মায়া, কেন গেল, কেন এল !

৩

* উড়িছে পদ্মের রেণু,
ফের কেন কামধেনু ?
মায়ের কোলের কাছে
নন্দিনী দাঁড়ায়ে আছে ।
কি সুন্দর দরশন !
রূপে আলো পদ্মবন ।
এরাই কি মায়া কোরে
মানুষের মূর্তি ধোরে
করিল কুহক-খেলা ?
দিবসে চাঁদের মেলা,
সব যেন জ্যো'নামর,
নক্ষত্র ফুটিয়া রয়,
চেয়ে দেখি, কিছু নয় ; যে দিন, সে দিন ।
মায়াবী মূর্তি ধরে নবীন নবীন !

৪

কি দেখে আমার মুখে
মায়ে বিয়ে হাস স্মুখে ?
অতিথি জনের প্রতি কৃপা বৃষ্টি হয়েছে ?
আননে নয়নে তাই স্নেহ ফুটে রয়েছে ।

৫

যখন প্রথম দেখা,
কোথা থেকে এলে একা
পীতাম্ব-সুনীল-বর্ণা এই পদ্মপথ মাজে,
চন্দ্রমানগুলো যেন শশাঙ্ক-শ্যামিকা মাজে ।

৬

গতি কিবে শুভঙ্করী,
সুধীর তরঙ্গে তরী,
আধ আধ মাতোয়ারা !
লোচনে আনন্দধারা ।
স্নেহ রব করি করি,
ছনয়ন ভরি ভরি
দেখিতে দেখিতে আসি মিলিলে নন্দিনী সনে ।
জুড়াল নয়ন মন তোমাদের দরশনে ।

৭

সাধ গেল বেহুধন্যো !
কোলেতে দেখিতে কন্যো ।
তাই কি মানবী রূপে পুরালে তা বাসনা ?
আজি আপনার কাছে
আরেক প্রার্থনা আছে,

পূর্ণ কর সেই আশা ;
যে জন্মে এ স্বর্গে আসা,
অন্তর্যামিনী দেবী বৃষ্টিতে কি পার না ?

৮

জান না কি অগ্নি মুগ্ধে !
তোমারি অমৃত দুগ্ধে
জীব-সঞ্জীবনী বিদ্যা লভেছে অমরগণ ?
দুর্নিবার কালবশে
অভিভূত মহালসে,
ঘোর নিদ্রা নিমগন ;

তবু দ্যাখ দ্যাখ, আহা, কি সতেজ, সচেতন,
মুখে কি জীবন্ত প্রভা ! উজলে নন্দন বন ।

৯

ওই পয়োধারা ধরি,
তপ, জপ, যজ্ঞ করি
মানব দানব রক্ষ কেবা কি না পেয়েছে !
আমি গো সামান্ত নর,
প্রার্থনা সামান্ত তর,
তাও কেন এখনও অসম্পূর্ণ রয়েছে ?

১০

এস, স্বর্গ-কামধেনু !
ওই শুন বাজে বেণু !
কে যেন ডাকিছে মোরে, অমরার ভিতরে

•

চল যাই ধীর ধীর,
আমাদের পৃথিবীর
দেখি সাধ্বী সাধু সব কি আনন্দে বিহরে ।

১১

কেন গো কপিলা মেয়ে !
র'লে মুখ পানে চেয়ে ?
অসম্ভব শুনে যেন
অবাক্ হইলে, কেন ?
আহা, অমরপুরে বুঝেছি পাবনা স্থান
এ দেহে থাকিতে প্রাণ !

১২

মনে মনে ভাবি তাই,
দেখে শুনে চলে যাই ;
তাও তুমি নও রাজি ।
আমায়, মানবী সাজি
কেন স্তোভ দিতে চাও,
দাও—পথ ছেড়ে দাও !
তুমি তো শ্রীমতী সতী !
অমরার দ্বারবতী ;
প্রার্থীর প্রার্থনা তুমি পূরাতে পার না ?
কামধেনু নাম তা
জগতে কেমনে রবে ?

আসিয়াছি নদীতীরে
নামিতে দিবে না নীরে,
তুষার ফাটিবে বুক ? অহো একি যাতনা !

১৩

এখন বল কি করি
হে গোধন-কুলেশ্বরী !
অথবা, তোমার চেয়ে
সদয়া তোমার মেয়ে ;
তোমায় নন্দিনী রাণী !
আতিথেয়ী বোলে জানি ;
প্রভাব যে কি বিচিত্র
বুঝেছেন বিশ্বামিত্র ।

কর গো কাতর প্রতি রূপাবলোকন !
নিদয় হ'রো না দেবী মায়ের মতন ।

১৪

এই স্বর্গে বিনা দোষে
এই কপিলার রোষে
অপুত্রক হইলেন দিলীপ নৃপতি ।
বড় ব্যথা পেয়ে মনে,
বশিষ্ঠের তপোবনে

হয়ে তব অনুচর
সেবিলেন নিরন্তর
ওই পাদপদ্মে রাখি দৃঢ় রতি মতি ।

১৫

তাঁরে তুমি চন্দ্রাননে,
আহা, সেই শুভক্ষণে
বর দিয়া হিমালয় গিরির গহ্বরে,
প্রসন্না করুণাময়ী
দিলে পুত্র ইন্দ্রজয়ী
রঘুবংশ-প্রতিষ্ঠাতা রঘু বীরবরে ।

১৬

ছাড়ি সে পৃথিবীপুর
আসিয়াছি অতি দূর,
তোমাদের কাছে সতী !
দেখিতে অমরাবতী ।
পুর সেই মনস্কাম,
দেখাও অমরধাম !
সজ্জন-সঙ্গতি কারো হয় না বিফল ।
ফিরে গিয়া হেথা হতে
কি কব সে ভূভারতে ?
আমাদের মাতৃভূমি
দেখিয়া এসেছ তুমি ।

কি আছে এ অমরায়,
সকলে জানিতে চায় ।
ঠাহাদের মে কোতুকে
পূর্ণ করি কি যৌতুকে ?
তোমাদের মেহ ভিন্ন কি আছে সম্বল ?

১৭

নানা-রত্ন-ময় তনু
অত্যাচার ইন্দ্রধনু
আহা এ তোরণ যার সুন্দর এমন !
অমরার অভ্যস্তর না জানি কেমন !

১৮

চল, দেবি, লয়ে চল ;
অপরাধ থাকে, বল !
ঋমাশীল বশিষ্ঠের হোমধেনু নন্দিনী !
যা এল সরল মনে
নিবেদিবু শ্রীচরণে,
হেধাকার রীতি নীতি শুব স্তুতি জানিনি ।

১৯

এই যে প্রসন্নমুখী,
অতিথি করিতে সুখী

সাধের আসন ।

আনন্দে আসিতেছিলে ;
হেসে পথ ছেড়ে দিলে ;
সহসা কল্যানী, কেন বিরস-বদন ?
পদ্মপথে পদ্মবনে
গতি রোধ কি কারণে ?
ওকি ও ? কপিলা ! কেন করিছ বারণ ?

২০

দিলীপের ভাগ্যবলে
কপিলা পাতাল তলে
বন্ধ ছিল, বুঝি তাই
বাধা দিতে পারে নাই ।
আমার কপালে আজি
উলটিয়া গেল বাজি,
কিছুতেই হইল না আশার সুসার ।
কপিলে, কি দোষ আমি করেছি তোমার ?

২১

ক্ষুদ্রের নিকট-গামী
প্রার্থী নহি দেবী আমি ।
ছোট বড় কারো কাছে
কেহ বেন নাহি যাচে
হায় মানুষের মান স্বর্গেতেও জানে না !

মর্যাদা মানিনী মেয়ে,
নির্জনে তাহারে পেয়ে
যা খুসি তাহাই করে ।
ধিক্ কাপুরুষ নরে!

আপন মেয়ের মত কেন মনে ভাবে না ?

২২

মর্যাদা সরলা সতী,
কি সুন্দর জ্যোতিষ্মতী !
আসি মানবের ঘরে
ত্রিকুল পবিত্র করে ।
আহা, সেই অভয়র
দরশন কি উদার !
হাসি হাসি কি আনন,
কি প্রফুল্ল বিলোচন !
আনন্দ-রতন বক্ষে,
পূর্ণচন্দ্র গুরুপক্ষে !

জ্যো'স্মায় জগৎ যেন পেয়েছে নূতন প্রাণ ।
অনুরক্ত ভক্তগণে আনন্দে করিছে ধ্যান ।

২৩

মানবে করুণা তিনি
সুখ-মোক্ষ-প্রদায়িনী ।

সাধের আসন ।

সর্বাঙ্গী পরাংপরা,
 অন্তরাখ্যা আলোকরা ।
 ভাক্ত ভক্তে নাহি বুঝে,
 হৃদয়ে না পায় খুঁজে ।
 অভিন্ন পদার্থ, আহা !
 ভাঙিতে পারে না তাহা ।
 ভেবে তাঁরে ভিন্ন জন
 করে এসে আক্রমণ ।
 কি পাতক, কি যে হানি,
 বুঝে না তা ক্ষুদ্র প্রাণী ।
 কদর্যের কি অকার্য্য,
 অমর্য্যাদ কি অনার্য্য !

নীচাশয় নরলোকে দেখে চটে গেল প্রাণ ।
 সে ঘোর নরক, তার জুড়াবার নাহি স্থান ।

২৪

উদার স্বরগ ধাম,
 এও তার প্রতি বাম !
 কোথায় দাঁড়াই বল,
 দাঁড়াবার নাই স্থল ।
 পশিব মনের বলে এ অমরপুরীতে
 আপনি উথলে যদি
 বেগে ধেয়ে নামে নদী,
 সম্মুখে দাঁড়ারে তার, কার সাধ্য রুধিতে ?

২৫

থাক্ মায়াবিনী গাভী !
সকল দেবতা পাবি,
পাবিনি আমায় ।
দেবতা দেখিতে ভাল,
তাই তোর লাগে ভাল ।
মায়া দুঃখ পানে তোর,
তারাও নেশায় ভোর্ ।
যে জন যেমন, বিধি তেমনি মিলায় ।

২৬

যোগাতে তোমার মন
বলি দিলে এ জীবন,
নষ্ট হবে পরকাল ।
ছিঁড়ে ফেলি মায়াজাল ।
হয়ে তোর ভেড়া ভেকা
বৃথাই বাঁচিয়া থাকা ।
থাকিব আপন মনে ।
যাব না নন্দন বনে ।
ছাড়ো অমরার দ্বার ।
দেখি আমি একবার
কি উদার, কি সুন্দর কাণ্ড হয় ভিতরে ।

ওই যে পবিত্র প্রভা,
 কাঁদের অঙ্গের আভা ?
 অহো কি পবিত্র গান,
 কি মধুর সুর তান !
 বেণু-বীণা-বাদ্যময়
 কি সুখ সমীর বয় !
 পিয়াসী নয়ন মোর ;
 চরণে কি দিল ডোর !
 নিষ্ঠুর কপিলা ! তোর হাসি কেন অধরে ?

আজি এ জনের মত
 ছাড়িলাম পদ্যপথ ।
 সীমা মাড়াব না আর
 কুহকিনী কপিলার ।
 পয়োধর দিয়া মুখে
 সাধের স্বপন স্মৃথে
 দেবতা দিগের মত
 অধোরে ঘুমাব কত ?
 যেথায় ছু চক্ষু যায় সেই দিকে চলে যাই ।
 কপিলার কাছে আর একটুও দাঁড়াতে নাই ।

২৮

যে ফুল ফুটেছে প্রাণে,
মেরে ফেলি কোন্ প্রাণে ?
দিয়ে যাই কারো তরে সারদার চরণে ।
হৃদিফুল রাঙা পায়,
আপনি পৌঁছিয়া যায় ।
অম্লান, মরণহীন,
শোভা পায় চিরদিন ।
সৌরভেতে কুতূহলী
গুঞ্জরি বেড়ায় অলি ।
কতই কমল শোভে সে কমল কাননে ।
ফুটেছে সকলি এর
মহামনা মানবের
অত্মদার ভাবে ভোর শুভ অন্তঃকরণে ।

২৯

ঊর্ধ্বদেহের পরকাল
পবিত্র আলোয় আলো ।
দেহ ছেড়ে প্রাণ গেছে
তবুও আছেন বেঁচে ।
তেমনি আনন্দভরে
বেড়ান্ ধরণীপরে ।

কিবা হাসি হাসি মুখ,
 প্রাণভরা কত সুখ !
 শুনে সে মুখের কথা
 দূরে যায় সব ব্যথা ।

নিমেষে জগৎ এক এনে দেন্ নয়নে,
 ব্রহ্মাণ্ড ভুলিয়া যাই, মজি সুখস্বপনে ।
 স্বপনের চরাচর
 উদার—উদারতর !
 যথার্থ মরণহারী সারদার শ্রীচরণ ।
 কি ছার অমর এরা, ঘুমে ঘোর অচেতন ।

৩০

কি ছার কপিলা বুড়ী !
 দাঁড়ায়েছে পথ যুড়ি,
 অমরাবতীর ভেদ
 করিতে দিবে না, জেদ্ ।
 না জানি পুরীর মাজে
 কি ব্যাপার, কে বিরাজে ।
 দ্বার থেকে দেখে দেখে পুরো জানা গেল না ।
 পারিজাত পুষ্পরথে
 আসি এই পদ্বপথে,
 সতী, সেই প্রবেশিল, আর ফিরে এল না !

৩১

এখনো সে মুখখানি
হেরিতে আকুল প্রাণী ।

নাহি জানি কি সম্বন্ধ আছে তাঁর মনে ।
যতই ভুলিতে চাই, তত পড়ে মনে ।

৩২

• কপিলা ! ছয়ার ছেড়ে দিবে না আমায় ?
কি দিয়া বাঁধানো বুক ?
বুঝ না পরের দুখ ।
নিতান্তই পাতী তুমি, কি কব তোমায় !

৩৩

এই যে ফুটিছে প্রাণে সে শুভ কমলবন,
রাজিছে তাহার মাঝে সেই রাঙা শ্রীচরণ !
যতই আসিছে ধ্যান,
ততই ধাইছে প্রাণ ।
দূরে কে ডাকিছে যেন,
বুথায় হেথায় কেন !

• চলিলাম খোলা প্রাণে সে কমল কাননে ।
দেখিগে যোগেন্দ্রবালা যোগভোলা নয়নে ।

অষ্টম সর্গ ।

শশিকলা, স্থির সৌদামিনী ও বীণা ।

—○—

শশিকলা ।

—*—

১

দিকে দিকে কুঞ্জবন, পাখী সব করে গান,
ফুটেছে বাসন্তীফুল, মন্দাকিনী কানেকান্ ।

অনন্ত যৌবন ঘটী,

তরল রজত ছটা,

আনন্দে লহরীমালা খেলিছে খুলিয়া প্রাণ ।

২

গোলাপ ফুলের তরী ভাসি ভাসি চলি যায় ।

খসি পড়ি শশিকলা ঘুমায়ে রয়েছে তায় ।

আলুখালু চুলগুলি

বাতাসে খেলার খুলি,

ফুটেছে মনের হাসি অমায়িক আননে ।

চাঁদের সাধের বাছা, কি দেখিবে স্বপনে !

স্থির সৌদামিনী ।

—*—

৩

মেঘের মণ্ডলে পশি
খেলা করে কে রূপসী,
যেন সুরধুনী ব্যোমকেশের মাথায় ।
ফাটিয়া ফাটিয়া জটা
রূপের তরঙ্গ ছটা
উথলি উথলি পড়ি চমকি মিলায় ?

৪

নীরদ-নন্দিনী ইনি,
নাম স্থির সৌদামিনী,
সুখে লজ্জাবতী কন্যা খেলে আপনার মনে ।
পাছে কেহ দ্যাখে তাকে,
সদাই লুকায়ে থাকে
কটিক জলের ঘরে মেঘের নিবিড় বনে ।

৫

আপনার রূপরাশি
দ্যাখে মেয়ে হাসি হাসি,
আননে লোচনে আহা আনন্দ ধরে না !

সাধের আসন ।

দিয়েছে তাহারে বিধি
কি যেন নূতন নিধি,
দ্যাখে সুখে আঁখি ভরি, দেখাতে চাহে না ।

৬

কহে সে রূপের কথা
বহিনী সোণার লতা
হরষে চকলাবালা ছুটিয়া গগনে ।
স্থির সোঁদামিনী কভু পড়েনি নয়নে ।
আমি দেখেছি স্বপনে ।

৭

সে শান্ত মাধুরীখানি
ভাবিয়া জুড়ায় প্রাণী,
বলিতে বিহ্বল বর্ণী
আঁকিতে পারি না,
হায়, দেখাই কেমনে !
যুমন্ত প্রশান্তভাবে ভাব মনে মনে !

বীণা ।

*—

৮

বীণা ! তু বিচিত্র মেয়ে ;
সবে তোর মুখ চেয়ে ,
তুমি কি না মন্দাকিনী-তরঙ্গে ঝাঁপারে বাও ?

সাধের আসন ।

২৪৭

হাসে মুখ, নাচে চুল,
কচিমুখী পদ্মকুল !

সমীরের সঙ্গে সঙ্গে কি গান গাহিয়া ধাও !

৯

তোর গানে ঢেলে প্রাণ
কিন্নরে ধরেছে গান ।

*মেঘের হৃদঙ্গ বাজে, তুমি তার দামিনী ;
চমকে সপ্তমে স্বর,

তত্ত্ব তত্ত্ব

উধাও উধাও ধাও, কোথা যাও জানিনি ।

১০

ধীর সনীর হতে সংগীত অমৃতক্ষরে ;
প্লাবিত তৃষিত প্রাণ সুধীর সুস্নিগ্ধ স্বরে ।
নিদাঘের রৌদ্রে দন্ধা জুড়াইতে পৃথিবীতে
বরষা-নিশার বারি পড়ে যেন সুগন্তীরে ।

১১

কিবা নিশা দিনমান,
প্রাণে লেগে আছে তান ।

সুস্বপ্ন-সংগীতময়ী স্বরগের কাহিনী ।
মধুর মধুর চির-পূণিয়ার যামিনী !

কিন্নর-গীতি ।



[রাগিনী কালাংড়া—তাল ঝাপতাল ।]

মধুর—মধুর তোর রূপ
যামিনী !

হরষে হরষময়ী শশি-সোহাগিনী ।

তারকা-কুম্ব-বনে
খেলিছ আপন মনে,
কি যেন দেখি স্বপনে মায়ার মোহিনী ।

নীল আকাশ তলে
স্বর্গের প্রদীপ জলে

আকাশ-গঙ্গার জল
করিতেছে ঢলঢল,
কালের জটার জালে দোলে মন্দাকিনী ।

হাসিয়া উঠেছে কুল,
ফুটেছে মন্দার ফুল,

হরষে অমরবাল
চারিদিকে বনে খেলা,
এ খেলা তোমার খেলা ; তুমি মায়াবিনী ।

বাসবের সাড়া পেয়ে
চমকি দামিনী মেয়ে
পালাল সোণার লতা
ধাঁধিয়া চোকের পাতা
সহস্র লোচনে চান্
আর না দেখিতে পান্ ।
কোথায় লুকাল হায় নীরদনন্দিনী !

পাতালে বাসুকী ফণী
ছড়ায় মস্তক-মণি,
হু একটী শূন্যে ছুটে
উঠেছে আলোক ফুটে,
এমন মাণিক আর কোথাও দেখিনি ।

মরুত বিহ্বল প্রায়
অধীরে চলিয়া যায়,
দাঁড়াইয়ে দিগঙ্গনা,
কি উদার দরশনা !
গভীর প্রশান্তমনা কার সীমন্তিনী ।

নীরব ধরণী রাণী,
হাসিছে আনন খানি,
বিগলিত কেশপাশে
কতই কুসুম হাসে
নাচিছে আছরে মেয়ে গিরি-নির্ঝরিণী ।

সাগর লাকায়ে ওঠে
 উল্লাসে উন্নত ছোটে,
 আকাশ ধরিতে ধায়
 কি জানি কি দেখে তায়,
 উল্লাসে চমকে গায় চঞ্চল চাঁদিনী ।

হিমাদ্রি-শিখর পর
 হাসিছে মানস সর,
 মধুর মোহিনী বালা
 মুকুরে মুরতি খেলা,
 মধুর মাধুরীযন্ত্রে
 করেছ মায়ার মন্ত্রে
 আকাশ পাতাল একাকার একাকিনী ।

নবম সর্গ ।

আসনদাত্রী দেবী ।

—*—

গীতি ।

[রাগিণী ললিত—তাল কাওয়ালী ।]

প্রাণ কেন এমন করে, (আমার)

কি হ'ল কি হ'ল রে অস্তরে !

ভ্রমি ত্রিভুবন মন

করে কার অশ্বেষণ,

কাতর নয়ন কার তরে !

তাজি এই মর্ত্যভূমি,

কোথা চ'লে গেলে তুমি

কি জানি কি অভিমান ভরে ।

১

তোমার আসনখানি

আদরে আদরে আনি,

রেখেছি যতন কোরে, চিরদিন রাখিব ;

এ জীবনে আমি আর

তোমার সে সদাচার,

সেই স্নেহ-মাথা মুখ পাশরিতে নারিব ।

২

সাক্ষাৎ আমার প্রাণ
 'সারদামঙ্গল' গান,
 অসম্পূর্ণ পড়েছিল, যেন মরে গিয়েছে ;
 বেসুরা বীণার মত
 জানি না কি দশা হ'ত !
 তোমারি আদরে দেবি ! ফিরে প্রাণ পেয়েছে

৩

সাহিত্য সংসারে তুমি
 স্নকুমার ফুলভূমি,
 তোমার স্নেহের গুণে কত রকমের ফুল
 ফুটে আছে থরে থরে ;
 কেমন সৌরভ ভরে
 সোহাগসমীরে কিবে করিতেছে ঢুল্‌ঢুল্‌ !

৪

তোমার উৎসাহ-ধারা
 বিচিত্র বিদ্যাপারা,
 কতই বোবার মুখে কত কথা ফুটেছে ;
 কতই পরমানন্দে,
 কত মত ছন্দবন্দে,
 কত ভাব ভঙ্গিমায়,
 ইংরাজি ফরাশি কত বাঙ্গালায় বলেছে ।

৫

চলিয়া গিয়াছ তুমি,
কি বিষণ্ণ বঙ্গভূমি ;
সে অবধি আজো কেন
দেশে কি হয়েছে যেন !

নিকুঞ্জ কাননে আর কোন পাখী ডাকে না !
ভাগীরথী-তীর থেকে আর বাঁশী বাজে না !
মানস সরসে হায় পদ্য ফুটে হাসে না !
স্বর্গের বীণার ধ্বনি ভেসে ভেসে আসে না !
এ দেশে ভারতী দেবী বুঝি প্রাণে বাঁচে না !

৬

সেই প্রিয় মুখ সব, সেই প্রিয় নিকেতন,
সেই ছাদে তরুরাজি শূন্যে শোভে উপবন,
সেই জাল-ঘেরা পাখী, সেই খুদে হরিণী,
সেই প্রাণ-খোলা গান, সেই মধু ষামিনী,
কি যেন কি হয়ে গেছে !
কি যেন কি হারিয়েছে !
কেন গো সেথায় যেতে কিছুতে সরে না মন ?

৭

কবে কার আবির্ভাবে,
থাকে যে কি এক ভাবে,
অভাবে সে ভাবে আর সেই সব থাকে না ;

দোলায়ে ফুলের বন
 চোলে গেলে সমীরণ,
 সেই ফুল হাসে, হায়, সে সৌরভ আসে না !

৮

কে গায় কাতর গান,
 কেন শোকাকুল প্রাণ,
 প্রাণের তিতর কেন কাঁদিয়া উঠিছে প্রাণী !
 আজি কি বিজয়া এল,
 তিন দিন কোথা গেল !
 কেন মা: আনন্দময়ী ! কাঁদো কাঁদো মুখখানি ?

৯

সুখের স্বপন, কেন
 চকিতে ফুরায় যেন,
 হারালে হাতের নিধি, আর নাহি পাওয়া যায় !
 রয়েছে স্বজনগণে
 যে যার আপন মনে,
 নিৰ্জনে বাতাস শুধু কোরে ওঠে 'হায়! হায়!'

১০

হা দেবী! কোথায় তুমি
 গেছ, ফেলে মর্ত্যভূমি
 স্নেহার প্রতিমা জলে কে দিল রে বিসর্জন !

কারো বাজিল না মনে,
বজ্রাঘাত ফুলবনে !
সাহিত্য-সুখের তারা নিবে গেল কি কারণ !

১১

ওই যে সুন্দর শশী,
আলো কোরে আছে বসি !
চিরদিন হিমালয়,
কি সুন্দর জেগে রয় !
সুন্দরী জাহ্নবী চির বহে কলস্বনে ;
সুন্দর মানব কেন,
গোলাপ কুসুম যেন ;
ম'রে যায়, ম'রে যায় অতি অল্পক্ষণে !

১২

ভোরের গানের মত,
ভোরের তারার মত,
মধুর সুন্দর মূর্তি ত্রিদিব-ললনা ;
ভোরে ভোরে আসে, যায়,
কেহ নাহি দেখে তায়,
রেখে যায় কোমল কুসুমদলে
নির্মল ছয়েক ফোঁটা শিশিরাশ্রুকণা !

১৩

আহা সেই স্বর্গের নিবাসী,
 চলে গেছে !
 রেখে গেছে
 সুহৃদু জনের মনে
 যাবার সময় সেই প্রাণফাটা বিষাদের হাসি !

১৪

সেই মুখখানি মনে
 কেন পড়ে ক্ষণে ক্ষণে,
 করুণ নয়ন দুটি সদাই প্রাণেতে ভায়,
 হা দেবী ! তোমার আর দেখিব না এ ধরায় !

১৫

অমরার পদ্যপথে
 পারিজাত পুষ্পরথে
 কিরণ-কলিত-মূর্তি তোমারই মহাপ্রাণী
 অপরূপ রূপ ধরি,
 যেতেছিল আলো করি ;
 চেনো চেনো কোরেছিলু, চিনিতে পারিনে রানী !

১৬

কঁদে উঠেছিল প্রাণ,
 মনে এসেছিল ধ্যান,

বুক ফেটে বারবার
উঠেছিল হাহাকার ;
উঠিল বাতাস ভোরে কি যেন আকাশবাণী.
তবুও তবুও আহা নারিন্তু চিনিতে রাণী !

১৭

তুমিও আমায় দেখে
চেয়ে ছিলে থেকে থেকে,
চক্ষে গড়াইল জল,
মুখখানি ছলছল !
কেন গো কি পেলে ব্যথা !
কিজন্যে ক'লে না কথা ?
বুঝি বা আমারি মত
স্মরি স্মরি অবিরত,
এই পরিচিত জনে
প'ড়ে, পড়িল না মনে !
পুষ্পরথ থেকে নেমে কেন কাছে এলে না ?
সেই দেখা, শেষ দেখা ; কিছু ব'লে গেলে না !

১৮

সকলি পড়িছে মনে !
যেন সেই পদ্মবনে

সাধের আসন ।

যোগেশ্বরবালার কাছে
 যে সব সঙ্গিনী আছে,
 খেলিতে তাঁদের সনে দেখেছি আমি তোমায় ;
 করুণ নয়ন দুটি এখনো প্রাণেতে ভায় !

১৯

সকল সতীর প্রাণ,
 সুমধুর ঐক্যতান ;
 সুরপুরে একত্বরে কি মধুর বাজিছে !
 ঘুমায়ে মায়ের কোলে সুখে শিশু শুনিছে !
 সে সব সতীর মাঝে দেখেছি আমি তোমায়
 করুণ নয়ন দুটি এখনো প্রাণেতে ভায় !

২০

আহা সে রূপের ভাতি,
 প্রভাত করেছে রাতি !
 হাসিছে অমরাবতী, হাসিতেছে ত্রিভুবন,
 হৃদয় উদয়াচল আলো হয়েছে কেমন !

দশম সর্গ ।

পতিব্রতা ।

—*—

গীতি ।

[রাগিনী ললিত,—তাল কাওয়ালী ।]

অহহ!—সমুখে সুমঙ্গল একি ।
দেবি, দাঁড়াও নয়ন ভোরে দেখি ।
তাজেছ মানব-কায়া,
আজো তাজ নাই মায়া ।
একি অপরূপ ছায়া—একি !
করুণ নয়ন দুটী
তেমনি রয়েছে ফুটি,
তেমনি চাঁচর কেশ, বেশ ;
মলিন্ মলিন্ মুখ,
কেন গো কিসের দুখ !
ভালবানা মরণে মরে কি ?

১

সতীর প্রেমের প্রাণ,
পতি প্রতি একটান ;
অমর সে ভালবাসা, মরণেও মরে না ।
স্বর্গ থেকে এসে, তাকে
অলক্ষ্যে আঙুলে থাকে,
সে দেখে নয়ন ভোরে, কেহ তারে দেখে না ।

২

শোকে কেঁদে উভরায়
 পতি যদি ডাকে তায়,
 প্রকৃতি নিহত হয়,
 কি যেন নিঃসরে বাণী বহমান্ পবনে,
 না জানি কি শক্তি-বলে
 সতীত্ব তপের ফলে
 আকাশে প্রকাশে আসে মেহমাখা আননে

৩

কিবে শান্তিনয় মুখ !
 হেরে দূরে যায় ছুপ,
 প্রকুল কপোল বহি গড়ায় নয়নজল ।
 যত সাধ ছিল মনে,
 পূর্ণ সেই শুভক্ষণে ;
 বিয়োগ-কাতর প্রাণ করুণায় সুশীতল ।

৪

সে অবধি স্বপ্ন-প্রায়
 সদাই দেখিতে পায়
 পত্নীর করুণাছায়া বেড়াইছে কাছে কাছে,
 চারিদিকে মৃদুগন্ধ
 অপূর্ণ কুলের গন্ধ,
 করুণ নয়ন ছুঁই মুখপানে চেয়ে আছে ।

৫

স্বর্গ সর্বসুখময়
সতীদের পিত্রালয়,
সে আদরে তত স্নেহে তবুও টেকে না মন,
থেকে থেকে ক্ষণে ক্ষণে
কার মুখ পড়ে মনে,
•কার তরে পাগলিনী ! ধরাতলে বিচরণ ?

৬

“মিতং দদাতি হি পিতা মিতং ভ্রাতা মিতং স্তৃতঃ ।
অমিতস্যতু দাতারং ভর্তারং কা ন পূজয়েৎ ?”

অহহ পবিত্র ভাষা !

কি উদাস্ত ভালবাসা !

কে দিল উত্তর ? আহা কোন্ দেবী নাহি জানি !

এ যে রামায়ণ কথা,

সে যে সীতা স্বর্ণলতা,

কন্যা কবি বান্দীকীর,

পতি তাঁর রঘুবীর

এ শ্লোক সীতার মুখে

শুনেছি মনের সুখে ।

আজি সেই শ্লোকগান

কেন চমকায় প্রাণ ?

কথা কয় বাতাসে কি ?

একি, একি, একি দেখি !

আধ আধ বিভাসিত কার্ এ প্রতিমাখানি—

আকাশে সুন্দরী শ্যামা কার্ এ প্রতিমাখানি !

৭

তুমি প্রভাতের উষা,

স্বর্গের ললাট-ভূষা,

ব্রহ্মার মানস সরে প্রফুল্ল নলিনী গো !

কেন মা পৃথিবী আসি

শুকায় সুখের হাসি !

সতী, সাধ্বী, পতিব্রতা !

কই তোর প্রফুল্লতা !

কে ছিঁড়েছে আশালতা, কি মানে মানিনী গো !

৮

আজি মা কিসের তরে

হাসি নাই বিন্মাধরে,

মলিন বিষণ্ণ-মুখী, নেত্রে কেন অশ্রুজল !

ভাল মানুষের ভালে

সুখ নাই কোন কাণ্ডে ;

কঠোর নিয়তি, আরো কতই কাঁদাবি বল !

৯

এস না ধরায়—আর, এস না ধরায় !
পুরুষ কিঙ্কৃত মতি চেনে না তোমায় ।
মনঃ প্রাণ যৌবন
কি দিয়া পাইবে মন !
পত্তর মতন এরা নিতই নূতন চায় ।
এস না ধরায় !

১০

গোলাপ ফুলের চেয়ে
সুন্দর, যুবতী মেয়ে,
মনের উল্লাসে হাসে প্রফুল্ল নলিনী ;
সেই পূণ্য প্রতিমায়
আহা কি সৌন্দর্য্য ভায় !
জুড়াতে মানব-হৃদি
কি নিধি দিয়েছে বিধি !
পরম আনন্দ ভরে
পূণ্যাত্মা দর্শন করে ;
কুরসিক পুরুষের কি ঘোর চাহনি !

১১

সরল হৃদয় লুটি
এ ফুলে ও ফুলে ছুটি
ভ্রমর কলঙ্ক-কালো উড়িয়া বেড়ায়,

গুন্ গুন্ রবে ওর
 বিযাক্ত মদের ঘোর,
 ও নহে কাহারো পতি;
 কেন গো দাঁড়িয়ে সতি !
 যাও মা অমরাবতী, এস না ধরায়
 আর এস না ধরায় !

১২

দুর্ক্‌হ প্রেমের ভার,
 যদি না বহিতে পার,
 ঢেলে দাও আকাশে, বাতাসে, ধরাতলে !
 মিটায় মনের সাধ
 ঢালিয়া দিয়াছে চাঁদ
 জগত-জুড়ানো হাসি ;
 প্রাণের অমৃত রাশি
 ঢেলে দাও মানবের তপ্ত অশ্রুজলে !

উপসংহার ।

১

- বলে নাহি গেলে মা ! আমার,
কেন দেখা দিলে গো ধরায় !
শুকতারা চলে গেল,
আলোকের রাজ্য এল,
তারাগণ গেল কে কোথায় ।

২

যেই দেশে তোমাদের বাস,
সূর্য্য সেথা বেতে পার ত্রাস ।
বিচিত্র সে সৃষ্টি কার্যা,
উদার স্বপন রাজ্য ;
সর্ব্বদা পূর্ণিমা রাত্তি,
চিরপূর্ণ চন্দ্রভাতি ;
দূরে দূরে, স্থলে স্থলে
উজ্জ্বল নক্ষত্র জলে,
ঝরুঝরু মধুর বাতাস ।

৩

নিষ্কপ্রাণ সে দেশের লোকে
 ভাল নাহি বাসে সূর্যালোকে ।
 যখনি আলোক ভার,
 অমনি মিলায়ে যায় ;
 রাত্রে আসে বেড়াতে ভুলোকে ।

৪

আহা সেই দেবী সুলোচনা,
 ‘সারদামঙ্গল’ গানে প্রসন্ন আননা,
 বাড়িয়ে কোমল পানি
 সাধের আসন খানি
 পাতিলেন, সুধালেন বসায় আমার
 নিমগন মনে আমি ধেয়াই কাহায় ?

৫

হায়, তিনি কোথায় এখন,
 অস্তগত তারার মতন !
 এতক্ষণ বরাবর
 করিলাম প্রস্নোত্তর ।
 দেখাতে ধ্যানের রূপ
 রচিলাম প্রতিক্রম,

শূন্যে যেন ইন্দ্রধনু
কান্ত, সৃজীবন্ত তনু ;
পরালেম আবারি আনন
কল্পনার বিশদ বসন ।
এ অবগুঠন মাজে
না জানি কেমন রাজে—

কেমন সুন্দর সাজে,
কার মুখে করিব শ্রবণ !
হায়, তিনি কোথায় এখন !

৬

আবৃত আকৃতি খানি—
জীবন্ত মাধুরী খানি—
প্রাণের প্রতিমা খানি
কার করে সমর্পণ করি !
কোথা সেই শ্যামাঙ্গী সুন্দরী !

৭

সরল সরস মন,
ভাবে ভোর বিলোচন ;
কার আছে তাঁহার মতন !

সাধের আসন ।

মনের ঘুমের ঘোরে
কে দেখেছে প্রাণ ভোরে
আধ আধ মেঘে ঢাকা চাঁদের কিরণ ?
কোথা, তুমি কোথায় এখন !

৮

প্রাণ খুলে ধরিয়াছি গান,
আপনার জুড়াইতে প্রাণ—
গাহিতে তোমার গুণগান—
করিতে তাঁহার স্তুতি যারে করি ধ্যান ।
করি অনুরাগ স্নেহ
শুনে, বা, না শুনে কেহ ।
শূন্য করি বঙ্গভূমি
কোথায় রয়েছ তুমি,
বসি কোন্ দিব্যালোকে
চিরপূর্ণ চন্দ্রালোকে
শ্রোত্রপুটে করিতেছ পান !
আমার এ হৃদয়ের গান ।

৯

আহা সেই মুখখানি—
স্নেহমাখা মুখখানি
কেহই দিবে না আনি আর এ জায় !
কোথা—সহৃদয়া দেবি ! গিয়েছ কোথায় !

১০

শুভ স্মৃতিখানি তব
জাগিতেছে অভিনব,
কুসুমের, আতরের সৌরভের প্রায়
তুমি চলে গিয়েছ কোথায় !
সে সব প্রকুল কুল গিয়েছে কোথায় !

শোক সংগীত ।

—*—

ফুল ফোটে না আর সাধের বাগানে,
 মুকুলে মরিয়া যায় ব্যথা দিয়ে প্রাণে !
 তবু যেন চারি পাশে
 সদাই সৌরভ ভাসে,
 সূদূরে সংগীতধ্বনি ; কেন গো কে জানে ।
 ঘুমঘোরে ভুলি ভুলি
 স্বপনে এনেছি তুলি
 এ ম'য়াকুসুমদান করুণ নয়ানে—
 হের দেবী করুণ নয়ানে !

 আজি তবে আসি ভাই !


কল্পনা কমল বনে

গাও মধুকরগণে !

বাই, নিজ গৃহে যাই !

প্রেমসীর চল চল বিকশিত আননে,
 দেখিগে যোগেন্দ্রবালা যোগভোলা নয়নে ।
 প্রেমের প্রসন্ন মুখ, সারদার স্তোত্র গান,
 এ জগতে এই দুই আছে জুড়ার স্থান ।
 ইতি ।

শান্তি গীতি ।



[রাগিনী মলিত ভৈরবী,—তাল তেতাল।]

প্রেমের সাগরে ফুলতরনী,

চির-বিকশিত নলিনী !

সেরভেতে স্বর্গ হাসে, আকাশে থেমে দাঁড়ায়—

দেখতে তোমায়, থেমে দাঁড়ায় দামিনী ।

আননে চাঁদের আল,

চাঁচর কুন্তল জাল,

অধরে আনন্দ জ্যোতি, নয়নে মন্দাকিনী—

হাসে, নয়নে মন্দাকিনী ।

কে তুমি সুসমা মেয়ে,

আছ মুখ পানে চেয়ে,

আলো কোরে অন্তরাছা, আলো কোরে ধরণী ।

সমীর আনোদে ভোর,

ডেকে আনে ঘুমঘোর,

মধুর—মধুর গান

আলসে অবশ প্রাণ,

কে গো, বাজায় বীণা,

ঘুমায় প্রাণে,

প্রাণ যে আমার, কি হায়ে যায় জানিনি !

জাগিয়া অচেতন,
 ঘুমালে জাগে মন,
 তুমি, সাধের স্বপনবালা, করুণা কমলিনী ।

ও রাঙা চরণ-তলে,
 ধর্ম অর্থ মোক্ষ ফলে,
 তুমি, মৃত্যুর অমৃত-লতা পাপ-তাপ-হারিণী ।

তোমাতে হৃদয়ে রাখি,
 সদাই আনন্দে থাকি,
 আমার, প্রাণে পূর্ণচন্দ্রোদয় সারা দিবা রজনী ।

সম্পূর্ণ ।

କବିତା ଓ ସମ୍ପ୍ରଦାୟ

কবিতা ও সঙ্গীত ।

নিসর্গ সঙ্গীত ।




[রাগিণী ললিত—তাল কাওয়ালি,—ভজনের সুর ।]

কি মহান্ অরুণ উদয় ! (আজি রে)
(আহা) উদার—উদার এ প্রলয় !

প্রগাঢ় মেঘেতে ঢাকা,
ভানু নাহি যায় দেখা,
(কেবল) কিরণে কিরণে কিরণ-ময়—
(মেঘরাশি) কিরণে কিরণে কিরণ-ময় !

পালায়েছে সব তারা,
চাঁদ যেন দিশে-হারা,
(যেন) মায়ায় মোহিত সমুদয় ।

গোধূলি ।




নীল আকাশ মাজে আধশশী শোভা পায়,
 ঈষৎ গোলাপী মেঘ ঘেরিয়ে রয়েছে তায় ।
 উচে নীচে তরঙ্গিয়া ভাসিছে শকুন সব,
 চাতকেরা উড়ে উড়ে করে কিবে কলরব ।
 কাল মেঘে ঢাকা আছে আরক্ত রবির কায়া,
 আধই সোণার আলো আধ আধ কাল ছায়া ।
 দিগন্তে রয়েছে ঘিরে মেঘের ধবলা গিরি,
 সোণার শিখর তার দেখি আমি ফিরি ফিরি ।
 হোথায় বেগুনি মেঘ পরী যেন উড়ে যায়,
 ছড়িয়ে দিয়েছে কিবে জরদ ওড়না গায় ।
 মগন তপন কাছে ধুমল আবরি ওঠে,
 কিবে তার বুক ব'য়ে লাল লাল নদী ছোটে ।
 অতি স্নিগ্ধ রূপবতী প্রাচী দিগঙ্গনা-রাণী
 নীল বসনে কিবে ঢেকেছে আনন খানি !
 বায়স বাসার দিকে ঝট্‌পট্‌ ছুটে যায়,
 পেচক কোটর থেকে এদিক্ ওদিক্ চায় ।

নিশীথ গগন ।

—*—

উদার অসংখ্য তারা ফুটিয়াছে গগনে,
 বচনে বলিতে নারি, শুধু দেখি নয়নে ।
 মন যে কেমন করে, প্রাণ ধায় শূন্যপরে,
 তোদের তারকা আমি কেন ভালবাসি রে,
 একেলা ছপুর রেতে ছাদে বসে হাসি রে ।
 চারিদিক কি গভীর, কারো সাড়া নাহি পাই,
 তবে কি জগতে আর জন প্রাণী কেহ নাই ।
 চাঁদের ছেলের মত ফের আলো করে কে রে !
 জুড়াতে জীবন বুঝি শশী রেখে গেছে এরে ।
 চাঁদের সাধের বাছা আয় তুই নেমে আয়,
 কি নাম নক্ষত্র তোর জানিতে হৃদয় চায় ।
 শতবর্ষ আজি যদি না জন্মিত মানবেরা,
 হইত শ্মশান সম পৃথিবীর কি চেহারা !
 কেমন জীবন্ত আছা ঘুমঘোরে অচেতন,
 ক্ষিরোদ সাগরে যেন ঘুমাইয়া নারায়ণ !
 কতই প্রতিমা দেখে নিমীলিত নয়নে
 নবীন প্রেমিক সব নব নব স্বপনে !
 সরল সরলা আছা থাক থাক সুখে থাক,
 সাধের ঘুমের ঘোরে পথ ভুলে যেওনাক !
 বড় ভালবাসি আমি তারকার নাধুরী,
 মধুর-মুরতি এরা জানেনাক চাতুরী ।

শ্মশান ভূমি ।



১

শূন্যায় নিস্তর প্রান্তরে,
 তটিনীর তটের উপরে,
 বিষন্ন শ্মশান ভূমি,
 পড়িয়ে রয়েছে তুমি,
 অভাগার নয়ন গোচরে ।

২

যেন পোড়ে কোন অচেতনা
 জননী, শোকেতে নিমগনা,
 নাহি সুখ দুখ জ্ঞান,
 দেহ ছেড়ে গেছে প্রাণ,
 কুরায়েছে সকল বাতনা ।

৩

পাগলিনী যোগিনীর বেশ ;
 ছেঁড়া বাস, ছেঁড়াখোঁড়া কেশ ;
 বিষম কালিম: ঢাকা
 কলেবর ভঙ্গ মাথা,
 হাড়মালে ঢাকা গলদেশ

বসন্ত পূর্ণিমা ।

—*—

মধুর মধুর তোর রূপ, যামিনী !
হরষে হরষময়ী শশী-সোহাগিনী !
তারকা কুসুম বনে
খেলিছ আপন মনে,
কি যেন দেখি স্বপনে মায়ার মোহিনী ।

(দূরে প্রিয়জনের স্বর শব্দগোষ্ঠে)

মধুর মধুর রে বাজিল বাঁশী !
চমকি অন্তর পরাণ উদাসী ।
কি জানি কেমন
করে আকর্ষণ,
অধীর চরণ, নয়ন পিয়াসী ।

শারদ পূর্ণিমা ।

—*—

আধ আধ চাঁদের কিরণ !
শারদ পূর্ণিমা আজি সেজেছে কেমন !
লইয়ে নীরদ মালা,
কতই করিছ খেলা,
ক্ষণে আধ দরশন, ক্ষণে অদর্শন !

কবিতা ও সঙ্গীত ।

গীত নং ১ ।

—*—

প্রভাত হয়েছে নিশি, আসি ভাই !
 আর, প্রেমের বিরাগ রাগ নাহি চাই ।
 হইব না পথ-হারা,
 ওই জলে শুকতারা !
 দূর—অতি দূর বাঁশরী শুনিতে পাই ।
 কল্পনা-ললনা-বুকে
 ঘুমায়ে ছিলাম সুখে,
 দিনমণি দরশনে লাজে মমে মরে যাই ।
 আসি হে জগতবাসী,
 ভালবাস, ভালবাসি !
 চারিদিকে হাসি রাশি, এমন সুদিন নাই ।

গীত নং ২ ।

—*—

[রাগিণী ভৈরবী—তান পোস্ত্ ।]

প্রাণে, সহেনা—সহেনা—সহেনাক আর !
 জীবন কুমুমলতা কোথা রে আমার ।
 কোথা সে ত্রিদিব ব্যাতি,
 কোথা সে অমরাবতী,
 ফুরাল স্বপন খেলা সকলি আধার ।

এই যে হইল আলো ;
কই, কই, কোথা গেল ;
কেন এল, দেখা দিল, লুকাল আবার ।
আপনি আকাশ মাজে
কেন সেই বীণা বাজে,
সুধাংশুমণ্ডলে রাজে প্রতিমা তাহার—
ওই দেখ প্রতিমা তাহার ।

মৃদু মৃদু হাসি হাসি
বিলায় অমৃতরাশি,
করণা-কটাক্ষ-দানে জুড়ায় সংসার ।
ফুটে ফুটে চারি পাশে
পদ্ম পারিজাত হাসে,
সমীর, সুরভিময় আসে অনিবার—
ধীরে ধীরে আসে অনিবার ।

এ নীল মানস সর,
আহা কি উদারতর,
উদার রূপসী শশী, সকলি উদার !
এখনো হৃদয় কেন
সদাই উদাস যেন,
কি যেন অমূল্য নিধি হারিয়েছে তার ।

কবিতা ও সঙ্গীত ।

গীত নং ৩ ।

—*—

[রাগিণী ভৈরবী—তাল আড়া ।]

কোথা লুকালে,
 ত্যেজিয়ে আমারে !
 ত্রিভুবন আলো করি এই বে জ্বলিতে ছিলে !
 লুকা'ল তপন শশী,
 কুরাল প্রাণের হাসি,
 চিরদিন এ জীবন তিমিরে ডুবালে !

গীত নং ৪ ।

—*—

[রাগিণী বিভাস—তাল ঠা ঠুংরি ।]

কি হ'ল কি হ'ল হ'ল রে, কি হ'ল আমার !
 কেন কেন ত্রিভুবন তিমিরে মগন প্রায় !
 এলোকেশী কে রূপসী
 বলেতে হৃদয়ে পশি
 দামিনী বজ্রাঘ্নি যেন মাতিয়ে বেড়ায় ।
 উছ, প্রাণের ভিতরে
 কেন গো এমন করে
 ধর ধর ধর ধর, জীবন কুরায়

গীত নং ৫ ।

—*—

[রাগিণী কালাংড়া—তাল খেম্টা ।]

বালা, খেলা করে চাঁদের কিরণে ;
ধরে না হাসিরাশি আননে ।

ঝুরু ঝুরু মৃদু বায়

কুন্তল উড়িয়ে যায়,

“চাঁদা আয় আয় আয়” চায় গগনে ।

ধরিয়ে মায়ের গলে,

দেখায়ে চাঁদ, দে মা বলে,

কাঁদো কাঁদো আধ আধ বচনে ।

কাছে কাছে গাছে গাছে

কুল সব কুটে আছে,

করতালি দিয়ে নাচে সঘনে ।

হেসে হেসে তুলে তুলে,

চুমো খায় ফুলে কুলে,

চুমো খায় ধেয়ে মায়ের বদনে ।

গীত নং ৬ ।

—*—

[রাগিণী কালাংড়া—তাল খেমটা ।]

পাগল করিল রে, তার আঁখি দুটি !
তরঙ্গে টলমল নীল নলিন ফুটি !

অধর থর থর,

ফেটে পড়ে পয়োধর,

নিতম্বে চিকুর খেলিছে লুটি লুটি ।

লুটিছে অঞ্চল,

অনিলে চঞ্চল,

মকর-কেতন চরণে লুটোপুটি ।

দামিনী চমকিয়ে

পালিয়ে পালিয়ে

বেড়ায় ফাঁকি দিয়ে মেঘেতে ছুটি ছুটি ।

শয়নে স্বপনে

নয়নে নয়নে,

ধেয়ে ধরিতে গেলে হাসিয়ে কুটি কুটি ।

—

